

Сулиоз
МУМИНОВА

KOMETА



Гулноз МҮМИНОВА

КОМЕТА

Шеърлар



Ғафур Ғулом номидаги нашриёт матбаа
ижодий уйи – 2019



УЎК 821.512.133-1
КБК 84(5Ў)7
М 11

МЎМИНОВА Гулноз

Комета /Шеърлар/ Г. Мўминова – Тошкент: Faafur Fулом номидаги нашриёт-матбаа ижодий уйи, 2019. – 392 б.

УЎК 821.512.133-1
КБК 84(5Ў)7

© Faafur Fулом
номидаги нашриёт-
матбаа ижодий уйи,
2019

ISBN 978-9943-5424-8-8

ТАҚДИМ

Гулноз кўнгилни тўлқинлантириб юборадиган най нолаларидай муҳаббат шеърлари, ишқ изҳорлари билан адабиётга кириб келган эди... Бугун унинг бу борадаги ижоди янаем тиниқлик, равонлик, жарангдорлик касб эттаётгандай. Кўнгил торлари янада ингичка тортиб, тараплашгандай.

Кулиб ўтолмадим – гамдан уялдим,

Куйдим деёлмадим – шамдан уялдим.

Гарчи дардманд эдим, фарёд этмадим,

Сен-ла хушбаҳт ўтган дамдан уялдим.

Шу тўртликни қайта-қайта ўқидим. Кўнгил ҳам, фикр ҳам шу қадар самимий бўладими?

“Куйдим деёлмадим – шамдан уялдим”.

– Гулноз, – дегим келади унга, кўклам ниҳолидай хипчагина, чиройли, ўйчан кўзли қизалоққа, жаннат чечакларидай тўрт фарзанднинг суюмли онасига, кўнглингни, шу кўклам жилғаларидай тоза туйғулар макон кўнглингни шу бокира, пок ҳолида асраргин!

Дунё яралибдики, Муҳаббат бор. Муҳаббат яшар экан, висолнинг хуш дамлари-ю ҳижрон изтироблари, аламлари инсонларга ҳамроҳ. Қи-



зик, Мұхаббат ўзининг фиғонлари, қайғулари билан ҳам гўзалми? Яъни у ошиғи ё маъшуқаси йўлида сўнгги чора – ўлимга-да тайёрлиги билан қудратлими?

Ҳижронномаларни қўчираётганда азал хаттотларининг қўллари бежиз қалтирамаган, юраклари бежиз титрамаган. Ҳижрон найларининг нолалари аждодларимиздан бизга, биздан эса биздан кейингиларга, кейингилардан-да кейин келаётганларга ўтиб бораверади.

Гулноз мана шу муқаддас мерос хирқасини ўзига яраштириб кийган. У мана шу меросхўрлик хизматини ўрнига қўйиб, жуда чиройли адо этаяпти.

Гулноз, қизалоғим, Румий ҳазратларининг тили билан айтганда “ишқдин чок эгнинг”, ишқдан чок, аммо покдин пок юрагингга Аллоҳдан қувват, қудрат тилайман. Чунки биз дунёдаги ҳар қандай юракларни, ҳар қандай қўрғонларни забт этганда, фақат ишқ билан, кучли, ўтли меҳру муҳаббат билан забт этамиз. Забт этиш, эгаллашнинг бошқа ҳалол йўли йўқ.

*Сени яхши кўраман.
Эҳтиром билан Ўзбекистон ҳалқ шоири
Халима ХУДОЙБЕРДИЕВА*



ЗАМИНГА ХИТОБ

Ярминг қоронғудир, ярмингда зиё,
Ярмингда сакинат, ярминг титраган.
Ох, Замин, баҳайбат олмасан гүё,
Лекин ярим палланг мудом құртлаган.

Ярмингда киборлар сокин етаклаб,
Юрганида холдор күппакларини,
Ярмингда чиллашир, рангпар гүдаклар
Йиқилар босганча этакларини.

Ярим осмонингга ёғду тўладир,
Ярминг талангувчи, ярминг талончи.
Ярминг нурга интиқ бўлиб ўладир,
Ярминг тўғрисўзdir, ярминг ёлончи.

Ярминг мазлумларга уқубатхона,
Бунда тиллар соқов, сассиз қадамлар.
Ножинслар ҳуқуқи учун ярмингда
Намойишга чиқар телба одамлар.

Ярмингда хотинлар хўрланиб, мурғак
Гўдаклар очликдан ўлиб ётодур.

Ярмингда йиғилмас очилдастурхон
Уволу сарқитга тўлиб ётодур.

Ризқ ярмингда текин, ярмингда талош,
Валекин қайғуни кўришар баҳам.
Ярминг олов ичра тўлғонар юввош,
Уни ўчиролмас уммонларинг ҳам.

...Тап-тап ерга қулар куйган қушларинг,
Замин, қололмадинг уларни асраб.
Рост чиқди қачондир кўрган тушларинг –
Энди туққан боланд ярмиси Машраб.

13.06. 2017 йил

ЗОРРО НИҚОБИ

Қачондир ботирлар яшаган танҳо:
Тунлар – от устида, кундузи чоҳда.
Мазлум эл истаги бўлсин, деб бажо
Ёрлари кутганлар ғамда, фироқда.

Тақдир қавартирган икки елкага
Халоскорлик юкин ортган – ўшалар.
Хуррият етгунча ғариб ўлкага
Юзга қора ниқоб тортган – ўшалар.

Зорро камёб бўлган, узоқ кутганлар
Мазлумлар умрига фидо жонларни.
Бугун шунчалик кўп ниқоб тутганлар,
Таниб ололмайсан қаҳрамонларни.

“Мен Зорро!” – қичқирап кечаги сотқин,
“Мен Зорро!” – қичқирап ўғрибоши ҳам.
Жасорат деб билар эски қилиғин
Дўст уйига олов қўйган муттаҳам.

Кимдир чайқалади сурон ичинда,
“Мен Зорро!” – мадҳ этар гүё ўзини.
Гарчи ниқоби бор шу он юзида,
Элдан яширолмас бузук кўзини.

“Мен Зорро” – ғовурдан қулоқлар битар,
“Мен Зорро” – чийиллар қўрқоқ ҳам
хатто.

“Мм-ен ҳам Зоорро!” дея ғўдранар
кимдир...

Демак, соқовдан ҳам чиқибди садо.

Оломон шовқини етар фалақка –
Ҳеч кимнинг ҳеч кимдан кўнгли
тўлмайди.

Эскирган ниқобин уриб чўнтакка,
Зорро жим кузатар, бирор билмайди.

17-18.05. 2017


ШЕРЛАР

Хисор этагида қайси бир замон
Пирлар ёққанида самоъ машъалин,
Қамишлар оралаб наърасиз, пинҳон
Шерлар чиқар экан тавоғ қилгали.

Тоғлар шамолидан ўсиқ ёллари
Силкиниб, даврага боқаркан гирён,
Сукунат тилида арзи ҳолларин
Айтган чоғ юракда ёнаркан иймон.

Хўш, пирлар-чи?
Пирлар қамиш чайлада
Жону рух-ла тушиб зикри самоъга,
Энди тугилгандек бегуноҳ, тоза
Бўлиб қайтар экан ортга – дунёга.

Шерлар эса чайла деворларига
Суйкалиб ўтаркан навбатма-навбат.
Улар ҳам дунёнинг бедорларига
Халал бермасликка топаркан тоқат.



Тун ярмидан оғиб, толиққан пирлар
Уйқуга чұмаркан – дунё унутдай.
Гулхан атрофига ястаниб шерлар,
Чайлани қўриркан вафодор итдай.

Фақат кўринганда уфқда қуёш,
Тоғларга тушганда заррин нурлари,
Шерлар ҳам заминдан кўтаришиб бош,
Сўқмоқ томон солар экан йўлларин...

Чигал саволларга тўлмиш бу дунё,
Жавоб излаш учун қайтмасми пирлар?
Шитирламай кўйди қамишлар ҳам, ё
Кирилиб битдими иймонли шерлар?!

23.02.2014



ДОВОН ТОШЛАРИ

Китоб ва Самарқанд оралиғида
Довон бор, азалдан ётар ястаниб.
Нурли кўринади қуёш тифида.
Сен довон тошларин қолгайсан таниб.

Туғдона сўз айтар ўз шевасида,
Метин елкасида йилларнинг юки.
Анави қоятош Нуҳ кемасига
Сиғмай қолиб кетган жонзотдир балки!

Манов оппоқ тошни кўр, дўстим, қара –
У ҳам бизлар каби бедор эмасми,
Улугбек бўйнига қилич тушганда
Ногоҳ учиб кетган дастор эмасми?

Хув даралар ёвдан олган ўчини
Шу юртнинг чин ўғли – эгаси бўлиб.
Анов қатор тошлар Али Қушчини
Румга кузатганлар эгачи бўлиб.

Билишимча, аскар бўлган манов тош –
Ёв кўксин мўлжаллаб, тортганда камон,
Даҳшатли оғриқقا бир зум бериб дош,
Тиззалаған кўйи таслим этмиш жон.



Корайган горлари оғзида тишлаб
Туар пирлар ечган муazzам сирни.
Шу тошлар онадай кўксига муштлаб
Ҳинд сори кузатган Мирзо Бобурни.

Осмон туар боқиб – кўзин олмагай,
Юксак тизмаларга киради суқи.
Чангалзорлар ичра бир зум тинмагай
Булбуллар чаҳ-чаҳи – шоирлар руҳи.

Хуллас, тасаввуринг озоддир бир дам,
Чексизлик қўйнида чекинмас хаёл.
Лекин ҳаддан ошсанг, ҳатто тошга ҳам
Оғир ботар экан, келаркан малол.

Инсонсан, билмайсан тошларнинг тилин,
Қисматинг агарчи шу йўлларга банд.
Темур боғларининг ҳавоси билан
Сени чорлайверар азим Самарқанд!

Елкангла мозийнинг зилдайин юки,
Олдга интиласан жонинг борича.
Ундан ўтиб олсанг, марра сеники –
Хислар довонидир Тахтиқорача.

19.04.2014 йил.

МУТАНТЛАР

(Шоир дўстларимга)

Улар кесиб ўтган Вақт чизигидан.
Зебо Мирзо

Қачон кесиб ўтдик Вақт чизигидан,
Қачон бизни чирмаб улгурди Ҳаёт?
Учартошлар ёнган оли-и-с кечада
Бегона маконда уйғондик. Наҳот?!

Сүзсиз ҳайқириқ-ла қалқдик оёққа,
Уйғонмоқ фурсати қақшатди жонни.
Товонимиз тегди илиқ тупроққа,
Күрдик бош устида мовий осмонни.

Ёдимиз лавҳига қўйилди нуқта –
Ҳаёт шовқинлари таралган замон.
Ҳамма даврда ҳам халоскор кўқдан
Тушмаслигин англааб етгайми инсон?

Издиҳом ичида кезаркан, ногоҳ
Таниб қолажакмиз бир-биrimизни.
Шунда... нигоҳларда ялт этар бир “оҳ”,
Тушуниб етамиз тақдиримизни.



Жисм қолипига ўзни урган рух,
Инсу жин қавмиға қариндошлармиз.
Қонимизда оқар қадимий андуҳ –
Одам шаклин олган учартошлармиз!

Ногаҳон инисин ўлдириб қўйган
Кобилдан меросдир фарёдларимиз.
Довон отларидаи – вақт ўтган сайин
Ичкарига ўсар қанотларимиз.

Демак, энди бизга учмоқлик – армон,
Тошдаги битикдай ўчмас бу дардлар.
Хеч курса ўзини асрой олмаган
Шўрлик мутантлармиз, ҳорғин
мутантлар.

*Учартоши-метеорит

19.03.2017



САРАТОН ҚҰШИҒИ

Күчалар күй түқииди
Қадамлар товушидан,
Бул күйга мухлислар ҳам
Топилади бегумон,
Баҳра олар саратон
Күнгиллар совушидан,
Узлатнишин дилларга
Туйғулар құлар бежон.

Саратон – улкан тандир,
Күйдиради очунни.
Гүлах ўтни аямас,
Кирпик куяр тафтидан,
Худонинг тандирида
Сингиб пишмоқ учунми
Тириклиқ патнисида
Ёнма-ёнмиз, афтидан...

Меҳр – асли мүрт банддир,
Бул кун тегмас нафи-да:
Саратон – улкан тандир,
Қуёш – олов рапида.

09.07.2017



ҚУШ БИЛАН СҮЗСИЗ СУХБАТ

Уясида ҳурпайган қүшча,
Мени душман билма ўзингга.
Майли, ўйла: “Бу ҳам бир тушча”...
Чўп суқмайман мунчоқ кўзингга.

Менинг уям пастроқда – унда
Ором олар кундуз ўйлари.
Элас-элас әшитиларми
Кўшиқларим, кулгим, куйларим?

Мен ҳам битта тункезар қушман,
Бир замонлар қанот етмаган.
Ҳеч битта қуш дайри фанодан
Зўр парвозсиз ўтиб кетмагай.

Ҳа, рухимда учмоқ умиди,
Шубҳаланма, бу – менинг ростим.
Илк ва сўнгги парвозим чоғи
Қанотингни силкиб қўй, дўстим.

09.07.2017

Кундуз – менинг такаббур дўстим,
Қадамлари дадил ва илдам.
Қулоғига етмайди сўзим,
Етиб юрмоқ қийиндир бирам.

Оқшом – менинг ҳорғин дугонам,
Ўхшаш менга шу бир жиҳатдан:
Такаббур дўст хаёли билан
Ўтиб кетар зарур бекатдан.

16.07.2017

ГОРДАГИ СУХБАТ

Овдан қайтиб келған учта одамхүр
Улкан ғор оғзига тошни суришиб,
Үлжа зёр бўлди, деб қилганча шукур,
Үлтирас дўстона сухбат қуришиб.

Бири дер туртганча боғлиқ ўлжасин:
“Мен бекатдан тутдим манов учарни.
Кўрдимки, бўзлатиб қари аёлни
Ҳамёнин – бор будин олиб қочарди”.

Иккинчиси дейди қалтираб дир-дир
Ётган ўлжасига боққанча қиё:
“Қўшни деворидан шаҳват-ла назар
Солган малъунларга тўлибди дунё”.

Учинчиси айтар: “Менинг қўлимга
Тушгани ёмонроқ, айтгум ростини.
Зиёфатини еб, сарпосин кийиб,
Ўз ~~жони~~ сотиб қўйди дўстини”.



Баҳайбат бошларин эгиб учкови,
Анча вақт хаёлга толиб ўтирад.
Сўнгра ёшроғига кекса бирори
Одамхўр тилида ғамнок ўкирад:

“Касаллари юқиб қолса-чи? Дарров
Тошни сур, уларни ҳайдагин, жиян.
Ҳозирча сиримиз билмасин бирор,
Биз бугундан бошлаб вегетариан”.

16.07.2017



Биз сен билан ҳамон икки қутбмиз –
Сен томон – оппоқдир, бизда қаролик.
Гарчанд күп йўлларни бирга ўтибмиз,
Ҳамон ўртамизда олис оралиқ.

Сен – кўклам, мағурсан, минг бор
йиғлатиб,
Афсус қилмайдирсан, ўкинмайдирсан.
Мен эса кузакман, бирғина сўздан
Хазон япроғидек тўкилгайдирман.

Сен шодон борасан умр йўлида –
Бўйнингда қувончли кунлар шодаси.
Мен эса турибман, ҳамон қўлимда
Ярми ичилмаган қайғу бодаси.

Сенинг кузларингда қулар ғунчалар,
Менинг баҳоримда йиғлайди хазон.
Қалбинг ишқ ўтидек қайноқ шунчалар,
Менинг юрагимда мангуда қаҳратон.

Изтироб чекишдан мен ҳам чарчадим,
Сен озор бермоқдан наҳот толмасанг?
Айттил, ҳаётингда қандай қолайин,
Сен мени ўзингдан асрой олмасанг?

22.11.2005 йил.



* * *

Вале озурдамиз озор ичинда,
Вале пажмурдамиз баҳор ичинда,
Бу күнгил то ҳануз хуммор ичинда,
Биз-да ишқ ишидан ҳайрона келдик.

Хувиллаб ётибди дил боғларимиз,
“Хайр” демоққа шай дудоқларимиз,
Қайғу қамал қилди қароғларимиз,
Гулдан яралгандик, хазона келдик.

Сен-да ишқ тилида бийрон сўзладинг,
Ёлғон сўзладинг-ай, ёлгон сўзладинг,
Изтиробга тушдим, ёмон бўзладим,
“Гилдан яралгандик, тўзона келдик”.

Биз кўнгулни ғамдан озод истадик,
Сукунат тилинда фарёд истадик,
Бедодлиғлар ичра имдод истадик,
Бугун “баҳт йўқ” деган гумона келдик.



Биз ситамгар эдик – ситам қидирдик,
Үша бир жуфт күзни бенам қидирдик,
Бизам Наврўз эдик – Ажам қидирдик,
Байрамлар йиғлаган макона келдик.

Бизам осмонидан адашган моҳмиз,
Ҳасрат карвонлари талашган роҳмиз,
Юсуф қамчисини күйдирган “оҳ”миз –
Зулайҳо кўксига гирёна келдик,
Мастона келдиг-ай, мастона келдик,
Бизам обод эдик, вайронга келдик!

08.10.2006 йил.





Үша күхна ҳисдан ҳамон адоман,
Ки ташна руҳингга меҳригиёман,
Фано баҳри томон оққан дарёман –
Ман санинг пойингда ўлмоқ истарам!

Висолми, ё “хайр” – видоми севги?
Ё бахтдан мангалик жудоми севги?
Ё Шомон, ё маъбуд – Худоми севги?
Ман санинг пойингда ўлмоқ истарам!

Ашкимдан кўкарган гуллар сўзласин,
Рашкимдан лол бўлган тиллар сўзласин,
Ишқимдан шоҳ бўлган қуллар сўзласин,
Ман санинг пойингда ўлмоқ истарам!

Ман-да гул хокидан барпо эдимми,
Кўнглинг жаннатида тубо эдимми?
Саҳролар талашган рўё эдимми –
Ман санинг пойингда ўлмоқ истарам!

Ки қисмат базмида соқийдур ғамлар,
Шодликлар ёлғондир, боқийдир ғамлар,
Күзларимдан оят үқийди ғамлар –
“Ман санинг пойингда ўлмоқ истарам!”

Бугун лабларимга видо жойланди,
Хеч кимса англамас садо жойланди,
Қисмат камонидан ярадор қалбнинг
Энг хилват ерига Худо жойланди!
Ман анинг пойида ўлмоқ истарам!
Ман анинг пойида ўлмоқ истарам!

27.11.2006 йил.



ДИЛ СИНИҚЛАРИ

(Тұртликлар түркүми)

1.

Рұхимда ҳам ишқедир, вужудимда – ишқ,
Осийлигимда, ҳам сужудимда – ишқ.
Ёр, манга қисматдан омонлиғ тила,
Ки манинг барбоду мавжудимда – ишқ.

2.

Ёраб, гулларимиз туроб ичинда,
Ҳама ободимиз хароб ичинда.
Бир дардкаш қидириб майга юзлансак,
Суратинг аксланаар шароб ичинда.

3.

Гарчи шамолларда шитобимиз бор,
Бизнинг ҳам қисматга жавобимиз бор.
Чин ошиқлар каби сукутдадирмиз –
Гарчанд чақмоқларда хитобимиз бор.

4.

Эй дил, гул фаслида нолонлиғ нечун,
Қисмат саҳнасида ҳайронлиғ нечун?
Ошиқлик адоги ҳалокат бўлса –
Омонлиғ нечундир, омонлиғ нечун?

5.

Ишқ сирри тугади – фошларга етди,
Ғаминг кўздан ўтди – қошларга етди.
Кўнглимни кўрсатсам, тўзғийди тоғлар –
Хажринғ изтироби тошларга етди.

6.

Биз гулдирмиз, гулобимиз – ишқ,
Ўлсак, хоки туробимиз – ишқ.
Ваҳ, бу кўхна дунё қасрида
Ободимиз, харобимиз – ишқ!

7.

Мудом юксакдасан, мудом пастдаман,
Дарду ғамларингга камарбастаман.
Ошиқлик қисматин мезонига боқ:
Сан – гулу япроқда, хору хасда – ман.



8.

Сен бир чексиз уммондирсан – мавжинг
менинг күнглимдадир,
Энг дардли куйсан оламда – авжинг
менинг күнглимдадир.
Ёра, исминг ҳайбатидан жон-жонимга
кирап титроқ,
Ишқ ояти Ўзингдирсан – шарҳинг
менинг күнглимдадир.

9.

Ишқ биза ҳам баҳт, ҳам балолиғ бўлди,
Қисматда қошингдай қаролиғ бўлди.
Биз Лайли – Мажнунга ҳавасмандмасдик,
Вале, тақдиришимиз айролиғ бўлди.

10.

Бу йўлда гоҳ худ, гоҳ беҳудлиғ бордир,
Гоҳ омон, гоҳида нобудлиғ бордир.
Агар сабр этсанг, умр шомида
Ажал шаробидан хушнудлиғ бордир.



11.

Манга ибтидо керак, эй Ёр, охир
талабсан,
Бир дам ғамза истадинг – Санам соҳир
талабсан!
Ҳасратим ичга ютсам, мандин ўғирдинғ
юзни,
Ҳамон зоҳир талабсан, ҳамон зоҳир
талабсан.

12.

Манам бир жилғадирман – ибтидом
Ўзингдурсан,
Бориб етажак жойим – интиҳом
Ўзингдурсан.
Ки ман-да кўнгли билан курашгувчи
ғозийман –
Интиқом Ўзингдурсан, интиқом
Ўзингдурсан!

13.

Сенга сўз йўқ – маю жом Сен биландур,
Дил дарсида имтиҳон Сен биландур.
Бу фанода халойиқ Сен-ла яккаш
Ҳам Маҳшарда издиҳом Сен биландур.



14.

Эй шаъм, “ёритгувчим, кўзим, исматим”,
Десам, кибру ҳаво пайдо қилурсан.
Ахир парвоналиғ манинг қисматим,
Сен нега “куйдим” деб ғавғо қилурсан?!

15.

Кавсар сувини кўз ёшимдан олдинг,
Гоҳ толеъ рангини қошимдан олдинг.
Тандан бунча айро туулар жоним,
Қачон ишқ савдосин бошимдан олдинг?!

16.

Кулиб ўтолмадим – ғамдан уялдим,
Куйдим деёлмадим – шамдан уялдим.
Гарчи дардманд эдим, фарёд этмадим,
Сен-ла хушбаҳт ўтган дамдан уялдим.

17.

Ишқ шеваси турли, имло биттадир,
Ғам шомлари аро ялдо биттадир.
Магар Ҳақ талабсан, дунёни кузат:
Мажнун минг ирқда-ю, Лайло биттадир.



18.

Бу мунглиғ дил буқун Ёра етишгай,
Гүнг бир забон қадар зора етишгай.
“Қандоқ етишди” деб сүрмагил, англа:
Вужуд қафасини ёра етишгай.

19.

Теграмда айланар жақон суврати,
Дил тубинда Ёрнинг ниҳон суврати.
Маҳшар куни қандоқ бош кўтаргайман,
Бош устимда турса Жонон суврати?!

20.

Осиyllигим тараҳҳумингга боис,
Ожизлигим табассумингга боис.
Эй Худойим, наҳот манинг ҳайратим,
Ҳар заррада тажассумингга боис?

21.

Дедим: ишқ сирридан мудом ҳайронман:
Севгинг кўзада-ю, аксинг майдадур.
Деди: сир мангудир, ахир посбон – Ман,
Англа, дард қамишда, фифон найдадур.

22.

Ошиқ айтар: “Найнинг навосидир ишқ”,
Гоҳ ғам водийсининг ҳавосидир ишқ.
Аввалда бу дарднинг боиси Ўзи,
Ҳам охирда унинг давосидир ишқ.

23.

Оlam сокин тортиб қолди-ку бирдан,
Йифиб олингандай жами оҳанг, сўз:
Боқ, қизфиш япроқлар ҳошиясида
“Видо” оятига тафсир битар Куз.

24.

Айт, қандайин таъриф мос келар сенга,
Кўрқоқсан, ғофилсан - асл нодонсан:
Ўнг қўли Халложни дорга тортганда,
Чап қўли кўз ёшин артган инсонсан.

25.

Оlam шафақ рангин эслатар менга,
Хазонга бурканмиш жами қутблар.
Фасл атворига мувофиқ – Сенга
“Хатти шикаста”да битдим мактублар.

26.

Дунёдан беасос нолибмиз, ёрим –
Гоҳ дониш, гоҳида толибмиз, ёрим.
Фалак хўп даврон-ла сийламиш бизни:
Бедиллар баҳсида ғолибмиз, ёрим.

27.

Умрим оти ҳориди, излашдан сенга
тимсол –
Жон қадар омонатсан, рух каби
паришонсан.
Гоҳида ошкорсан зарраи офтоб мисол,
Гоҳи Кақнусбачадек ўт ичидан пинҳонсан.

28.

Исмим чизгисини дилдан ўчирдинг,
Куйчи юрагимга сурма ичирдинг.
Рангим заъфарони сабабми, билмам,
Умрим хонасини Кузга кўчирдинг.

29.

Оҳулар ўйнамас кўхимда маним,
Тўрт унсур қоришиди руҳимда маним.
Куз менинг дунёmdir, исботини кўр:
Хазонлар ҳилпирав туғимда маним.

30.

Бир кеч намозшомгүл сүз қотди менга:
“Ғалат мұхр солмиш чехранға йиғи”.
Гулгинам, нимасин айтайин сенга,
Бу йиғи мұхримас, шафақ яллиғи.

31.

Мен норизо әдім исмимдан,
Хаммасини түғриләди Вақт.
У қолмади бир зум изимдан:
Энди менинг исмим – ИТОАТ.

32.

Шафқат қылгин, ёпма оғзимни,
Үзинг айтгин, нега йиғламай?
Бир ох тирнаб ётар бўғзимни:
“Қамиш әдім – бўлолмадим най!”

33.

Умрим қайифини вақт денгизида
Адаштирса бир кун қисмат шамоли,
Осон топажакман йўлни, агарда
Елканим бўлолса онам рўмоли.



34.

Сенга юрагимни очдим-да – кеттим,
Умрингга қувонч, ғам сочдим-да – кеттим.
Дунёнгда насибам бир лаҳза эди:
Шу лаҳза хурмати қочдим-да кеттим.

35.

Аё дил, қирқ йилки қулфатим сенсан,
Ки ғам меҳробига рағбатим сенсан.
Айролиқ жомидан майлар узатсам,
Сира қайтармаган улфатим сенсан!

36.

Ул неки яратса – якто яратти,
Кечани қундуздан зебо яратти.
Кўнглимга исмингни экиб уруғдай,
“Кун” деди – бир ажиб Тубо яратти.

37.

Чўққи тонгда янги тушини
Чизганида уфқقا яна,
Мовий, сариқ, ол, яшил ранглар
Ва мўйқалам қилас тантана.



38.

Замин – жавҳар сепилған дала,
Хозирламиш энг Буюк Дехқон.
Маҳшар куни унажак унда:
Тавба, Иқрор, Савоб, Пушаймон.

39.

Қалбимга тўсиқсиз ўтар гумонлар,
Қайтиб тутмагайман адл отини.
Пийпалаб ўлдирса катта ёлғонлар
Ҳақиқатнинг ёлғиз зурриёдини.

40.

Шоир шеърларини отди гулханга,
Сўнг ботинмайгина ташлаб қўйди кўз:
Чирпаниб, ўзини уриб ҳар ёнга
Аланга тилида фарёд қилди Сўз.

41.

Ошиқ дилим найда маним,
Найистоним қайдада маним?
Ерда нега гирён кезгум,
Ғамим бунча майда, маним?

ИСТАЮР

Навбаҳорим, чечакларинг мандан
шикоят истаюր:
“Минг йилдирким, осий эрди – энди
ҳидоят истаюр”.

Тиконларинг тавоғ этсам олиб аста
товонимдан,
Тилга келгай, гумроҳлиғим айтиб ҳикоят
истаюр.

Ман бу ғамнинг мамнуниман, ман бу
дарднинг мафтуниман,
Ишқ оягин бир ўқиган такрор тиловат
истаюр.

Ким жамолингдан умидвор ошиқлара
қойилмасам,
Чин ошиқлик даъво қилиб, ғамдин
қаноат истаюр?!

Бу қисматда фидолиғ бор – гарчанд минг
бир жудолиғ бор,
Ишқ ғаввоси бул уммондин мудом
ҳалокат истаюр.

Эй дўст, мани висолингдин икки дунё
мосуво эт,
Магар дилим ғамдин кечиб, бир бор
ҳаловат истаюр.

Эй ёр, тамуғ алангасин бир учқуни
дилимдадур,
Фалак дунё бозорида ўт-ла тижорат
истаюр.

Эй дўст, Санинг ишқинг майдур, манам
бир умидвор соқий,
Кўнгул бу майдин мастилуб, бир бор
хижолат истаюр.

Эй ёр, Санинг жамолинг – шаъм,
оташининг қиёси йўқ,
Ҳар парвона ўз жониға лойиқ ҳарорат
истаюр.

Аё Гулноз, ошиқ аҳлин пандига қулоқ
осмагил,
Ҳар йўловчи ишқ манзилин ўзича
форат истаюр.

04.04.2007 й.



Эй дил, ғам ризқини ол – ғаниматдир айрилиқ,
Ки маҳзун тийнатингта фазилатдир айрилиқ.

Нечук ғалат ошиқсан – мудом васл тиларсан,
Хаста руҳимга даво азиятдир айрилиқ.

Билсанг, умр дайрина висоллар йўл сололмас,
То кўнгил ҳарби учун Панипатдир айрилиқ.

Гоҳи бетоқат бўлсам, юракдан садо етгай:
“Заруратдир айрилиқ, заруратдир айрилиқ!”

“Куйдим” деб даъво қилсанг – чин ошиқ
эмасдирсан,
То сен учун заҳмату риёзатдир айрилиқ.

Бу маккор дунёсининг бор ҳикмати саробдир,
Мен англадим – энг азим ҳақиқатдир айрилиқ.

Фалак кулса бошингда, хитоб айтгилки,
Гулноз:
“Ишқ эътиқоддир манга, тариқатдир
айрилиқ!”

5.05.2007.



* * *

Шўх фасллар ичра маним диёrim йўқقا
ўхшайдир,

Ки, йўл қошидаман гирён – қарорим
йўқقا ўхшайдир.

“Унут” деган сайин кўнгил баландроқ
айтар исмингни,
Ёра, кўнгилдан ҳам ёмон ағёrim йўқقا
ўхшайдир.

Магар сандин келар бўлса, манга
ғамнинг малоли йўқ,
Маним ҳам ғамлара ҳеч бир малолим
йўқقا ўхшайдир.

Манам гулман, парво этмай хазон
селига отгайсан
Ё бағринг тош, ё қўрқмайсан – узолим
йўқقا ўхнайдир.

Ёр, ҳасратинг селобидан ўтмоққа етмиш
ғайратим,

Вале умрингга кирмоққа мадорим
йўққа ўхшайдир.

Сан манинг маҳзунлигимни топмассан
ўзга чехрадин –

Бу дунёсида маним ҳам такрорим йўққа
ўхшайдир.

Аё Гулноз, “кетмагил” деб оёқ остингда
йўл йиғлар,

Бу оламда фақат ёра даркорим йўққа
ўхшайдир.

19.02.08.

МЕХРОЖга

Сочингдан жаннатнинг ҳиди келади,
Бир томчи ёшингга арзир минг олам.
Унга яна кўпроқ иономоғим-чун,
Худо менга сени берганми, болам?!

Гоҳида ҳасратнинг йўллари узун,
Адоқсиз тюолар ғамнинг нағмаси...
Сен эса самога кўзларинг тикиб,
Чарх урган қушларга келар ҳавасинг.

Тирикликнинг қаттол тўфонларида,
Гоҳида чайқалиб кетади олам.
Сен мени йўқотиб қўйишдан қўрққин –
Кўлларимдан маҳкам ушлагин, болам.

Сен менинг жонимга қадалган ниҳол,
Ўсавергин мудом яшнаб, гуркираб...
Дардкашим, кўзимда томчилар қўрсанг,
Узун киприкларинг кетар пирнираб.



Кўзларингдан менга боқар кенг фазо –
Асли ҳаёт ўзи сабрми, болам?
Йиғиларинг менга берилган жазо,
Қувончларинг чексиз ажрми, болам?

Жонимда куй каби янграп овозинг,
Худойимдан келган хушхабар – болам!
Сен мен билан Ҳаёт ўртасидаги
Энг азиз риштасан, бехабар болам!

Фақат... даҳри дуннинг тўфонларида
Гоҳида чайқалиб кетади олам.
Ўшандা сен мени йўқотиб қўйма,
Қўлларимдан маҳкам ушлагин, болам!

03.04.2007 й.



* * *

Иқрорман – сен бугун ғолибсан, Нафрат,
Баланд кўтаравер зафар туғини!
Юзимга сўз билан урилган фурсат,
Кўнглимдан юлқидинг бору йўғимни.
Юзландим хотира дайрига томон,
Надомат тикандек ботди кўзимга.
Тангридан ўтиндим: “Ишқдан ал-амон!”
Ва илк бора шафқат сўрдим Ўзимга.
Кўксим қафасида ингранди бир қуш,
Тугаб бормоқдадир ишқим – баётим.
Дунёниг ноаён ўйинларида
Арzon туюлмоқда менга ҳаётим!
Мен кўқдан адоқсиз сахро истадим –
Томиримда оқди Лайлло жунуни.
Истасангиз, мана, кўнглимни шарҳланг,
Сиз, эй, ишқ илмининг аҳли фунуни!
Ростдан ҳам ғолибсан, нафрат, кирақол,
Дарвоза очмоқда юрак – муз шаҳрим.
Фақат... ҳали сенга кўниколмаган
Шу ожиз Одамга келади раҳмим...

13.03.2007 й.



Гоҳи қаро соч узра
Коринг күрингай, ёrim.
Ман гулдан умид этсам,
Хоринг күрингай, ёrim.

Гоҳ дардинг ўтиб жондан,
Йўл солсам чор томона.
Чайқалиб йўл бошида
Доринг күрингай, ёrim.

Минг заррага бўл мени,
Сўнг “кун” де – бутун бўлай.
Сен ахир шафқатлисан,
Золим кўринган ёrim!

Билмам, асли азалдан,
Ишқ йўли заҳматмидир –
Ман ҳаловат истасам,
Коринг күрингай, ёrim.

То рўзи Маҳшар қадар
Ғаминг баҳринда сузсам,
“Ажрини ол” деб йўғу
Боринг күрингай, ёrim!

30.05.07.



Сан ҳам манинг каби маҳзунмидинг, ёр,
Ё сароб дамлара мафтунмидинг, ёр,
Исминг эслолмадим, Мажнунмидинг, ёр,
Ман каби Лайлони топа олмассан.

Тилингни куйдирган розлар ўтгайдир,
Умрингдан не куйлар, созлар ўтгайдир,
Йўлингдан не гуллар, нозлар ўтгайдир,
Ман каби адони топа олмассан.

Дунёга қўл силтаб қўярсан бир дам,
Шодумон лаҳзалар туюлар пурғам,
Бемор кунларингга излайсан малҳам –
Бир меҳригиёни топа олмассан.

Сезмассан, не гуллар гулобдир, ёрим,
Дил гоҳ обод, гоҳи харобдир, ёрим,
Ман бош урсам, ҳар тош меҳробдир,
ёрим,
Сан мансиз Худони топа олмассан.

30.05.07.

* * *

Ёра, Юсуф ётган чоҳингни кўрсат,
Кеча Лайло юрмиш йўллар қайдадир?
Чин ошиқ бўлмоққа етгайми фурсат,
Ишқдан бино бўлмиш ғуллар қайдадир?

Жунун саҳросини телбавор кездим,
Айт, қайда, Мажнуннинг қонли излари?
Бир зум фарёд этсам – димоққа етгай
Халлож гулханининг соҳир ислари!

Дунёнгда бир ўзим қолгандай танҳо,
Гоҳ ҳамроз истарман йўлиққан тошдан.
“Ишқ” дея маломат топган Зулайҳо
Манга сабоқ берар бугун бардошдан.

Гоҳ кўнгил заҳматдан қочмоқни истар –
Йўқ менга кўнглимдан чўнгроқ бир
ғаним.

Ёрижон, руҳимни кўк томон қистар
Ҳар дам юракдаги ҳажр гулхани.



Мани тупроқсан деб маломат этма,
Бу йўлда гоҳи нур, гоҳ обим бордир.
Боқ, ман-да ошиқман, то Маҳшаргача
Минг Кақнус улғаюр туробим бордир.

Етмиш томиримда ишқнинг жунуни –
Манам гоҳида шоҳ, гоҳида қулман!
Ман-да ошиқдурман, Халлож хокини
Макон қилиб ўсган бир нафис гулман.

Минг йилdir, ғамларинг ошиғиман, ёр,
Ғулларинг севгувчи, ишқинг асири!
Аммо бугун рухим висол истаюр,
Қўйиб юбор мени, дунё занжири!

29.05.07.





Сени сокин севдим – умринг боғида
Бир япроқ оҳиста шитирлагандай...
Исмингни авайлаб айтдим, гўёки
Муқаддас бир сўзни шивирлагандай...

Ишонгин, мен сени ўзгача севдим,
Унтиб ғурурим, шону исматим.
Сен деб кўнглимга ҳам ачинмай қўйдим –
Изтиробга эрмак бўлди қисматим.

Мен шундай севдимки, гўё ҳар лаҳза
Ғам жомин соғиниб қақради лабим.
Севдимки – танимга туташди ларза
Самони соғинган дарахтлар каби.

Кўнглимга ёмғирдай ёгди бу севги,
Сўнг ёшга айланиб оқди кўзимдан.
Ва бир кун сиримни фош этиб қўйдим –
Исминг фарёд бўлиб чиқди бўғзимдан!



Севдимки – айролиқ шамолларида
Маҳзун шовуллади умрим боғлари.
Ва баҳт сарҳадига яқин боролмай
Маъюс қараб қолди баҳор чоғларим!

Бир лаҳза кўзингга қаролмади тик
Ҳасрат кундасига қўйилган бошим.
Хотирамда мудом бошларинг эгик,
Аламлар талашган ўн саккиз ёшим!

Совуқ, ҳиссиз кунлар ўтди ниҳоят
Кўзларимга жойлаб видо расмини.
Кўлларингга тутдим юрагим билан
Жонимга бирлашиб кетган исмингни...

Кетавер, ғамларинг қолар мен билан –
Қаро бир мавж каби сингиб кўзимга.
Исмингни шивирлаб айтажакман, ёр,
Унсиз фарёд яшар энди бўғзимда!

25.05.2007.

ИЗХОР

Болам, сенга яхши она бўлмадим,
Мудом дардга туташ йўлларим билан.
Энди сени қандай дуо қилайин
Тарсаки туширган қўлларим билан.

Она, сен истаган фарзанд эмасман –
Мехрнинг қиймати йўқ экан бунда.
Шафқатимни талош этиб юбордим –
Бугун осмон дилим ётар заминда.

Ман-да осийдурман, кечир, Худойим,
Ўзинг шу қисматни кўргансанраво.
Гоҳи озор етса бандаларингдан
Мен тўғри Ўзингга қилдим иддао!

Ахир гуноҳкорлик Ҳаводан мерос
Ва бу фитрат қадар етган бегумон.
Пойимдан ўзингни олиб қочма, Ер,
Бошимдан баландлаб кетмагин, Осмон...

3.06.2007



Воҳ, бу дун оташи мудроқ ёнадир,
Ишқ аҳли гоҳи жуфт, гоҳ тоқ ёнадир.

Гоҳ ўтсанг тийрамоҳ боғлари аро,
Хазон гулханида титроқ ёнадир.

Фоғилдирсан, сенга дуч келганимда,
Кўзим юрагимдан кўпроқ ёнадир.

Қисмат тарозидир, икки паллали:
Гоҳ висол, гоҳида фироқ ёнадир.

Мани олов ичра кўрсанг не ажаб –
Ўт етса ҳаттоқи тупроқ ёнадир.

16.10.2008 й.



* * *

Сенсиз тақдир измига риоят
истармидим?
Ё ўзимни ситамдан ҳимоят
истармидим?

Товонимни тиканмас, ўпид турса
чечаклар,
Юсуф каби бир чоҳи риёзат истармидим?

То даҳр шамолининг тўзонлари ичраман,
Лайло каби бир гўзал ҳалокат
истармидим?

Ё магар жамолингни кўрмасам дун
саҳнида,
Кўнгилни ғам селидан саломат
истармидим?



«Сан биздан әмассан» деб ғавғо
солмагил, эй дүст,
Ишқ әхлидан бўлмасам, маломат
истармидим?!

Ишқинғ бандидан озод этар бўлсанг
дилимни,
Ўшал ондаёқ рўзи қиёмат истармидим?

Ёра, йиғлаб юкиндим, бир умидвор
бандаман,
Гар қаҳрингдан қўрқмасам, шафоат
истармидим?

10.10.2008 й.



ҚУРБОНЖОН ДОДХОҲМОНОЛОГИ

Кўзим дор оғочига
Тикканча келмоқдаман.
Кўз ёшимни юракка
Тўкканча келмоқдаман.

Ғаним, бугун ғолибсан,
Маккор кўзинг мендадир.
Бугун зафар сенда-ю
Зўр бир тўзим мендадир.

Дунёнинг не дорлари
Чайқалганди қасдимда...
Нетайки, бугун ўғлим
Турибди дор остида.

Болама, сени боққан
Кўкракларим зирқирап.
Танамнинг залворидан
Отим бели сирқирап.

Кўз олдимдан ўтади
Чақмоқ, чақноқ йилларинг.
Нега бошинг хам, яна
Титрамоқда қўлларинг?..

Ўғлоним, бошинг кўтар,
Ғам қўшмагин ғамимга.
Ҳатто ҳаётинг учун
Тиз чўкмасман ғанимга.

Чин ботирлар шунчаки,
Ўлмагайдир, ўғлоним.
Дунёнинг ками мудом
Тўлмагайдир, ўғлоним.

Отанг шаҳиддир, болам,
Аканг шаҳиддир, болам.
Шаҳидлик бизга мерос,
Кўзингдан кетсин алам.

...Ғанимнинг номард юзи
Қораяди тун каби.
Қай она ўғли билан
Ризолашган мен каби?

Берган сутим оқ бўлсин,
Кўзим дорда, ўғлоним.
Дунёнинг қирқ дорида
Хирқирайди қирқ жоним.

Энди руҳинг кезадир,
Ўйнаб ўсган боғингни.
Ўғлим, ҳатто жаллод ҳам
Эшитмагай “оҳ”ингни.

Отанг шаҳиддир, болам,
Аканг шаҳиддир, болам.
Шаҳидлик бизга шондир,
Кўзингдан кетсин алам.

Ўртамиизда олис йўл,
Нажоткор – ёлғиз Худо!
Сен онангдан рози бўл,
Шаҳид болам, алвидо!

20.10.2008 йил.

* * *

Абри найсон кима нафдур, қатра ҳам, дур
ҳам бўлмаса,
Фалак тарозуси тенгми, тикан ҳам, гул ҳам
бўлмаса?

Сен ошиқлар диёрига қай юз ила
бородурсан,
Магар васл қувончидан жонингда мотам
бўлмаса?

Манам – осий, манам – гумрох, vale
маломат этмагил,
Ҳаво гуноҳ қиласмиди магарки Одам
бўлмаса?

Оlam ахлини лол этиб, кўзим ёшини
артмасман –
Ким кўкламдан топгай хабар – гул узра
шабнам бўлмаса?



Күнгил – жомда, шифо – майда, ҳам ҳасрат
шеваси – найда,
Қақнусга умид боғлама – дун узра гулхан
бўлмаса.

Баҳс этмасман, ошиқларинг гаҳе юлдуз
қадар бисёр,
Вале манга қиёс этма, манингдек пурғам
бўлмаса?

23.10.2008 йил.



ОТЕЛЛО МОНОЛОГИ

Саховатинг чексиздир, тақдир,
Бўш қўймайсан чўзилган қўлни.
Умр измингдадир, истасанг,
Алафга жуфт этасан гулни.

Дездемона тимсолида сен
Яратгансан покликни азал.
Кейин мендек қора ҳабашдан
Рашкка қўйдинг мангулик ҳайкал.

Бу гул менга насиб этмаса,
Айтгин, сира ранжирмидим мен?
Гоҳ бошимни муштлаб йиғлайман –
Бу толеъга арзирмидим мен?

Атрофимда изғиди фитна
Ва бир куни кўрсатди кучин.
Шунда севгилимни ўлдирдим
Гўёки бир рўмолча учун.

Мени “жоҳил” деган, эй инсон,
Бу аслида ғуур қомуси –
Мен ўлдириб суюклигимни
Асраб қолдим унинг номусин.

“Дездемона – рашкнинг қурбони...”
Ўзни зўрлаб кулдирман мен.
Гуноҳим зўр, саҳнада уни
Хар куни бир ўлдираман мен.

Менинг севгим рашкиндири, унинг
Қатлидан ҳам келмайди кечгим.
Токи тирик экан Яголар
Севгидан баҳт тополмас ҳеч ким.

Неча аср ўтар бошимдан,
Гоҳи қилич, гоҳ қамчи сермаб.
Эй сен, менинг содда набирам,
Севгилингга рўмолча берма!

5.11.2008 йил.



* * *

Ул ёрким, бу қаролиғлар ичра равон
юриб келгай,
Ё қисматнинг бу сиррини тун
хуффошидан ўрганмиш.

Ҳар лаҳза ичинда буду нобудлиғинг
пинҳон эрур,
Бу ҳикматни жунун аҳли ёр қарошидан
ўрганмиш.

Билким, бу олов олдида Намруд гулхани
хечдурур,
Улки гохи пинҳонидан, гохи фошидан
үрганмиш.

Дайр аро гаҳе шодлик, гаҳе гамга
талабгорман,
Дил бу савдони ишқингнинг гулу
тошидан үрганмиш.

“Ситам ғазнаси бўш қолмиш” дея хитоб
қилгай эдим,
Воҳким, ул ёр зулм сиррин яна бошидан
үрганмиш.

Тиларсан, юз йил жафо қил, бир борки
“оҳ” урмас юрак,
Бу тоқатни Гулноз каби бир
дарддошидан үрганмиш.

20.11.2008 йил.

Фофил ёра, бу дийдор ғамларинг
Синосидур,
Ҳам яна юзим оли ғамларинг хиносидур.

Кўнгил бу ишқ дайрида тилим-тилим
бўлди, ёр,
Ул энди кўнгил эмас, ра什кингнинг
ғизосидур.

Яна ул ёр шавқида кўз оллинда қаролиғ,
Билмам бу тунмидур ё эгнинда
қабосидур?

Рангимдан заъфарон лол, дол ҳайрон
қоматимдан,
Сенга раъно шайдою, сарв қаддинг
адосидур.

Чун азал кўзу қошинг жонига офат эрур,
Ҳануз Гулноз бу фироқ юртининг
танҳосидур.



ИҚРОРЛИК

(“Фарышталар шаҳри” фильмидан кейин)

Билмайман... қай куни адашдим,
Дуч келдим бегона оташга...
Кўрдим. У жонсарак, юракни
Тўхтовсиз ундарди яшашга.

Шу ондан ўзгарди ҳаммаси –
Энди ёт қисматим, баётим.
Оҳ... яна айтайин нимасин –
Тўзғиди фаришта ҳаётим!

Кездим мен Ернию фалакни
Қалбимга сиғмади ҳасратим.
(Инсонга айланмоқ учунми
Ўзимни Заминга ташладим.)

Шундан Ер эртаги бошланди-
Инсонни малакдай севдим мен.
Безавол умримда илқ бора
Итироб таъмини сездим мен.





Тугади азалий итоат –
Гүёки айланди хаёлга.
Тангрига қилмасдан ибодат
Боғландим бир фоний аёлга.

О, Тангрим! Ҳар ишга қодирсан –
Жуфт этдинг байраму мотамим.
Инсонлик умримнинг тонгида
Сен олдинг севикли одамим.

Икки йўл қошида ҳайронман –
Қайсига боғлайн қисматим?
Энди мен шунчаки...инсонман –
Қалбимда фаришта ҳасрати...

11.05.2007 йил.

ГИНА

Умрингдан кетаман, йўқ ўзга чора –
Сўнгакларим қадар етиб борди ранж.
Айт, қачон Тангридан изн сўровдинг
Менинг ҳаётимдан тузмоққа шатранж?!

Айбимми мадорсиз қўлларим билан
Қайғу деворини йиқолмаганим?
Ва ёки кўнгилли асира каби
Умринг хонасидан чиқолмаганим?

Жавоб бер, сўзла, эй, умрин саҳнида
Гоҳи гул, гоҳ хазон рақси кўринган.
Менинг насибам йўқ меҳру раҳмингда,
Кўзингда жонимнинг акси кўринган!

Ахир дунёсида дард яккаш бўлса,
Не фарқи бор – куйган навоми, созми?
Факат алам қиласар шу ғамдан ўлсам –
Айт, бадътилганлар дунёда озми?

Тийрамоҳнинг сўнгги кунлари қадар
Тўзғиб бўлдимикан баҳт чодирлари?
Нечун энди сенга сўзларим малол,
Ўринсиз туюлар хавотирларим?

“Қол” десам, қўлини тортмоқда ҳаёт,
“Кел” десам, юзини ўтирган қазо.
Шундоқ ҳам англадим, сенинг

нафратинг –

Менга шу дунёда берилган жазо...
Кетаман...

31.05.2008 йил.

* * *

Ишқ десам, сочда қор йиғлар,
Оҳ урсам, бошда дор йиғлар.

Дил олган масрур жилмаяр,
Дил берган зор-зор йиғлар.

Маним куз умрима сиғмай,
Үксиб-үксиб баҳор йиғлар.

Гар ман “ишқ” савтидан чалсам,
Боқ, бағримда дутор йиғлар.

Ким дилида дарди ниҳон
Бўлган кас ошкор йиғлар.

Сендан кетмоқ осонми, ёр,
Йўл бошида қарор йиғлар...

16.01.2009 йил.



СОТҚИННИНГ ФАЛСАФАСИ

Элни сотдим, Ватанни сотдим,
Бу етмади, қўшдим виждонни.
Ит каби ёв пойида ётдим –
Ахир тирик қолиш осонми?

Шундан бери руҳим караҳтдир
Ва ҳаётни сезмайди юрак.
Оёғимда кўринмас занжир,
Ялоғимда мужилган суюк.

19.01.2009 йил.



Күл севгиси каби беўхшов сукут
Юракни тимдалар, сиғмай лаҳзага.
Бир зумда руҳ караҳт, хотира – унут
Ва бўм- бўш юрагим келар ларзага.

Сўнг бир сўз тош каби бўғзимга ботар,
Кўксимни ханжардай тилади бир сўз.
Шунда англагайман, тонг титраб отар,
Кун бўзлаб ботишин илғаяжак кўз.

Айт, бу вақт карвони қаёққа шошар,
Нечун бу тонгларда мубҳам тиниқлик?
Севгилим, ўзинг айт, қачон ярашар,
Руҳи юксакларга кўнгли синиқлик?

Тинглагил, фақат сен илғашинг мумкин,
Руҳим минқорида янграган сасни.
Бил, юрак шундайин қушки, истаса
Ҳар лаҳза парчалаб яшар қафасни!

27.01.2009 йил.



КҮЗИНГ РАХШОНИНИ КҮРГАЧ

Күёш юзинда доғ пайдо, күзинг
рахшонини күргач,
Күзинг рахшони куйгайдир, меҳр
пайғомини күргач.

Меҳр пайғомина ҳожат борми эди ёр
олдида,
Ким сабр этар ёр олдида муҳаббат
жомини күргач.

Муҳаббат жомидин гар сүз очар эсанг,
хүшёр бўлғил,
Хүшёрлиғ ҳам ғалат бўлғай гаҳи
ризвонини күргач.

Гаҳи ризвондин бир сўзки етар бўлса,
қарорим йўқ,
Жон қандайин қарор топсин – энди
жононини күргач²¹.

То жонон шеваси ҳажру фироқдин
ўзгани билма
Ҳажру фироқ ҳам лол қолур кўнглим
зиндонини күргач.





Күнглим зиндони олдида тамуғ гоҳи
хижил тортгай,
Дўзах ўти чекингаймиш “ошиқ”
унвонини кўргач.

То ишқ унвони кўксимда, сен томонга
бородурман,
Жон жонона шошилмасму амру
фармонини кўргач?

Чорла, ёр, амру фармонинг дарду
дилимин тўлдирсин,
Бу янглиғ дил била боргум ишқинг
осмонини кўргач.

Ишқинг осмон эрур гарчи, бугун
Заминга тушмишдур,
Балки ҳайрон бўлур Гулноз каби
нолонини кўргач.

То азалдин ишқ аҳлига нолонлиғлар
муносибдур –
Ким меҳрдин сўзлагайдир
номеҳрибонини кўргач.

25.01.2011 йил.



ПАЙДО

Хижронингдан нидо пайдо,
Хаёлингдан сафо пайдо.

Қаҳрингдан юз дард ҳосилу,
Мехрингдан минг шифо пайдо.

Амрингдан ибтидо зоҳир,
Лутфингдан интиҳо пайдо.

“Шафқатингга насиб ўлсам”,
Дил ичра муддао пайдо.

Жамолинг акси васфидин
Тилимда илтижо пайдо.

Бу хаста дилга бўлсайди
Раҳматингдин даво пайдо.

Қудратингдан тақдир узра
Ҳам оқу, ҳам қаро пайдо.

Ишқинг заҳматидан магар
Ер юзинда қазо пайдо?!

27.01.2011 йил.



КҮЗЛАРИНГГА ИШОНГИН МЕНИ

Юрагингга ишонма мени,
Шафқатлидир юрагинг мудом.
Ташлаб кетмоқ истасам сени,
Мени қўйиб юборар осон.

Нафратингга ишонма мени,
Макрдандир маним бунёдим.
Уни ишққа айлантироққа
Кифоядир битта фарёдим.

Ҳаётингга ишонма мени,
Мени унга ишонма сира.
Тўзғиб кетар қуриган гулдай
Мендан қолган ҳамма хотира.

Кўзларингга ишонгин фақат,
Нигоҳингга дуч келсам бирдан,
Кишанига қўниккан қулдай
Оёқларим узилмас ердан...

Кўзларингга ишонгин мени...

28.01.2011 йил



ЛАҲЗА

Хозир бунёд бўлди бу лаҳза,
Шошма. Яшаб қолайлик унда.
Ботаётган қуёш сингари
Ғаниматлик уфурар ундан.

Шу лаҳзага жодир бариси,
Унда мавжуд шодлик ҳам, баҳт ҳам.
Ҳамма соатларни бураб қўй,
Тўхтаб турсин югурик вақт ҳам.

Умримизни шу лаҳзага кўм,
Ғаддор ҳаёт қолсин уятга.
Ахир гоҳи алишмоқ мумкин
Бир лаҳзани... абадиятга.

28.01.2011 йил

ОЛОМОН

Мұхаммад чорласа “қошимга кел” деб,
Бутун оломонни лол этиб, бирдан
Дараҳт қаршиисига юриб борғанмиш
Хамма илдизларин суғуриб ердан.

Мүйжиза сўрамишина оломон –
Асли ер гуноҳга макон бўлган жой.
Расул амр этса, узок қуттирумай
Иккига ажралиб кетган эмиш ой.

Шубҳада қолармишиғаним барибир
Ва бошлиб келармиши гувоҳларини.
Тилга кирган жасад сўзлаб берармиш
Тирик чоғидаги гуноҳларини...


Асрлар ўтади, бошқа пайғамбар
Энди туғилмагай – ҳақиқат аён.
Буни англаса-да, аммо барибир
Мүйжиза кутади ғофил оломон.

28.01.2011 йил

Февралнинг
Кўз ёшларидан
Сиёҳ ясади баҳор.
Яшаш завқин
Дарахтларга
Ёза бошлиди баҳор.

Ер остида
Содир бўлди
Ғимир-ғимир, тўлғониш.
Ер устида
Бир сўз ҳоким,
Унинг исми –
Уйғониш.

Ўн олти ёш қиздай
Шўхчан
Зир югурди
Чор томон.
Сой юзининг
Муз пардасин



Синдирворди Ногаҳон.

Сўнг уйингга борди,
Секин
Ойна оша қаради.
Қараб туриб
Шундоқ қизни
Кўрмаганинг ғалати.

29.01.2011 йил.

НАВОЙ ҲАЙКАЛИ ПОЙИДА

Сочлари ҳурпайған йигитни Мажнун
Десалар, юзимда ловуллар уят:
Гоҳо шакл ғолиб келиб қолганда
Чеккага чиқармиш шўрлик моҳият.

Фозалар керакмас кўнгил қонидан,
Ул ошиқ дилларни бўлдик ўлдириб:
Лаблари, ёноғи алвон тусдаги
Лайлолар юришар кўча тўлдириб.

Ишқнинг ул азалий қоидалари
Аллақачон қайта тузилиб бўлган.
Севги билан ҳаё ўртасидаги
Искандар девори бузилиб бўлган.

Кўхна табиатнинг кўксидан ҳамон
Олинмай турибди Баҳром отган ўқ.
Энди муҳаббатдан йиғлаган инсон,
Инсонни йиғлатар муҳаббат ҳам йўқ.



Шаксиз, башоратдир айтганларингиз,
Бизнинг замонларни қайдан биларсиз?
Балки қайтиб келиб, қуш тилин эмас,
Инсонлар лисонин достон қиласиз...

Энди ишқ жавҳари тошдек беқадр,
Ҳақиқат равшандир мисоли кундай:
Бугун Фарҳод тоғни йўниб турса ҳам,
Сув эмас, маъданлар қидирар ундан.

Беш юзу етмиш йил ўтмиш орадан,
Неча бор эврилиб, тикланмиш мезон.
Сизни ранжитади, аммо айтиш шарт:
Бугун дўст бўлолмас шоир ва султон.

Барини бирма-бир айтсан, нуроний
Бошингиз оғритар маним ҳасратим.
Мехр сўраганлар жуда кўп, бироқ
Мехр ноёб бўлиб қолди, Ҳазратим.

Ёрқин туслардадир либослар гарчи,
Юраклар қашшоғу, туйғулар – ғариб.
Шунинг учун ҳатто ҳайкалингизга
Қаролмаймиз бошни баланд кўтариб.

29.01.2011 йил.



МЕХР

Хайронман,
Шунчалар
Нозик бўлсанг ҳам,
Юракни турасан
Тўлдириб.
Жуда ҳам нафиссан,
Кўлимга олсам,
Кўрқаман қўйишидан
Ўлдириб.

Кўйгил, инжилмагин,
Ранжитма мени,
Лаҳза ўтмай яна
Фикримдан қайтмай.
Сени ўзинг билган
Ўша одамга
Бериб юбораман
Ҳеч кимга айтмай.

29.01.2011 йил.



СЕВГИ ЎЛИМИ

Сен кечикдинг. Севгимиз ўлди.
Кара, дилда ётибди бежон.
Жуда маъсум эди-да ўзи,
Осонгина таслим этди жон.

Бизлар уни ёмон қийнадик,
Ўртамизда хўп ҳам толди у.
Гарчи эрта кетди ҳаётдан,
Бизларга баҳт берса олди у.

Гар истасанг, совиб борётган
Пешонага бос сўнгги бор лаб.
Фақат ёлғон демагин уни,
Марҳумларни бўлмас ёмонлаб.

29.01.2011 йил.



РАШҚ

Хавотирга тушаман гоҳо,
Бирдан ўйчан тортса кўзларинг.
Кўзларимга, нигоҳларимга
Қалқиб чиқар шубҳа излари.

Билсанг, дилни тимдалаган рашқ
Асли жуда безовта туйғу.
Наҳот, қачонлардир кўзларинг
Бўлган ўзга кўзларга кўзгу?

Умрингнинг сир қатида балки
Ўзга бир ишқ қиссаси бордир.
Сочларингга қўнган қировда
Яна кимнинг ҳиссаси бордир?

Жазавага солиб қалбимни
Кўзимда ўт ёқади бир куч.
Айтгин, баҳор чақмоғи каби
Ғазабингга ким бўлолди дуч?

“Меникими ўйингдаги рашқ”,
Наҳот, бундай ўйламоқ хато?
Менинг севгим шунчалар қизғанч –
Рашқ қиласман рашкингни ҳатто.

Шубҳаларим бездирап сени...
Мен ҳаммасин ўйлаб қўйганман.
Рашқ риштасин битта учини
Муҳаббатга бойлаб қўйганман.
Мен шундайин айёрман, билсанг...

30.01.2011 йил.

КЕЧ КУЗ МАНЗАРАСИ

Яланг боғлар бўзлаб ётаркан
Баргларидан бўлганча жудо.
Яна ёмгир томчиларидан
Покдил қўшин тузади Худо.

Жанг урҳоси янграйди – чақин
Олов излар тортади кўкка.
Ер ва осмон ораси яқин,
Ёмгир билан қоласан якка.

Яратганинг шаффоф қўшинин
Пайқаб қолар заминнинг кўзи.
Ҳасрат аро ҳорғин ўксиниб
Куз ёмғирга тутади юзин.

Оловни сув кесармиш азал –
Сокин тортиб қолар ҳамма ёқ.
Шаффоф қўшин чекинган маҳал
Яшил баргни туш кўради боғ.

03.11.2013 йил



ПЕЙЗАЖ


Тун–тўкилиб кетган сурмадон,
Борлик чўмар рангига унинг.
Кўкка қараб ўрлайди шу он
Яшалмаган кечалар хуни.

Куюқлашиб борар сурмаранг,
Юлдузчалар кўринар ёрқин.
Дўмбираси сочмайди жаранг–
Лол қолади қари тол– оқин.

Кўзларингдан чиқади қочиб
Ёдда қолмас, оний тушчалар.
Қаердадир қувониб, шошиб
Ҳадик билан сайрап қушчалар.

03.11.2013 йил





ГУЛХАН

Күзим– қалбим күзгуси, токи
Юрагимни күриб тургайсан.
Сен қалбимни ёқсанг, ҳаттохи
Күзларимда гурлайди гулхан.

Менга аён, сен мағрур, кибор
Ва бепарво отарсан ханда.
Огоҳ әтиб қүяй сүнгги бор:
Ёниб кетма сен бу гулханда.

02.11.2013 йил

АФСОНА

Анжир – шарқ гүзали, түсар юзини
Куюқ япроғини этиб пардалар.
Сүңг сув күзгусида құрмай үзини
Зардалар қилади тунга, зардалар...

Эслайди, гулламоқ фаслинда у деб
Сирли нур тушганин олис самодан.
Хүрсиниб ёд олар, баргларин юлиб,
Тұхфалар этганин Момо Ҳавога.

Унинг гуноҳидир шу оний шафқат–
Шуни деб гуллашдан қолмиш мосуво.
У ерга тушганда англади фақат,
Бу аччиқ қисматта йўқ таскин, даво.

Сүңг узоқ соғинди жаннат гулларин,
Ўртаниб аламдан жону жаҳони.
Афсуски, берк эди қайтмоқ йўллари,
Қалбига туғилди жаннат армони.



Шундан бери қўрмас гулларин анжир,
Кўз ёшин яширап қалин япроги.
Самодан тушган чоғ сирли, кўкиш нур
Ёдига тушади Азал сабоғи!

Титраниб эслагай Момо Ҳавони...

04.11.2013 йил

КУЗ

(туркум)

Билсанг, юрагимга
кўп оғир ботди—
Хорғин кўзларингда
алам кўрганим.
Ўзинг айт, қачондир
урратганмидинг
Севги билан баҳтнинг
бирга юрганин?

* * *

Хазонрезги тилида айтар
Донишманд куз ҳикмат сўзларин.
Мезонларга термулиб узоқ
Нимагадир келар бўзлагинг...

Аммо тошга дўниб фарёдинг
Тураверар бўғзингга ботиб.
Япроқ қаби юлиб юракни
Юборолсанг аёвсиз отиб.

Яна сайёҳ қушлар ортидан
Хаёлларинг учар олисга.

Сен-чи мудом банди яшайсан
Юрагингни чулғаган ҳисга.

Боқиб ҳаёт- мамот расмига
Кўзинг лолдир, вужудинг караҳт.
Парво қилма асло шаклингга,
Сен дарахтсан аслида, дарахт.

Япроқларинг сарғайиб борар
Ва рўйингдан ёғар ҳайронлик.
Шамолларин озод этмасин,
Сен кузакдан сўра омонлик...

* * *

Борлиғим бормоқда сарғариб.
Самовий ҳисларим – тупроқда.
Бир хаста, бир дилхун, бир ғариб
Куз келар мен томон, титроқда...

Кел, кузак, биз икки қисматдош
Ва бугун гул – ситам, баҳт – ситам.
Кўзинг ҳам, рангинг ҳам заъфарон,
Жигаринг хастами сенинг ҳам?

* * *

Сунбуланинг сувлари мисол
Ҳисларингга инар тиниқлик.

Кўзларингга сокин боқади
Куз шаклига кирган тириклик.

Туғиласан яна қайтадан
Боқиб бахтнинг энг улқанига.
Армонларинг ёниб битгайдир
Куз боғларин зўр гулханида.

Энди равон тақдир йўллари,
Бор, ҳаётни севиб толмагин.
Хазонзорлар бағридан топгин
Бу боғларнинг сўнгги олмасин.

* * *

Куз- васл кўприги...
Унда учрашади Ҳаёт ва Мамот.
Ўтиб боришади
Боқмасдан бир-бировга.
Жиддий, сокин-
Бир қарашда
Ўхшамаслар ёвга.
Қадамидан қатъият ёғиб
Кетиб борар Мамот.
Бироқ қарайверар ортига
Қизиқувчан Ҳаёт...

15.10.2011 йил



ОЙПАРАСТ

Чексиз само бағридан
Ой имлар парисимон.
Үтиб Ернинг баҳридан
Бораман ойга томон.

Тун бу – чўзилган қўлим,
Ҳам юмилган кўзимдир.
Сочларим тун руҳидай
Қоп-қора-ю узундир.

Ойни кўзгу деганинг
Ёлғончидир барчаси.
Яқин борганим сайин
Ой бу – юрак парчаси.

Ой – кенг осмон юраги,
Менга кўп сабоғи бор.
Юрак бўлмаса агар,
Айтинг, нега доғи бор?



Күёш ҳоритди мени,
Кундуздан бўлдим зада.
Исмим айтиб чақирманг
Шу мангулик лаҳзада.

Оҳ, етади, ортимдан
Келаверманг басма-бас.
Қисматим ўзим билан –
Ойпарастман, ойпараст!

16.06.2013





ҮК

Ғалатидир севги мезони:
Гоҳи ошиқ ўхшар сайёдга.
Ёйин таранг тортган овчининг
Ҳаракатин солади ёдга.

Севгинг сайёд қилди мени ҳам,
Қўлда камон, кўп юрдим дайдиб.
Бироқ сенга отган ўқларим
Келаверди ўзимга қайтиб.

Бу ҳаммаси тақдир ишлари,
Энди сенга эътиrozим йўқ—
Сен қалбингни тутиб берган чоғ
Тополмадим бутунроқ бир ўқ!

27.03.2013 йил



ЧАҚИРГАЙМАН

Рұх- телба, бақорларда
Хазонни чақиргайман.
Қай дам ёшлидир күзим,
Шул онни чақиргайман.

Висолмас, асли ҳажр
Ишққа қувват бўлармиш,
Лайло чодирин тикиб
Ҳижронни чақиргайман.

Рұҳим тинглаб ишқ дарсин
Қонимда оқар жунун,
Жазбада гир айланаб
Замонни чақиргайман.

Ёра, юрак дардини
Айтмоққа сўз тополмай,
Най деган лафзи ҳазин,
Нолонни чақиргайман.

Кўксим қафаси ичра
Гирёнадир жон қуши:
Симурғ қушлар излаган
Маконни чақиргайман.

Ишқ адоликдир, vale
Рұхни поклайди, бир кун
“Сен-ла бирлашдик” дея
Ризвонни чақиргайман.

27.03.2013 йил

СЕНЛИ ТУШЛАР

Сенли тушларимни сувга айтмадим,
Сокин мавжларини қиймади күзим.
Хавотирим сезиб турғандай гүё
Үйноқ балиқчалар тұхтади бир зум.

Тупроққа айтмадим сенли тушларни,
Құрқдимки, шул онда қўпади тўзон.
Бироқ амин эдим: ҳеч бир замонда
Ишқ сирин сақламоқ бўлмаган осон.

Ҳавога айтмадим сенли тушларни,
Истадим шу ҳолда – равон қолмоғин,
Яна тушда қўрқиб уйғонса кимдир
Кўкрагин тўлдириб нафас олмоғин.

Охир чорасини излаб топдим мен,
Сенли тушларимни айтдим оловга.
Само қадар ўрлаб, узо-о-қ ёнди, лек
Тушуна олмади сирли қаловга...
Сенли тушларимни айтдим оловга...

27.03.2013 йил

* * *

Билмам, нега ёнимдасан-у,
Юрагимда зилдай бир фироқ.
Тугаётган севги мисоли
Липиллайди эски тунчироқ.

Фироқ билан сирлашган күзга
Бу кеч келмас ҳатто уйқу ҳам.
Совурилгач вақт шамолида
Тугармикан ҳар не туйғу ҳам?

Совуқ кулиб тикиламан жим
Ой нурида ёғду рақсига.
Тун париси бермайди таскин –
Беркинади олиб аксига.

Шеър ҳам ёзмай қўйувдим, билсанг,
Ўзинг эдинг ғамимга ҳамроз.
Энди дардкаш изласам гоҳо
Муздай кўксин тутади қофоз.



Эй күнгилни ҳувиллатиб, сүнг
Мендан күнгли түлмаган одам.
Маҳзун шеърдек ҳаётим аро
Қоғозчалик бўлмаган одам!

Келажакни ўйламай қўйдим,
Унутолмам ўтмишни бироқ...
Ҳисларимни англаган каби
Ўчиб қолар эски тунчироқ...

13.03.2013

МЕН ДАРАХТГА ЎХШАЙМАН...

Мен дарахтга ўхшайман бугун,
Атрофимда тўртта ёш ниҳол.
Шаббаларим билан тўсгайман,
Ногоҳ келса бир дайди шамол.

Бўронларнинг аччиқ совуғи
Ботиб борар экан бағирга.
Бир вақт мени шундай асраган
Икки дарахт келар хотирга.

Энди улар кексайган, юпун
Танларидан совуқ ўтгандир?
Боролмайман, ахир илдизим
Ер бағирлаб узоқ кетгандир...

Она тупроқ ва сув мазаси
Томиримдан кетмагай алҳол.
Япроқлари қувноқ шитирлаб
Хаёлимни бузар тўрт ниҳол.

Шохларида митти қушчалар
Чуғурлашиб туйишар ҳузур.
Ай олисда мени соғинган
Дарахтларим, минг бора узр...

26.02. 2013



ТОНГГИ ҲИСЛАР

Ёмғир ташна заминни
Сийлаб чиқди тун бүйи.
Юрак – хаста гүдагим
Йиғлаб чиқди тун бүйи.

Қани азал мезони,
Ким бу сирни этар фош:
Ёмғир ерга сингар-у,
Күкни ғарқ этар күз ёш?

Бу қандайин рутубат?
Бошдан учди ҳушларим.
Қамчи еган маҳбусдай
Чинқирди тун қушлари.

Тунги ёмғирдан нишон
Шуъла ўйнаган ҳалқоб.
Чайқалиб қора туман
Юзин күрсатди офтоб.



Тоғ бошига тиқди у
Заррин зафар туғини.
Тугади муҳораба,
Дилбандим, қўй йиғини.

Яна бир кун бошланди...

04.03.2013

ГИНА

Тонгларинг кафтида ашким шабнамдир,
Кетсам, умринг аро ҳадсиз мотамдир,
Севгим Зулайҳо-ю, күнглим Хотамдир,
Суйсанг сүйгуликман, куйсанг куйгулик.

Лаҳза сайин рўё тутар ёбоним,
Жисмимдан ажралиб бормоқда жоним,
Тиканли ковушни сезмас товоним,
Суйсанг сүйгуликман, куйсанг куйгулик.

Сенга ҳануз ётдир “ишқ” деган имло,
Фофиллигинг бошга бўлди-ку бало!
Мени қавми томон имлади Лайло –
Суйсанг сүйгуликман, куйсанг куйгулик.

Самандар сабр-ла сийлади мени,
Қақнус гулханида ийлади мени,
Охулар қучоқлаб йиглади мени,
Суйсанг сүйгуликман, куйсанг куйгулик.



Күрдим, мудом шодсан – маҳзун әмассан,
Күринмас занжирга маҳкум әмассан,
Мен Лайло бўлдим-у, Мажнун әмассан,
Сўйсанг сўйгуликман, кўйсанг кўйгулик.

Етар, ҳасратингни кўтар рўзимдан,
Энди нима бўлса кўргум ўзимдан,
Руҳим чимматини олди юзимдан –
Сўйсанг сўйгуликман, кўйсанг кўйгулик.

09.03.2013



ДУНЁ

Дунё – тезоқар дарё,
Оқиб боради шитоб.
Хар түлқини – бир рүё,
Хар түлқини – бир гирдоб.

Таги тұла чағир тош,
Урилғанлар барбоддир.
Үнг қирғоги Тириклиқ,
Сўл қирғоги Мамотдир.

Дунё – телбафеъл дарё,
Унда мудом хүшёр бўл.
Боқсанг ҳамки чор томон
Топилмас халоскор қўл.

Айқириб оқар тинмай,
Синовдадир саботим.
Саватдаги гўдакдай
Оқар унда ҳаётим...
Оқиб борар ҳаётим...

16.06.2013

МУҲАББАТ

Сен – самовий фаришта,
Мен – ердаги гуноҳкор.
Билмам, бизни бу ришта
Қачон боғлади такрор?
Баҳт камлик қилди бизга –
Битмади дил яраси.
Тор бўлди оҳимизга
Еру осмон ораси.
Ер сенга муносибмас –
Ҳар қадамда минг гуноҳ.
Мен кўкка учай десам,
Вужудим зилдай, эвоҳ...
Ночор: “Кетаман”, - дединг,
Бош силкидим: “Борақол”.
Ердан зериккан эдинг,
Кўкка боқардим беҳол.
Икки елканг устида
Олов кўринди шу пайт.
Қанотинг юрагимга
Урилганди қачон, айт!

16.06.2013



ОХУ

Қалбим оҳу эди, билмай недир банд,
Юрарди тоғма-тоғ, бегам ва озод.
Қай бир овчи қўли ташлади каманд,
Кейин банди этди уни умрбод.

Қалбим – ҳуркак оҳу, бўйсунмас эди
Таяниб ул нозик оёқларига.
Билмам, ўша овчи нималар деди
Энганишб оҳумнинг қулоқларига.

Лаҳза сўнг борарди эрганишб ювош
Ўша ҳуркак оҳу, вафодор оҳу!
Итоаткор қулдай кўттармасди бош,
Мен бунга қандоғам чидардим, ёҳу?

Оҳ уриб чорладим: “Қайт, ортингта қайт”,
Югурдим, унмади бироқ йўлларим.
Кўзида сирли нур порлади шу пайт,
Оҳу суйиб қолди овчи қўлларин.





Үшанды жонимга солиб огриқлар,
Вужудимни янчыб тарапалди бир сас:
“Мұхаббат дегани қадрсиз әркдир,
Мұхаббат дегани қадрли қафас!”

Энди үтмишдадир тоғ ва озодлик,
Юракда улардан қолған азиз ёд.
Алам қиласы, оху йиғисини лек
Сира әшитмади бепарво сайёд.

29.12.2013 йил.

ҚИШ КЕЧАСИ

Аёз яна забтига олди –
Самовотда қотиб қолди Ой.
Юлдузлар ҳам күздан йўқолди,
Хира булут тўсди ҳойнаҳой.

Замин сирли кўзгудир бу тун,
Синаб кўрсанг бўлар баҳтингни.
Унга қараб кўрарсан бутун
Балки синган толеъ тахтини.

Бироқ ҳозир бу муҳим эмас,
Муҳими – шу рангпар гўзаллик.
Ялтираган, улкан муз қафас
Ой қалбига сололмас ҳадик:

Нуркўприкда тушиб самодан
Муз ойнага соганича дарз,
Шу кўзтаниш, шаффоф дунёда
Корлар узра ёғду тушар ракс.

29.12.2013 йил.



ҚҰШИҚ

Кече – юлдуз тұла жарангдор қүшиқ,
Мен уни тингладим күзларим билан.
Күзларим нурини оханға қүшиб
Мунгли бир навони яратди Олам.

Үттиз олти йилки, тинмас бу наво,
Үздан үзга кимса беролмагай дош.
Энг баланд пардага чиққанда гоҳо,
Чап күксимда кимдир күтаради бош.

Кече – зулмат тұла даҳшатли қүшиқ,
Уни күк яратган, тан олсин энди.
Йүқ, унга умрни бўлмайди қүшиб –
Бундай оғир куйни тинглаб бўлмайди!

8.01.2014 йил.

* * *

Кўзларинг ойнадир – қорайтирилган,
Улар ичкарини пинҳон тутади.
Қизиқувчан юрак талпинар экан,
Шу ойнага қараб куним ўтади.

Кўзинг – кеча чўкиб кетган дарёдир,
Тунлардан чўчирман шу сабаб балки?
Ё севги кашф этган сирли дунёдир?
Бу саволга жавоб беролмам, токи

Қаршингга келгуси Қуёш бош эгиб,
Кўзингдан олади зулмат тўрини.
Ёруғ кўзларингни оламга тикиб,
Рангини билгайсан юрак қўрининг...

Ҳозирча...

Ҳозирча кўзларинг – қорамтирилган,
Улар қалб дунёнгни сақлашади сир.
Ойналаринг қанча қорайтиб олма,
Қалбингни кашф этгум бир кун
барибир...

18.01.2014 йил.

СЕН

Күзларимда қолган қүшиқ – сен,
Куйлаш учун бўзламоқ керак.
Эртакларда қолган ошиқ – сен,
Сени кўқдан изламоқ керак.

Димоғимга етган ҳаво – сен,
Билмам, қанча бера олгум дош.
Қалб дардига гарчи даво – сен,
Эй, умримни куйдирган Қуёш!

Лаҳза сайин отарсан олов,
Бу оловга лойиқ сув қайда?
Ёниб борар қўлимда ялов,
Ялов тутмоқ энди бефойда.

Сен – қўшиқсан, бўғзимда қолган,
Дилга етмай, беролмасман жон.
Тилагим бор Қодир Худодан:
Жонни куйинг олсин, ёрижон...

18.01.2014 йил.



* * *

Ришталарни боғлайди кеча,
Ечилади мудхиш ғамтугун.
Тириласан яна нур ича
Ёришгайдир руҳинг шу бугун.

Қутулади кўнглинг қафасдан,
Бу тун эркдир унинг матлаби.
Сен бир кеча ҳукм сурарсан
Сеҳрланган малика каби.

Эртага-чи, тугар ҳаммаси,
Эртак мағлуб, малика – қашшоқ.
Вужуд – яна кўнгил қафаси,
Кеча – яна ғамдийда машшоқ.

Оҳанг бағринг этар садпора,
Сўнг бу куйдан қоларсан безиб.
Шу дам... сени қилмай овора
Ришталарни тонг ташлар узиб.

25.01.2014 йил.





ОЙБАРЧИННИНГ ПЕНЕЛОПАГА МАКТУБИ

Пенелопа, сен Барчини Юнонистаннинг,
Мұхаббатинг, нафратингга йўқ сира қиёс.
Эрлар қули бўлганида шуҳрату шоннинг
Итакани қўриқладинг ботирларга хос.

Эгачим, ҳижрон таъмини айрилган билар,
Тунларимиз сабил қолди, рўзимиз куйди.
Ёвлар элу, ёр номусин талашган маҳал
Бул дўзахга кўз ташлаган кўзимиз куйди.

Ёр келарми, келмасми деб узоқ ўйладинг,
Қалбинг мендек тўлиб кетди ҳислар
жангига.

Мен саҳрода, сен денгизга узоқ бўйладинг,
Оқибатда кўзинг кирмиш денгиз рангига.

Сен чағалай йўлларига тикканингда кўз,
Мен хабарчи ғоз йўлини пойладим такрор.
Минг дардимни бир “биюв”га солса
чанқовуз,
Бир дардингни қирқ оҳангда куйлади
чилтор.

Англадимки, ишқ өдегани қулфатдан улги,
Хақиқатни англаган дам заминга тушдим.
Телемахинг душманларга бўлганда кулги,
Мен қалтироқ қўлим билан Ёдгорни
кучдим.

Номардлар кўз тикканида марднинг ёрига,
Фалак ҳам тош ёғдирмасмиш ёвнинг
бошидан.

Эл қочса ҳам, ўғил ярар она корига:
Ботир ўғли ботир бўлар бола ёшидан!

Боқсам, оловли денгиздай чайқалар сахро,
Қисматимнинг уқубатдан каму кўсти йўқ.
Айёрликда тенги йўқмиш Одиссеяй, аммо
Алпомишнинг билагидан ўзга дўсти йўқ.

Умримизни талади бу ҳижрон, эгачим,
Кел, энди баҳт боғларидан чечак терайлик.
Кел, иккимиз аёл әмас, бўлиб чегачи,
Бир-бировга кўнглимизни бутлаб
берайлик.

Иззелопа, сен Барчини Юнонистоннинг...

22.02.2014 йил.



ЯШИЛ ЕЛҚАНЛАР

(туркум)

1

Күйгил, юрак, қорлар кетган дам
Күзёш тўқмоқ ахир нимаси?
Кўринмоқда, қарагин сен ҳам –
Дил уфқида умид кемаси.

Йўқ, шамолмас, тўлқиндири асли
Сочларингни чайқатиб ўтган.
Бу баҳордир – тириклик фасли,
Ташрифига безанди олам.

Баҳор, яна келтирдинг хушҳол
Зафарнинг энг улканларини.
Алвон елкан қутгандек Ассол,
Кутдим яшил елканларингни...

2

Ҳаволарда ажиб сезги,
Шамолларда ғалат титроқ.

Дараҳтларни яшил севги
Үйғонишға ундар бу чоғ.

Қушчаларнинг сайроғида
Хазинлик йўқ, бордир қувонч.
Нур ўйнаган тонг чоғида
Боғ йўлин излар сандувоч.

Самога боқ, топиб роҳлар
Софинч ила қушлар қайтар.
Улкан гулга дўниб боғлар,
Эртакмонанд тушлар қайтар.

Сўнг софлик кўрсатар кучин –
Юрак – парқу, вужуд енгил.
Дунёга гул сочмоқ учун
Гулиқаҳқаҳ бўлар кўнгил.

Кўтаргайдир музaffer қалб
Табиатнинг зафар туғин.
Кенгликларда юрар яйраб
Тирикликнинг яшил руҳи.

3

*Бүйек қуюлтириб турар рассомлар.
Омон Матжон.*

Баҳор, баҳор... Хушқад мусаввир –
Қўлларида ўйнар мўйқалам.
Бўёқларин қуюлтар бир-бир,
Ранг дарсига шайланди олам.

Изғириндан чўчимас баҳор,
Ахир ёш у, юраги қайноқ.
Ол рангларга қарамас зинҳор,
Танлагани – яшил, мовий, оқ.

Үйғун этиб асл рангларни
У осмонни чизади аввал.
Тўлқинлардек шошар қўллари,
Үкпар булут бўялган маҳал.

Чўққиларга бериб оқ тусин,
Сўнг мовийни олар қўлига.
Югуртирас, жилмайиб юзи
Нимяшилни ирмоқ йўлига.

Адирларга навбат келган чоғ
Рассом бир зум тўхтаб қолади.



Үйламанг, бу ҳорғинлик, чарчоқ—
У ранг излаб ўйга толади.

Кейин жами иссиқ рангларни
Қафтларига олар тўлдириб.
Баҳор, баҳор, мусаввир баҳор,
Бармоғингни қўйма кўйдириб!

4

Ишқ ҳидини таратар олма.
Анна Ахматова

Кўзёш ҳидин таратар ҳижрон,
Бахтдан анқир қувонч ифори.
Ёшлик иси гулдадир, ишон—
Унут бўлмас мудом хумори.

Жим, паришон сурар экан ўй,
Мен ботинмай сўрадим ёрдан:
“Бу нечук ҳол?”
У деди: “Хушбўй
Севги ҳиди келар баҳордан!

Севги ҳидин таратар баҳор,
Димоғингда синаб кўр бир бор”...

5

Кулгу яшар баҳор бағрида:
Март – жилмайиш, апрел – табассум.
У ҳали ёш, у норасида,
Улғайишин кутақол бир зум.

Шунда пари қизлар мисоли
Чунонам тез ўса бошлар у.
Хайрон этар сени камоли –
Чехрасида сеҳрли кулгу.

Гул шаклида улғаяр қувонч,
Март – жилмайиш, табассум – апрел.
Күрмоқ бўлсанг, дил кўзини оч,
Уни фақат дил кўргуси, дил.

Баҳор ичра пинҳондир кулгу,
Шўх севинчлар сочади тинмай.
Ҳали сени лол этажак у:
Қаҳқаҳага айланади май,
Қаҳқаҳага айланади май...

6

Сархуш тебранади ҳислар денгизи,
Баҳор бўйларидан дунё бўлар маст.



Замин осмонларда сезар-у ўзин,
Яқин келай дея, осмон тушар паст.

Мунглиғ бинафшани йиғлайды қучиб
Кизғалдоқ-нур тұла алвон рангли жом.
Баҳор шарафига, қирларга тушиб
Лола қадаҳида май ичар Ҳайём.

7

Чайқалади ифор денгизи –
Түлқин узра бир яшил кема.
Унда дарға Қүёшнинг ўзи,
Қаршилашга шошади ҳамма.
Бу кеманинг номидир “Баҳор”,
Бунёд этмиш она Табиат.
Унга чиққан йўловчи такрор
Чиқмоқликни этармиш ният.

Шитоб билан сузиб борар у,
Қараб турсанг, дарахтлар–елкан.
Юракларга тушади ғулу:
Дарға буюк, кема ҳам улкан.

Кема ичра юрар югуриб
Чаққон дастёр – шабада–юнга.



Дарға уни сўзида туриб
Олиб чиқар яп-янги кунга.

Чайқалади ифор денгизи,
Гул денгизи, баҳор денгизи.
Зор дилларга дармон бўлди у,
Кимларгадир армон бўлди у...

8

Дил баҳорга бўлмоқда таслим,
Мағлублигим қулиб олдим тан.
Баҳор ғолиб, лек зафар тугин
Бошим узра даст кўтаргум ман.
Гўзал жангдир баҳор аслида:
Яшил қўшин чекинмас осон.
Ҳар йил шу пайт, севги фаслидан
Енгилишни соғинар инсон.

16-22.03.2014 йил



ХОВУЗ ВА МАЖНУНТОЛ

Ховуз – паҳлавоннинг ҳовучи,
Унда сочин чаяр мажнунтол.
Кафтигача етиб соч учи
Ботир қалби титранар хушхол.

Гўзалликка матонат паноҳ,
Гувоҳ бўлар макон ва замон:
Шу мажнунтол қуригунча то
Ҳовучини тортмас паҳлавон.

22.03.2014 йил



ШОИРА ВА ТУН

Нимхира ёруғлик таратади шаъм,
Соялар рақсига саҳнадир гилам.

Дераза ортида сирли овозлар,
Хона ичра шеърлар, тўзган қоғозлар.

Ташқарида шамол юрагин тиғлар,
Девор изтиробдан юборар йиғлаб.

Шаъм хира ёруғлик сочганча бу он,
Интизор кутади келишин меҳмон.

Етар сирли меҳмон қадами боққа—
Сиёҳтус зулумот чўкар ҳар ёққа.

Зинада сирғалган чоғи бир йўла,
Ўзини кераксиз сезади шуъла.

Хонада жимжитлик, шаъм бўлар адо,
Меҳмон нақ эшикда бўлганда пайдо.

Шамоллар оҳидан қиприклари нам,
Тун кириб келмоқда— занжи дуёнам

22.03.2014 йил

ЧИЛТОР

Най эмас у, билгани ҳазин,
Якранг наво, ярадор вола.
У ёд билар күйнинг минг хилин–
Бахту кулфат унда ҳавола.

Най бир бўзлаб, тинади–қайтар,
Бир жон ғамин куйлагай такрор.
Қирқ жонининг дардидан айтар:
Аёл қалби чилтордир, чилтор!

Тирикликнинг шўр дамларида
Чалар, қўли тор-ла бирлашиб.
Воҳ, тингласанг, оҳангларига
Қирқ жон ғами кетмиш чирмасиб.

Тингла – фақат бера олсанг дош,
Ул ҳавойи, эртак эмасдир.
Қирқ жонининг дардига дарддош
Бўлолмаган эркак эмасдир!

16.03.2014 йил

ЭСКИ ДАФТАР

Бахтиёр эдим мен: кулгуларим шүх
Ва бегона эди қалбимга дардлар.
Ногаён юракка санчган каби ўқ,
Рўпарамдан чиқди кундалик дафтар.

Ўтган кунлар ёди келди қошимга
Маҳшарда марҳумлар ростлагандай қад.
Мен эса... шу сиймо ва шу ёшимда
Ёдмас, унутишни истайман фақат.

Нетайки, шафқатсиз фурсат шамоли
Аёвсиз титади умрим дафтарин.
Ногоҳ, кул яширган чўғлар мисоли
Фош бўлиб қолади маҳзун қайдларим...

Йўқ, мен хотиротга бўлмасман таслим–
Ожизман ўзимни енга олмасам!
Дафтарга тикилиб совуққон ва жим
Сўнг бор муқовадан олгайман бўса.

Таскин истамасман, чорламагин, бас,
Дилга ғулу солар ҳар қандай овоз.
Йўқ, бу ёнаётган юрагим эмас,
Дафтаримни ўтга ташладим холос.

23.03.2014 йил

ХАР КУНГИ ЭРТАК

Ёвқур әмас, ношуддир бу қас,
Тулпор әмас, қирчанғи оти.
Мажбурият совутин бир пас
Кийиб, ўзин сезади ботир.

Сермар ҳаёт қамчисин, ҳуркар
От, сүнг елар учиб кеттүдек.
Рүзғор – аждар. Оғзи ўт пуркар
Қозон қайнатишга етгулик.

Қозон қайнар, күнгил совийди,
От ҳорииди, толар чавандоз.
Умр – күрпа, армон қавийди,
Бармоғига игна санчиб боз.

Тугаб қолар эртак авжида,
Эркак боқмас ҳамон ботиниб:
Турмуш деган ғорнинг оғзида
Маликамас, тураг хотини.

12.04.2014 йил



“ИЛИАДА” ОҲАНГЛАРИ

(туркум)

Хомер, чиндан сўқир экансан...
Марина Цветаева

1. МУҚАДДИМА

Чақмоқ. Осмон овоз берди: “Хей!”
Оғриб кетди тоғнинг тизлари.
Тўлқинланар муаззам Эгей–
Соч ювмоқда Нерей қизлари.

Тақдирлардан тузади шатранж,
Сўнг тош сурар Зевс аёвсиз.
Ҳар юришда қувонч ёки ранж:
Кўп умрлар кетмоқда эссиз...

Силкинади Олимп шу лаҳза,
Елкасида урушлар юки.
Музаларнинг давраси ичра
Ўлтиради Хомер қўр тўкиб.



Бир ён севги, бир томонда рашқ,
Бир ён гулшан, бир томон олов.
Бир ён кулгу, бир томонда ашқ,
Дил ёнади құзларда лов-лов.

Уруш, фироқ топарми барҳам?
Чувалади ўйлар, хаёллар.
Жуда қизиқ: икки ёнда ҳам
Күзёш түкар факат аёллар.


Сув тубида портлайди бир сир,
Қўл чўзади тўлқин қирғоқча.
Денгиз бефарқ, унга барибир:
Пари қизлар сочин ювмоқда.

2.ИФЕГЕНИЯ

Ифегенияман, дунё – Авлидам,
Мендан лаҳза сайин тилар қурбонлик.
Қулаб тушгудайин маъбад лабида
Муаллақ тураман – ётдир инсонлик.

Орадан неча минг йил ўтди, мана
Ҳануз итоатда, ҳали ҳам жимман.
Урушлар тугади, сўнди тантана...
Мен оғам ҳукмига ҳамон таслимман.





Ботирлар мен ҳақда “ух”ла эслагай
Қисматим рамзидир – сабот ва чидам.
Ох, менга барибир, ким не ўйлагай,
Ифегенияман, дунё – Авлидам...

3.ПАРИС

Қулоғимда қиличлар саси:
Жангчи әмас, мени ошиқ денг.
Еленанинг битта бўсаси
Юз мамлакат божи билан тенг.

Ботир әдим мен ҳам, шунчаки
Шондан йироқ әди хаёлим.
Кўнгил берди менга ҳаттоқи
Заминнинг энг гўзал аёли.

Афродита, нурли бармоғинг
Дилга севги жойлагани пайт,
Чукур ўйлаб, қайтиб олмоғинг
Ох, шунчалар қийинмиди, айт?

Лойиқмасдим отам тожига,
Гуноҳга сарф ҳамма фурсатим.
Лекин севгим халқим бошига
Етишини ўйламагандим.



Кулоғимда ибодат саси,
“Жангчи әмас, ошиқ ўлди” денг.
Еленанинг битта бўсаси
Бир мамлакат хуни билан тенг.

4.ПРИАМ

Вайрон бўлди буюк Троя,
Авлодлардан мерос гул шаҳар.
Этолмадим уни ҳимоя,
Заҳар беринг шу тобда, заҳар!

Тожу тахтга ҳеч ачинмайман,
Нима бўлти салтанат, шоҳлик?
Келажакка қандай сўзлайман,
Огир ахир, бундай гувоҳлик...

Эллик қизим, эллик ўғлоним
Бор эди-я, бари навқирон.
Қандоқ айтай, бари полвоним
Бирин-кетин берганини жон?

Ёв кўзига қон тўлмиш мангу:
Бирин ухлоқ жойида сўйди.
Бирин жангда шаҳид этди-ю,
Бирисин нақ пойимда сўйди.

Кўз олдимда муazzам олов,
Гулханинг ҳам гўзал, Троя!
Ночор қўлга тутиб мен ялов
Сени сўнг бор этгум ҳимоя.

Чолни писанд қилмаган душман
Бир зарбага жойлаб кучини,
Ўғлонининг севгиси учун
Отасидан олар ўчини.

Йўқ, Парисни ёзғирмагайман:
Бари гуноҳ менда, ўзимда.
“Завол билмас” дея куйланган
Деворларинг қолар кўзимда.

5. СЕВГИ ҚИСМАТИ

Севги маъбудаси – шўх Афродита
Денгиз кўпигидан яралган эмиш.
Азал тўлқинлари қирғоққа элтар
Пайти, бир лаҳзада туғилган эмиш.

Балки шу сабабдан севгида жамдир
Бўрон ваҳимаси, тўлқин қудрати,
Ростин айтай, бу ҳам аслида камдир,
Гирдоблардан бордир дўсту улфати.



Балки шунинг учун рашқ тўлқинидан
Денгиздек қирғоққа отилар юрак.
Гоҳ меҳрнинг нафис бир ёлқинидан
Ёришади, баҳтдан олгандай дарак.

Аммо унутилар оний суронлар,
Гарчи аламлидир, ўтажак, ишон.
Тўлқинлар тинчийди, тинар бўронлар
Ва сирли кўпикдан қолмагай нишон.

6.СТИКС

Ботирларга она бўлмоқ ҳам
Мушкул эмиш азал-азалдан.
Фарзанд кетса, онага мотам,
Хеч бир нарса бўлмагай далда

Ва оғирдир фарзанд қисматин
Билса, гўдак туғилмай ҳали.
Унга тикиб шаъни, исматин
Мехр билан боққан маҳали

Бош кўтармиш умид қалбida...
Туғилмасдан тақдири аён
Ахиллесни она Фетида
Элтган эмиш Стикс томон.



Кейин буюк дарё сувига
Чайган эмиш жигаргүшасин,
То метинга тани ўхшасин
Ва ўқ ўтмас бўлсин бадани.

Аммо шошиб қолмиш Фетида,
Ёнар экан алам ўтида,
Товонидан ушлаб ўғлини
Ўзи қисқа этмиш умрини.

Товонига сув тегмабди, бу
Атай эмас, шунчаки қисмат.
Инсон мангу яшамайди-ку,
Ахиллес ҳам инсондир албат...

Гоҳи тунлар тушимда мен ҳам
Стиксни излайман, бироқ
Вужудимда дарёга интиқ
Бир макон бор, ҳаммадан кўпроқ –

Мен юракни чаяман унга,
Бари ошкор, пинҳон сирим йўқ.
Тош, метинга айланса гар у,
Ночор қолар севги деган чўғ.



7. АХИЛЛЕС

(Достонга киритилмаган құшиқ)

Шон-шарафдир менинг қисматим
Ва тож киймоқ үлим қўлидан.
Нетай, тақдир музaffer, қадим –
Бари бекор унинг йўлида.

Кўп ботирлар таслим этди жон
Қўлларимда, эслолмам барин.
Тушларимда кўрарман мудом
Троянинг ботир эрларин.

Ана Ҳектор! Девор устидан
Мағрур қараб турибди менга.
Анов Парис – севги дастидан
Жанг чиқишин билмаган банда.

Анависи – Приам, дунёning
Энг омадсиз, энг баҳтсиз шоҳи.
(Англагандим, ўғли жасадин
Сўраб, менга тиз тиз чўккан чоғи)

Зафар қучдим жангларда такрор:
Пайдо бўлди боқий қўшиқлар.

Аммо дилда пушаймоним бор:
Найзамдан жон берди ошиқлар.

Нетай, шонни аёлдан кўпроқ
Севар эдим, талпиндим унга.
Тўғрилармиш букини тупроқ:
Энди қалбим очаман тунга.

Оҳ, аёллар бўзлашар бунча...
Рўпарамда видо довони.
“Аёл” деса, қиёматгача
Сирқирайди энди товоним.

8. СЎНГГИ ЙИФИ

Жон олиб, жон берар Ахейлар,
Гўдаклар – қул, аёллар – чўри.
Ердан кўкка ўрлайди “оҳ”лар,
Рашқ уруши – жангнинг энг зўри.

Денгизларда сувмас, оқар қон,
Куюқ ҳиди анқир ҳавода.
Аёлларга зар, эрларга – шон.
(Керакмасми сизга мабодо?)




Бир уюм кул – шаҳардан нишон,
Маъбадларнинг ўрни харобот.
Зўр ботирлар ўлар бенишон,
Абадият йиғлар солиб дод.

Ёв дийдаси қотган урушда,
Эритолмас уни нолалар:
Айланамиз деб озод қушга
Деворлардан сакрар болалар.

Юзин юлар гўзал Елена –
Парис ўлди – энди барибир.
Сўқир кўзин юммасдан, яна
Кўшик тўқиб ўлтирадар Хомер.

12.04.2014 йил





ҚАЛАМНИНГ ШОИРГА ДЕГАНИ

Айлона-айлона алингга тушди.
И.Мирзо

Мен ҳам қамиш эдим – шовуллаб ётган
Амр бўлди, умр йўлингга тушдим.
Азал – шамол, ҳар ён отгани-отган,
Айлана-айлана қўлингга тушдим.


Узун кечаларда йиғларди дунё
Фовак вужудимни тўлдириб ғамга.
Кундуз кўқда қуёш таратса зиё,
Сиғмайлар кетардим ёруғ оламга.

Йиғиларим сенга келмасин малол,
Улар қисматимнинг оддий арзиdir.
Ғаминг вужудимга сиғар bemалол,
Бу асли қаламнинг яшаш тарзиdir.

Гоҳо жаҳл билан уриб столга,
Дилингда не истак, олмайсан англаб.
Шоирим, сўзимни олма малолга,
Бир зум қалбингдаги қамишни тингла!

У асл ватани куйлайди инграб,
Қаршингда очилар янги бир дунё.
Шоирим, улгургин дардимни англаб,
Мен ўша ватанга қайтгунимча то!

08.06.2014 йил



ЭГИЛМАГАН БОШ

– Эгилган бошларни қилич кесмайды,
Эгилган дилларга хавф солмас ўлим.
– Эгилган дилларда умид ўсмайды,
Бош әгилса, ҳаёт ҳаётми, гулим?

– Сукутда қолмишлар валийлар ҳатто
Қилич келган чоғи азиз бошига.

– Асл ботир учун титрамоқ хато
Ўлим акси тушган тифнинг қошида.

– Наҳотки, баҳтдан ҳам афзал ғуур, ўч,
Энди буёгига етмагай бардош...

– Эгилган бошларни унутар қилич,
Мангу ёдда қолар эгилмаган бош!

24.06.2014 йил

ҚОР ГУЛЛАРИ

Аёз тўла қиши қучогида.
Ҳатто ранглар замҳарирга хос:
Яратганинг осма боғида
Қор гуллари очилди қийғос.

Гўё кумуш қукуни каби
Жилва билан ёғилади қор.
Учқунлари – миллиард гул барги,
Ёғишида самовий викор.

Осма боғин силкир Яратган:
Кўринмайди яқин-йироқлар.
Қор гуллари таскин тараттгай:
Унут бўлар қайғу, фироқлар.

Замин – сават, оқ гулга тўла,
Олса бўлар кафтни тўлдириб.
Одам, қўлинг тортгин, бир йўла
Гўзалликни қўйма ўлдириб!

24.06.2014 йил



ХАҚ ЧОЛҒУСИ

А.Н.га

Күнгил – Ҳақнинг чолғуси, дўстим,
Бир қуиласа, тинмас, огоҳ бўл.
Сен ғуурдан осмондек ўсдинг –
Сен чолғуга узатяпсан қўл!

Алмисоқда кўрувдим сени,
Рухлар аро турардинг гирён.
Ҳақ торидан истайсан нени,
Нега бугун севгинг беомон?

Кўнгил – Ҳақнинг чолғуси, дўстим,
Ўз куиidan тўлган, кемтилган.
Инсон борки, чўзади дастин,
Инсон борки, унга интилган...

Шундан “оҳ”га тўлгандир очун,
Шундан ойнинг ўн беши қаро.



Хақ чолғусин асрамоқ учун
Йўл излайман туманлар аро.

У куйласа – тингламоқ азоб,
У йиғласа – бўлмас тиндириб.
Хаққа қандай айтарсан жавоб,
Чолғусини қўйсанг синдириб?!

Кўнгил – Хақнинг чолғуси, дўстим...

30.07.2014 йил



ҚАЛБИНГТА ТАЪРИФ

Қалбинг тош асри ё музлик давридан...
Эрита олмайди оташ, на меҳр.
Қаҳринг туша олмас бир зум ҳовридан,
Сенга кор қилмагай на афсун, сехр.

Гиёҳга жон битса, ёрилар харсанг,
Музга амр етса, йўл чизади сув.
Бугун ўт дилимни дуд қилди ғуссанг,
Ҳаётимга кириб келди ёт ғулу.

Қалбинг – тош асридан мерос қолган
тош,
Сувга отсам чўкмас, ёнмайди ўтда.
Унга тегиб, кўп бор ёрилганди бош,
Шунданми ҳаётим турар сукутда.

Қалбинг тош асри ё музлик давридан –
Кор қилмагай унга на қувонч, на ғам.
Дадил бош кўтариб метин бағридан,
Илдам кетмоқдаман оғир бўлса ҳам.

30.07.2014 йил



СУНБУЛА

Шафак фонуслари қизғиши, оловли,
Каштага тиқилған гуллардай алвон –
Шуълалар рақсига түлганды ҳовли,
Бир четда ўксиниб ётади нарвон.

Сўзсиз кузатасан боғдан нарини –
Шом ичра сирғалар ариқдаги сув.
Қўшни боғнинг холдор олмаларини
Шошганча қайгадир элтиб борар у.

Қизғиши сояларни йиғиб олар тун,
Янада сулувроқ қўринар моҳтоб.
Қалбингни – ғалаён, дунёни – сукун
Эгаллаб олгандек туюлар шу тоб.

Осмон – юлдуз оққан тимқора дарё,
Бундай гўзалликдан дилда ғулғула.
Бағрингни каттароқ очиб қўй, Дунё,
Унга қадам қўяр сўлим Сунбула.

01.09.2014 йил





КУЙГАН ҚАНОТЛАР ҲАҚИДА РИВОЯТ

*Мени осмонларга алишмадинг сен.
Усмон Азим.*

Фариштайдинг кўклардан тушган –
Елканг узра оқ, улкан қанот.
Пари эдим орзуни қучган –
Эртак эди мен учун ҳаёт.

Тўзғиб кетди жами эртаклар
Сен қошимда бўлганда пайдо.
Эдим елга дуч келган уқпар,
Ер бағридан узилдим гўё.

Замин улкан хобгоҳга дўниб
Сени босди ғафлат уйқуси.
Малак ёдинг бир зумга тиниб
Унутдинг ё осмон қайғусин?..

Ерга тушди самовий қўшиқ –
Чидолмасдан фитна бошладим.
Қанотингни эртакка қўшиб
Тандирдаги ўтга ташладим.

Шунда чўчиб уйғондинг бирдан,
Олов, олов! Хурлик заволи!
Қанотларинг алангасида
Жилва қилди Мажнун жамоли.

Қисматингга секин бердинг тан,
Қолдинг мангубоғланиб ерга.
Тушларимда гоҳо сен билан
Кўкка учгум баҳтиёр, бирга.

Бирдан қувонч сўнар кўзингда,
Сўнган қувонч дилни ғашлайди.
Ҳеч сабабсиз, шундоқ, ўз-ўздан
Қанотларинг ёна бошлайди.

Тушми ё ўнг, билмайман рости,
Ё бу қадим ҳислар уволи:
Аланганинг қоқ ўртасидан
Чиқиб келар Мажнун жамоли...

Рўзинг узун, кечанг – бир тутам,
Интилмайсан кўкка қайтишга.
Қанотлари ёқилган елканг
Кўниkkандир ўтин ортишга.

01.09.2014 йил

СЕН ВА ЁМФИР

Ёмфир ёғар. Том узра қитмир
Бола каби сакрар томчилар.
Ёмфир ёғар. Томчилар ритмин
Тинглаб, ёдим гулдек очилар.

Ёмфир ёғар. Замин олар тин –
Үйламасдан меҳнат дарсини.
Кўз олдимга келтираман жим
Штрауснинг шўхчан вальсини.

Хўл бўлади пичан ғарами,
Теваракни тутар ёз иси.
Хув теракзор – ҳислар ҳарами,
Ювилади изхорлар изи.

Босилади йўлларда ғубор,
Мажнунтоллар қарайди ўқсиб.
Чуқур нафас олар тутқатор
Нам ҳавога тўлдириб кўксин.

Сен ойнадан боқасан ғамгин,
Наҳот, софлик етмади санга?
Ёмфир синган ойна қўзидан
Сизиб кира бошлар хонангга.

1.09.2014 йил

ДИЛГА БОРАР ЙҮЛ

Сомон йўли қалбингга элтар,
Бироқ унда адашмоқ осон.
Бахт излаган йўқолар-йитар
Сўнган юлдуз қаби бегумон.

Ипак йўли – қалбингга кўприк,
Хисларимдан карвон тортаман.
Теваларга мангур айрилиқ
Ва кўз ёшим дурин ортаман.

Сомон йўли – само хилвати,
Жимиirlайди сирли ёғдулар.
Ипак йўли – ғариб улфати,
Зарралари – порлоқ инжулар.

Ёр, қалбимни тевага ортдим,
Тева чўкиб олди, юрмади.
Икки йўлдан танлаб қай бирин,
Сенга қандай борар – билмадим?

11.11.2014 йил

ҚОР СОФИНЧИ

Ёстиқдан бош күттаргинг келмас,
Үзни хаста сезасан пича.
Деразангга қўниб, басма-бас
“Ку-ку” лайди икки мусича.

Январ қорга интиқдир ҳамон,
Қараб қўяр осмонга дилгир.
Кун тафтида исинар осмон:
Унга фарқсиз, унга барибир.

Қўшиқ куйлар икки ҳамроз қуш,
Парда нурни тўсолмас бу дам.
Ёстиқдан бош кўтарар хомуш
Қорни қаттиқ соғинган одам.

01.01.2015 йил

ТУН ОСТОНАСИ

Ишқ چок этган миллиард бағир
Конига ғарқ бүлгандай осмон...
Хали кундуз топмади охир,
Нур сўнмаган ҳали батамом.

Ортга қайтар оқшом қушлари –
Ҳаёт қайнар боғларда бир пас.
Бошдан учар куннинг ҳушлари –
Кўринмоқда тоғлар ҳам элас.

Нафас олар ойдинлик сўнг бор,
Ҳаёт тўлиб шаффоф бўғзига.
Сўнг ўзини отар улуғвор
Тун аждарин улкан оғзига.

01.01.2015 йил

ҚОРЛИ ОҚШОМ

Киш. Күчада одамлар сийрак.
Күзларингга урилади қор.
Қор тафтида исинган юрак
Тунд фаслга айтмоқда изхор.

Тунги шаҳар чироқларида
Кумуш нурлар ўйнаркан бу дам,
Кўнгил боғлаб фироқларингга
Кетиб борар бир маъюс одам.

Киш ялтирас оқшом бағрида,
Тўзғиб кетар ўйлар, ғоялар:
Оқ либосли Замин саҳнида
Жилва қилар митти соялар.

Январ зафар қучар: оғушлаб
Дарахтларни, гўзал ўлдирад.
Кимдир кўқдан ҳовуч-ҳовучлаб
Оқ гулларни сочиб ўлтирад.

02.01.2015 йил

ЁЗ МАНЗАРАСИ


Саратоннинг келгандай авжи:
Қоврилади оташда дунё.
Қаршимиздан оққан сой мавжи
Бу дам бизга туюлгай рүё.

Қоқ тепадан қараб, бизларга
Кун тарааркан сирли ёлқинлар,
Сувўтлардан пари қизларга
Кўйлак бичар абжир тўлқинлар.

Кундуз юрар тошлар оралаб –
Товонида қуёш тамғаси.
Шундай пайтда сувга мўралаб
Париларни излаш нимаси?

Кўз тинади ёзниң исидан,
Чиқиб келар қирғоққа шу он –
Кўйлагини сув парисига
Софға қилган сахий саратон.

02.01.2015 йил



ОДДИЙ ҚҰШІК

Висол абад йўлсизми,
Ёрдан келмагай хабар?
Қалбимдаги денгизни
Музлатиб қўйди январ.

Тўлқинларим тўхтади,
Чағалайлар берди жон.
Энди бошимда маним
Қовоғи солиқ осмон.

Тўлқиншакл музларни
Қарс-қурс синдириб шу дам,
Кечиб не денгизларни
Келар мен кутган одам.

03.01.2015 йил



ТАҚҚОСЛАР

Қүёшга интилган куз гулларидай,
Ёмғир кутаётган замин мисоли,
Хайём косасини соғингандек май –
Сени соғинтирар маъшуқ жамоли.

Ҳаллож “Анақҳақ” деб ичганда қасам,
Ҳавода муаллақ туриб қолмиш дор.
Машраб ноласига чидаёлмасдан
Учга бўлинганмиш жигархун сетор.

Найистон аҳлини йиғади Румий:
Бири кулоҳ кийган, бирида жанда.
Аларга умидвор тикилмагин, ҳей,
Биби Робиянинг рўмоли манда.

Қүёшга қўл чўзар чечаклар хушҳол,
Заминга ошиқар ҳаёт ёмфири.
Бу – мангур айрилиқ, абадий висол,
Илло муҳаббатнинг йўқдир охири!

03.01.2015 йил

СОЯ

Сен йўқ эдинг. Эшикдан кириб
Келди Гамнинг кулранг сояси.
О, йўқ эди бунда сир, фириб,
Тинган эди баҳтнинг ҳам саси.

Қафасига ўрганган қушдек
Унга боқдим умидвор, сокин.
Нигоҳимда йўқ эди ҳадик,
Қалбим титраб турарди лекин...

Ярим кеча қайтдинг кайфинг чоғ
Сўзлаганча ёлғон-ростингни.
Кўзларингда сузарди чарчоғ...
Сен кўрмадинг янги дўстимни!

Мен унга “қол” демовдим, ишон,
Нега ҳануз кетмайди, билмам?
Ўртамиизда ўшандан буён
Яшаётир кулранг соя – Гам.

10.01.2015 йил

КЛЕОПАТРА

Зафар құчған рақибим узок
Нишонларқан шоҳликни, шонни,
Мен жонимга қўйғанча тузок
Нақ кўксимга босдим илонни.

Тахт, гўзаллик, ҳашамат бир он
Кетмас эди пойимдан маним.
Фақат тақдир гоҳида фирром –
Сароб чиқди эришганларим.

Ўйин бўлди менга муҳаббат,
Эрмакладим дилларни кўп бор.
Илон, илон, бизни кутмас вақт,
Чап кўксимга заҳар соч такрор.

Қазо они қалбим тозадир,
Ўлиб бўлди фано қайғуси.
Мағлубият заҳрин кесадир
Энг заҳарли илон оғуси.

Боқдим эшик очган рақибга:
Кўзларида бир теран ғусса.
Муҳаббатга ташна лабимда
Музлаб борар охирги бўса.

11.01.2015 йил



ОЛМА

*Олмани дунёга отаман түлиб,
Бормисан, бормисан, бу оламда, ёр?
Шавкат Раҳмон.*

Шафак – ол қасида. Мовий кўқ уни
Ёзмиш одамзотга бағишилаб атай.
Боқ, қуёш қизараар Отам Атонинг
Ҳавога узатган ишқ олмасидай...

Йўқ, уни тутолмас аёл бармоғи,
Ҳаво, қўлларингни куйдириб олма.
Довулга айланиб диллар титроғи
Кўқдан юмалайди сеҳрли олма.

Одам ўқинч билан боқар ёрига –
Мовий кўзларида жаннатий видо.
Парво қилмай сира оҳу зорига
Заминга ҳайдайди уларни Худо.

Самовот қаърида ўшандан буён
Баҳайбат олмадай айланаркан Ер,
Севги олмасига етгани замон
Қўллар сотиб қўяр бизни барибир...

21.01.2015 йил

СУЗАЁТГАН ОЙ

*Халок бўлган ботир қалқони
Мисол кўкда сузар тўлин ой.*

Николай Гумилёв

Кишда уйғоқ қолган айиқдай
Бесаранжом кезинар кеча,
Ой сузади кумуш қайиқда
Ошиқларнинг хаёлин ича.

Осмон йифар булутдан қўшин,
Чорлов каби ёнади чақмоқ.
Ой тарқ этмай кумуш қайиғин
Нурин тарап: мовий, сарғиш, оқ.

Чақмоқ ёнар яна дарғазаб –
Бирлашгандай миллион кўзлар.
Шоҳ қаҳридан қўрқкан канизак
Каби титраб тураг юлдузлар.

Ноз қилади Ой, нимасига?
Булут уни қўймагай холи –
Еленани ўз кемасига
Чорлаётган Парис мисоли.

26.02.2015 йил



ЎЗНИ ТАНИШ

*Бир олма киби гумбади мину била ўйнар.
Навоий*

Бир сиқим тупроқнинг бунёди менман,
Жаннат дарахтининг фарёди менман.

Руҳимнинг унсури гоҳ оташ, гоҳ сув,
У оқизган олма – гумбази мину.

Сертомир қўлларим – куйган болу пар,
Аждодим эмасми юнонлик Икар?

Булутларга чўпон эмасдир шамол,
У – олам сарҳадин ўлчаган хаёл.

“Денгиз – денгиз” десанг, бўлмасман рози,
У – осмон руҳининг мовий овози.

О, борлиқда бисёр бундоқ мисоллар,
Ҳаётимда қолмиш фақат тимсоллар.

2.03.2015 йил



ЧОРАСИЗЛИК

Бағримни күйдирар қасос – аланга,
Falatdir tuproqning utda enishi...
Сира истамовдим, бу тақдир иши,
Қайдан тушиб қолдим мен бу гулханга?

Медея азобин ҳис қилдим бугун –
Алдов аёл зотин қилишин адo.
Бул олов тафтини босолмас нидо,
Яшайман – жонимда оловли тугун.

Дадил кетмоқdasan – бордир асосинг
Сен, ҳаётга ташна одамлар билан.
Сокин ва хушбахтсан, сира йўқ гинам,
Қайдан ҳам билардинг аёл қасосин...

1.04.2015 йил



ШАМОЛ ВА СОЯЛАР

Кеча сояларнинг салтанатидир,
Улар қачонлардир бўлган бадарға.
Таланган жонимда бир аламли сир,
Соядек кираман мен бу оламга.

Бахтнинг ёқимли ва митти сояси
Ортимдан эргашар эрка боламдек.
Қанотли соялар – бойқушлар саси
Бу дам юрагимга сололмас ҳадик.

Манов узун соя йўлбошчи менга,
Билмасман, йўлининг борми адоги...
Танимай, ҳайрат-ла боқаман унга,
У – менинг эгилмас ғуурим чоғи...

Улкан ва ваҳмали ўчнинг сояси,
У моҳир овчиdir – тушган изимга.
Гоҳо эшитилса қадамлар саси
Хавотир соясин солар кўзимга.





Кеча сирдошимдир, ёлгиз қўймагай:
Боғлар соясига чорлайди ҳилол.
Вужудсиз дунёни қучиб тўймагай
Ҳатто сояси ҳам қўринмас шамол.

Менинг-чи ҳавасим келар шамолга,
У озод – ҳеч кимга қолмас боғланиб:
Бир ҳис деб ўзини урмас заволга,
Бир кас деб сояга юрмас айланиб!

...Қўшиғинг тугади, қолдинг-ку тиниб,
Сен мени англадинг, шамол, афтидан:
Кўринмас қўлинг-ла ташла сидириб
Севги соясини юрак сатҳидан.

1.04.2015 йил.





ХАЙРЛАШУВ ОЛДИДАН

Сен умримга гул эмас, күтариб кирдинг
олов,
Шунданми шеърларимдан куюк ҳиди
анқийди.
Аввал бошда лаҳзалар, сўнг кунлар ёнди
лов-лов,
Бу гулхани кўз ёшлар ўчиролса қанийди.

Сен умримга олов-ла кириб келдинг, гул
эмас,
Ўт-оташни оралаб юрибман шундан буён.
Олов кўкка ўрласа – қаҳ-қаҳ отдим басма-
бас:
Куйган товоонларимга ўзга манзил йўқ, аён!

Пушаймондан наф йўқдир, қанча ёниб
куйламай,
Рости гап, бу оловни гуриллатган мен ўзим.



Хар тонг ўзни Қақнусдек қайтадан этгум
бунёд,
Хар бир кунимнинг бордир ўз гулхани –
олови.
Ўтинлари жаннатнинг боғидан, лек минг
фарёд
Дўзах тандирларидан олингандир қалови...

Сен умримга гул эмас, олов күтариб
кирдинг...

04.04.2015 йил.



ГИРЯ

Андуҳнинг илдизи жонимда маним,
Қобилнинг гунохи қонимда маним,
Ёр, исминг дил отли конимда маним,
Сен менга боқмайин ўтсанг, на илож?

Қонимни қорайтди жаннат соғинчи,
Румий топиб берган найдир овунчим,
Лекин қўлга олсам – қолмагай тинчим,
Ношуд созандангдан кечсанг, на илож?

Гулман – кўз ёшимни гулоб дегайлар,
Азалдан ишқ аҳлин хароб дегайлар,
Саҳронгда қўринсам – сароб дегайлар,
Ташналар интилган рудсан*, на илож?


Осийман, бир бўлди икки дунёйим,
Ўзингга, ўзимга аён савдойим,
Барига қўл силтар чоғда, Худойим...
Рухим илдизидан тутсанг, на илож?



Сени ўйга солмас аёл қисмати –
Ҳаво гунохининг ҳалол қисмати.
Ул – ўт-ла ўйнашган шамол қисмати!
Ёр, рўзи маҳшарда кутсанг, на илож?
Васлингга етолмай ўтсам, на илож?

04.04.2015 йил.

**руд-анҳор*



ГЛАДИАТОР

*Гам ёр бўлар фақат мардларга,
Улар гамни кўрмаслар баҳам...
Хуршид Даврон.*

Менга синган қилич беришди,
Ёв қиличи асил пўлатдан.
Совутим занг, қалқоним тешик –
Ёв дубулға кияр уятдан.

Сўнг қаҳр-ла келар ортимдан,
Икки йўлбарс тўсади йўлим.
Лекин қўрқмам энди ҳеч кимдан:
Энг муносиб рақибим – Ўлим.

Қарагаймиз бир-бировга тик,
Сиримизни билмайди ҳеч ким.
Ёв бир гулга кўнгил бермиш, лек
Ул гул қалби – дахлсиз мулким.

Азал шундоқ: ўлмаган қулга
Тақдир ногоҳ боқармиш кулиб:
Кирап бўлсанг бир мағрур дилга
Тарқ этмассан ҳаттоки ўлиб!

...Бир зарбадан синар қиличим,
Икки йўлбарс олар оёқдан.
Билагимга жамланар кучим,
Шу пайт ёrim юрар қаёқда?!

Кўкрагимга қилич санчилар,
Севги учун жон бермоқ – роҳат.
Бу туйғудан бехос очилар
Кўксимдаги эски жароҳат.

Қузғунлар чарх уриб бошимда,
Кўзларимда нур сўнар маҳал.
Пайдо бўлар бирдан қошимда
Ботирларга шон берган ажал.

Дер: “Жангларни кузатдим кўп бор
Ва кўпларни олдим бўғзидан.
Номардларга боқмадим зинҳор,
Оҳ чиқмади мардлар оғзидан.

Шараф тожи менинг қўлимда –
Ололмайди хеч ким ўғирлаб.
Сен исмингни мозий бағрига
Қонинг билан қўйгунг муҳрлаб”.



Ажал қўли ошиқ жонимни
Олар экан секин, беозор,
Йўлига жон тиккан ёримни
Фоят кўргим келар, сўнгги бор...

Ёв телбавор кулган чогида
Музлаб борар вужудим – борим.
Чамбар ясаб дафна шохидан
Наҳот, яна кеч қолди ёрим?!

20.08.2015 йил

АСАД

Бу ғалати арслон ўлжа пойламас,
Дилга ваҳм солмас юрса-да озод.
Кунлар ҳаётига қилгандайин қасд
Теваракка ғамгин боқар бу жонзот.

Ёз адоги. Барглар сарғара бошлар,
Сунбула сувлари – сеҳрли ойна.
Фақат бир ваҳима юракни ғашлар:
Қай дарахт ортида хазонрез пойлар?

Наҳот, бу арслоннинг емиши фараҳ –
Тўлишган боғлардан узмас нигоҳин.
Ўз ўйига ўзи бўлган қаби ғарқ
Сезмасдан қолса-я хазон сипоҳин...

Ногоҳ қўрқувимни лаҳзага ўраб
Шафқатим ўргилар ваҳший жонидан.
Тақдирдан оний бир эврилиш сўраб,
Кийикка айланиб ўтгум ёнидан!

Сезмагай ҳатто тик боққаним замон,
Қилт этмас бу мағрур, тирик қасида.
Наҳот, шундай сокин, ҳайбатли арслон
Чорасиз турибди куз ёқасида?

20.08.2015 йил

ЧИҒАНОҚ

Вужуд – денгиз. Мен ундан
Топиб олдим чиғаноқ.
Ғалат қувончим шундан,
Яширай уни қандоқ?

Билмадим тингласам-да,
Не гавҳар бор бағрида?
Куйлади сайёхлар... ва
Сув парилар ҳақида.

Гарчи бундан йўқ маъно,
У менга кўп керакдир.
Топганим, ўша танҳо
Чиғаноғим юракдир.

16.06.2013 йил



ЯШИЛ ПЕЧАКГУЛЛАР

Яшил печакгуллар
Ховли деворига
Ислимий нақшини
Чизди ёз бўйи.
(Ёз бўйи битмади
бу нафис ижод.)
Тўқсон кун шамолнинг
тўзғиди ўйи,
(Тўқсон кун ҳовлидан
чиқмади.)
– Наҳот?



Яшил печакгуллар,
Нозик рассомлар –
Ки ҳар япроғидан
Таралади ноз,
Кузак шаробига
Тўлганда жомлар



Рұх ичра янграйди
Таниш бир овоз:
– Эссиz, печакгуллар...

Юксакка талпинар
Тинмайин бир зум –
Дилшакл барглари
Сиғмас оlamга.
Ох, топган исмимдан
Хайронман ўзим:
Улар гулмас энди –
Нақши аланга!

3.11.2015





ВИДО ШАРОБИ

Күз соқийси қуяр қаҳрабо майин,
Энди сархушликдан ўлмоғим тайин.

Бул майда пинҳондир шамол кулгуси,
Япроқ изтироби, шафак ёғдуси,

Унга таъм бергандир қуёшни сева –
Кўл етмас шохларда йиғлаган мева,

Жавобсиз ишқ заҳри, ҳижрон гулоби,
Бул оддий май эмас, видо шароби!

3.11.2015



КУЗАК ДАРЁСИ

Кузак дарёсида барг оқар лим-лим,
Сўнгги барг мисоли сирқирадар қўнглим.

Кузак дарёсида кўринмас кема,
(Айт, зўр дарғамидинг?
Кўй, ишинг нима?)

Икки соҳилида тизилиб ҳайрон
Ошиқлар туришар – ёқаси вайрон.

Нигоҳлар гаплашар:
– Қайтгум кутолсанг.
– Кузак дарёсидан омон ўтолсанг!

3.11.2015

УЛАР СЕНИНГ ҚУШЛАРИНГ ЭДИ

Улар сенинг қушларинг эди,
Кафтларингдан ейишарди дон.
Сен умримни тарқ этган куни
Озод қилдим уларни, ишон.

Улар эди сенинг қушларинг:
Бир оз кибор, бир оз бевафо.
Қолғанда ҳам, қасосинг учун
Мен уларни қиласадим адо!

Сен согансан асли шу күйга:
Севишади бермоқни озор.
Бугун қайтиб келишди уйга
Юрагимга тиғ уриб такрор.

Гарчи Морзе алифбосидан
Хабарим йўқ, олмаганман ёд.
Қуш тилида менинг устимдан
Кулишарди, солай дедим дод.

Сўнгра тўрни ташладим шитоб,
Қасос охир кўрсатди кучин.
Энди улар беради жавоб
Соҳибининг гуноҳи учун.

3.11.2015



ЭТЮД

Оқшом күйлагининг баридан тутиб,
Дарахтнинг қўллари совқотди пича.
Қуёш ботганини тамом унутиб
Бўғотда қунишди икки мусича.

Сўнгги япроқлардан лиbos кийди сой,
Сув қизи безади дурлари билан.
Янги афсонани бошлаб берди Ой –
Шу дурларга тушган нурлари билан.

Юлдузлар – абадий порлоқ хаёллар
Каби жилваланди олис осмонда.
Шафаққа эргашган ошиқ шамоллар
Узоқ қолиб кетди мағриб томонда.

Кейин қиши ҳукмига бўйсуниб алҳол
Тиндилар кўнглимда оққан баҳрлар.
Рассом бўёқ тортган манзара мисол
Қабариб келарди тунги шакллар.

14.12.2015

МУҲАББАТНИНГ ТАБИАТИ

Қадамин залворидан құлар тупроқ
күрғонинг,
Ё бошингга урилар бошингдаги осмонинг.

У келса – капалакдай рухинг тортади
енгил,
Кейин нур тезлигига самога учар кўнгил.

Не ҳам қилардинг ахир, Мавло ясаган
найсан,
Шўх-шод навосига, ҳам маҳзунига
чидаисан:

У сенга қанот берар, күкка учади бирга,
Лек бир кун ногаҳонда боплаб уради ерга!

14.12.2015



МИТТИ ГУЛМОХИЛАР

*Шимолда куз – сарық балиқча.
Алёна Ельцова*

Митти гулмоҳилар каби ҳавода
Япроқлар сузади – майин, беозор.
Қўлларинг узатма сен ҳам... (мабодо
Бу нафис манзара чекмасин озор)

Кун денгиздир шу тоб – осмони мовий,
Соҳиллари сокин, тинган қушлари.
Унда гуллар мисол – сирли, самовий,
Япроқлар сузмоқда – кузнинг тушлари.

Раққоса мисоли енгил айланар
Митти гулмоҳилар тиник ҳавода.
Бор журъатин йиғиб, аста шайланар
Тутиб олмоқ учун шўхчан шабода.

14.12.2015





ТОЙИФА

Мөхрөжсга насиҳат

Ажаб ишлари бор ўзбекнинг, агар
Овчи отар бўлса бирор бўрини,
Овоза бўлади зумда, одамлар
Уйига келтириар қўйнинг зўрини.

Ким ҳадя беради, ким ёпади тўн,
Милтиққа тикилар кимдир ҳавасманд.
Зулмат ҳаётиға чиққан каби Кун,
“Мойидан берарсиз”, дейди бир
дардманд.

Тирноғин беришар тумса хотинга,
Тишлари бешикка бўлади тумор.
Иснод келтирганча инсон отига
Терисин талашар неча харидор.

– Ўғлинғ мерган бўлса, – ўйлар халойик,
– Фақат бўри бўлса ови – нишони.



Эл ичра яшаса ҳурматга лойик,
Эту мойга тўла бўлса қозони.

Шу тўда ичида пайқадим Сени,
Ҳайрат-ла боқардинг бўри лошига.
Ўғлим, яқин борма, ингратиб мени
Қўл урма онангнинг қариндошига!

21.01.2016





ВОРИС

Беш яшар ўғилча жўжа қувганча
Кенг-мўл томорқада обдон югурди.
Биттасини тутиб, қийнади анча,
Сўнг зериккан заҳот бошин суғурди.

Ота ишдан қайтгач, онаси ногоҳ
Шикоят бошлади ўғил устидан:
– Болангизни тергаб қўйинг-да, эвоҳ,
Жўжага ҳам кун йўқ бунинг дастидан.

Муаллим ота-чи, салмоқлаб дегай:
– Одам рад этолмас насли-ю зотин.
Ахир, қўлимииздан нима ҳам келгай,
Жаллод ўтганлар-да бовамиз, хотин!

23.01.2016

ҚУШ ҲАҚИДА УЧ ШЕЪР

Алвон рангли қүшим, тасаввур.
Мирослав Валек

1.Биз қүшмиз, қаноти күрінмас бир қүш,
Дунё түрларида яшаймиз тутқун.
Гоҳ зангор осмонни күражакмиз туш,
Мунчоқ күзимиздан ёш түкиб беун.
Телба дунё бизни қылғанча әрмак
Ип боғлаб учирар оғимизга.
Кинидан чиққудек потирлар юрак,
Эрк ҳиди урилар димоғимизга.
Дунё, қүйиб юбор асир қушиングни,
Қара, хўп толиқмиш бугун, афтидан.
Гарчи беҳолдир у, йифиб ҳушини
Учмоқ истаётир сўлғин кафтингдан.

2.Бир қүш
Учиб келди –
Қанотлари алвон,
Қўзлари мовий,
Гул бандидек нафис оёқчалари,
Чирқиллай бошлади –
Гўёки ровий

Кўхна бир эртакни
Сўзлаган каби.
Ўшал дам қаршимда
Титради ҳаво,
Кўзимдан сачради
Шафакранг ёлқин.
Титраган ҳавомас,
Йўқ, йўқ, мутлақо,
У – Нуҳ кемасини
Бошқарган тўлқин.
Юзимни елпиди
Қаноти билан,
Умримда анқиди
Жаннат ҳавоси,
Англадим, бу лаҳза
Хаста умримнинг
Ягона авфидир, танҳо давоси.
Оҳ, алвон қуш,
Осмон соғинчини
Туйдирдинг ёмон,
Энди бу туйғуга нимадир қўш-чи...
Юрак қанотлидир –
Қолдирмай гумон,
Қачон имо қилар
Ул Буюк Қушчи?

3. Тийрамоҳ – афсунгар,
Афсунлари бироз ғалатдир, бироқ –
Заъфар гуллар каби хазонлар сочиб
Ўзи ҳайратланар ҳаммадан қўпроқ.
Тийрамоҳ – афсунгар,
У ошиқ дунёда энг гўзал қизга,
Қиз эса султонга унаштирилган.
Бу ғаройиб ошиқ
Пинҳона бир дунё
Тиклай оларми
Афсунларидан?
Тийрамоҳ – афсунгар.
Гарчи қашфларига етмайди ақли,
Дунё суймас сира афсунгарларни:
Гоҳ сувга отади, гоҳ қалар ўтга –
Ўзгариб туради қатлнинг шакли.
Афсунгар тийрамоҳ,
Келди таёқчангни силкитар палла,
Тўхтаб турсин қушлар галаси.
Дуоларинг айтгин баралла,
Парчалансин кўкрак қафаси –
Унда ҳурлик истаган қуш бор...

03.09.2016 йил



КУЗ ПЕЙЗАЖЛАРИ

(туркум)

1-пейзаж


Ношуд соқий мисол қимтинар кеча,
Армон томчилайди, сипқоради ой.
Сунбула тинмайди заъфар май ича,
Олис каҳкашонда шафакранг чирой.

Митти қўнғизчалар бол ичмоқда, бол –
Гулхайрининг сўлғин дудоқларидан.
Чирилдоқ изидан эргашган шамол
Маст бўлиб чиқади куз боғларидан.

04.09.2016 йил

2-пейзаж

Тун фонус учирар ёнарқуртлардан,
Кузак қараб қолар гўдак мисоли.
Ердан Самогача – бир неча қадам...
Сенга тақдирнинг ҳам йўқдир саволи.



Фақат келажакнинг мавҳум юки бор,
Некбинлик завқидан сархушсан, бироқ.
Ноҳуш хаёлларни тўзғитиб такрор
Тун фонус ёқади янада қўпроқ;

Ёнарқуртлар учар қара, сен томон,
Умид шуъла сочар гўё қаршингда.
Ёлғизлик фонусин кўтарган инсон,
Кўлингни бер, тушгил Қайғу аршидан.

Тун сен учун ёқди ёнарқуртларни...

06.09.2016 йил

3-пейзаж

Уфқ ёноғида қадимий ғоза,
Тоғлар елкасида қаймоқланар шом.
Шамол боғ оралаб толиқмиш роса,
Мезон – фасл ичра адашган пайғом.

Хайём косасидек тўлиб борар Ой –
Сунбула шароби бормоқда тиниб.
Осмон – дарвозаси пинҳона сарой,
Биз уни топармиз тақдирга қўниб!



Шамол қўли билан тўкар олмалар –
Куз бугун кўп сахий, куз бугун Хотам.
Қушлар галасига маҳзун термулар
Муқимлик юкидан эзилган Одам.

13.09.2016

4-пейзаж

Қорлар ёғди кузак устига,
Тирқиратиб қувди зоғларни.
Совуқ, аччиқ шамоллар билан
Аллалади руҳи соғларни.
Ўриндиқда мунғайиб қолди
Узуқ-юлук сухбат, висоллар,
Давомийдир ойна ортидан
Интиқ боққан кўзлар, хаёллар.
Суур օқар кўчада бир зум:
Югурганда жажжи оёқлар.
Куз ёмғири маккора ва шум
Билар: беркинганинг қаёқقا...
Сарғиш, заъфар ранглар боладек
Суқилишар мезон бағрига.
Ҳар япроқда титрар бир ҳадик –
Куз шамоли минса қаҳрига.

18.10.2016 йил





5-пейзаж

Робита чироқлари қоронгудир...
Фўруғ Farrellzod

Яна ой чиқади, кумуш толалар
Унуттирас кундуз фироқларини.
Қора кимхоб узра сочганича зар
Тун ёқар робита чироқларини.
Шамол япроқларни кўтариб азот
Сочиб юборганда боғлар бағрига,
Тириклиқ ёғдусин таратиб бот-бот
Ой таҳсин ўқийди кузнинг сабрига.
Фасл таслим бўлмас аёз, шамолга,
Алам-ла чимчилаб ўтар елвизак.
Бир ташбех келади шунда хаёлга:
“Сен менинг қалбимга ўхшайсан, кузак!”

18.10.2016



ЧИЛЛА

Мен –
Ипак қуртиман,
Үйқамоқ түқидим ўзимга.
Хеч кимнинг нигоҳи тушмасин
Юзимга, руҳимга, рўзимга.

Толалар суғурдим оғзимдан,
Чирмасин озурда руҳимни.
Айбдор, ижрочи – ўзимман,
Яратган ёзгандир ҳукмни.

Мен –
Қисмат асири, биламан
Азалдан касбимдур шу юмуш,
Мени бу макондан бир замон
Эврилиш қутқарап, эврилиш!

12.09.2016



СОВУҚҚОН ШЕҮР

Дунё қоясига
Прометейдек
Занжирлаб қўйилган маҳкумдир –
Хаёт,
Тирикчилик деган ваҳший бургутлар
Унинг жигарини чўқигай бот-бот.
Зевс бургутига ўхшамас улар –
Оқшом келиб, учиб кетмайди тонгда.
Мудҳиш хаёллар-ла қийнайди тунлар:
Ҳаммаси битилган фармонда.
Ҳеракл, Ахиллес, ҳатто Алломиши
Енголмас – ки улар қисмат қушлари.
Кейин, бу Тақдирнинг ҳукмидаги иш...
Ҳукм ёдга тушса, учар ҳушлари.
Кўк яна элчисин йўллар баногоҳ,
У ҳам ўз юмушин кўрмагай баҳам:
Занжирларни узар – кўхна Ер гувоҳ,
Сўнг олар Ҳаётни, бургутларни ҳам.

12.09.2016




ТАСАВВУР САРХАДИ

Осиёнинг қадим кенгликлариға
Қари аждаҳодай ястанмиш Ҳисор.
Қорайган даралар, дўнгликларида
Уни пойлаётган қанча овчи бор.

Қанча ботирлар бор – елқадор, башанг,
Аждар үлдирмоққа гүё яралган.

Минг йилки, тошларни тарошлаб беун
Ганжина излаган жони ҳалаклар,
Жондор терисидан этик киймок-чун
Навбатга тизилган тантиқ малаклар.

Чимирилган қошлар, тиржайған юзлар,
Нафсиға қул бўлган буюқ шўрликлар.
Горларнинг бўғзига сиғмаган бўзлар,
Аждар ҳам чидамас азим хўрликлар.



Оҳ, шўрлик одамзод, нафсининг қули,
Қани, аждарни ҳам олсанг кишанлаб.
Циркка етакласанг – ўнг келиб йўлинг,
Сени кутар қанча томошаталаб...

Шу онда узилар мудҳиш хаёлим,
Идроким жонланар вақт ўтиб пича:
Улкан аждаҳонинг бели мисоли
Тўлғаниб қўяди Тахтиқорача.

12.09.2016



ГЛОБАЛЛАШУВ

Инсоният кексайиб борар,
Унут бўлар эзгу шевалар,
Ғичирлаган шохларда ўсар
Заҳар эмган тахир мевалар.

Гуноҳ ичган хаста тупроқда
Урчиб борар касал қавмлар.
Дарёларда қон оққан чоғда
Очилгандай эски заҳмлар.

Уммат тўзғир, қораяр қуёш,
Кўринмайди осмон йўллари.
Фитналарга беролмас бардош
Валийларнинг тоза диллари.

Нури қочган кўзлар қувнамас
Кўрган чоғи ёғду рақсини.
Танимайди энди бирор кас
Ойнадаги совуқ аксини.



Шерлар тоғда чүпонлик қиласы,
Бургутларга қафас етмайды.
Озод қолган фақат бүрилар,
Лек замонга тиши ўтмайды.

Кисқармоқда кунлар, тобора
Олислашиб осмон роҳлари.
Сезмаяпмиз, бошлади нураб
Одамзотнинг суюнч тоғлари.

12.09.2016

БИР ШОИРГА

Эй, шоир, дардларнинг зурёди шоир,
Хижронни ҳижжалаб қизармиш кўзинг.
Бирорта байтинг йўқ қувончга доир,
Бир телба топилса – у сенсан, ўзинг!

Кундузни елкалааб тунга чопасан,
Сочилиб қолади вақт парчалари.
Ўйлагин, оромни қайдан топасан,
Бир кун нур сочарми баҳт дарчалари?

Унсуринг ҳаводир, билсам-билмасам,
Гоҳо бир оз мақтов кифоядир, бас –
Суур Буроқида кўкка учасан,
Танга топган қулдай оғзинг ёпилмас.

Тўзғин дафтарларинг ўқирми бирор,
Замон дафтаридан ўчмасми номинг?
Бир кун зурёдларга бўлмагайми ғов
Эсланган номингу, кечиккан шонинг?

Сен асли ғуссанинг тўнғич фарзанди,
Бахтнинг асрандиси – ўзинг, огоҳ бўл.
Токи руҳинг озод, эмассан банди,
Тахт сенга интизор – қисматга шоҳ бўл!

13.09.2016

ЖУРЬАТСИЗЛИК

Деразам ортида – ҳислар түлқини,
Деразам ортида - қорайган маъво.
Деразам ортида – зулмат ёлқини,
Деразам ортида – ғалати дунё.

Деразам ортида – ғамгин боғлар бор,
Деразам ортида – уйқусиз қушлар.
Деразам ортида – тун бор вафодор,
Ундан изн кутар қанотли тушлар.

Деразам ортида – тилсиз тилсимлар,
Деразам ортида – сўзсиз сўроқлар,
Чақмоқ бурдалаган тун чоршафига
Юлдузлар ўлчаган улкан қуроқлар.

Деразам ортида – мажхул дунё бор,
Мен унинг нисбатин англаёлмадим.
Кирқ йил куттириб ҳам, қилмадим

қарор:

Иккиланмай уни танлаёлмадим!

13.09.2016



УМР ТАВСИФИ

Умрим –
Учиб бораётган тош,
Вақт қуюни чиқармас сасин.
Кул қилади урилса, Қуёш,
Хўмраяди Замин дарғаси.

Умрим –
Учиб бораётган тош,
Қай манзилни борар қоралаб.
Ё ҳечлигин этаётир фош –
Учаётган тошлар оралаб?


13.09.2016



ЛАБИРИНТ

Умр лабиринтга ўхшайди жуда –
Бир йўлак якуни – иккинчи йўлак.
Адоғи кўринмас девор ичида
Чиқмоқقا йўл истаб, бўласан ҳалак.
Аммо лабиринтни бўлмайди енгиб
Бунда ожиз ҳатто тафаккур кучи.
Метин деворларга беаёв сингиб
Кунларинг гал кутар соврилмоқ учун.
Сўл томонинг девор, ўнг томонинг ҳам,
Оёғинг остида ранғо-ранг тошлар.
Ёнгинангда сенга бўлганча ҳамдам
Борар ёрилган ё ҳам бўлган бошлар.
Яралмоқ хаёли, англаш азоби,
Истаклар қутқуси бўлганида жам,
Руҳингда чайқалиб узлат сабоги,
Унутиб қўясан бунда исминг ҳам...
Тангри ҳар синовдан недир кўзлагай:
Пинҳон тутар эркнинг ложувард йўлин.
Умр – лабиринтдир, узоқ излагай
Йўлакларда сени халоскор Ўлим.

18.10.2016 йил



ТАЛҚИН

Ойпараст сув Ой соясида
Тинглаб ётар Тун фарёдини,
Вақт олади ҳимоясига
Шу лаҳзанинг учқур ёдини.

Сой юзига юлдузлар акси
Тушган чоғи уйқуси қочиб,
Сувпариilar соғиниб рақсин
Сув бетига чиқишар шошиб.

Тун бағрига тиф урар фусун,
Тўкилади қоп-қора қони.
Жароҳатга Ойни босар Тун
Кийналмасдан сира виждони.

Сувпариilar тинади ногоҳ,
Шу лаҳзада узилар эртак:
Шаксиз, Аёл жинсидандир – Моҳ
Ва шубҳасиз, Тун эди – Эркак.

23.10.2016 йил



ҚАЙҒУ

Тенгликни қулатди аср совуққон,
Дунё гигантлари тизилди сафга –
Замин неъматларин тугатиб инсон,
Олис сайёрани олар ҳадафга.

Оlam жим кузатар Шомнинг шомини,
Нажот кутмай қўяр шўрлик гўдаклар,
Нажот кутмас энди, она сутининг
Таъмини тотмайин ўлган буваклар.

Фарёд-ла алмашар ойдин қўшиқлар –
Малайлар Иблисга қилганда хизмат:
Эзилган қурсоқлар, қуйган бешиклар,
Ўқ теккан белларда йиғлайди уммат.

Таланган шаҳарлар, хўрланган ҳурлар,
Кўзга қон тўлдирган мудҳиши лаҳзалар,
Шомни ўтгай каби четлаган нурлар,
Юракни иккига бўлган ларзалар.





Дунёнинг ярмида ҳукмрон уйқу,
Хеч кимни чўчитмасadolat куни,
Шаҳар номи қолган вайроналар-у
Бепарво топталган гулларнинг хуни.

Энди юракларга солмагай даҳшат
Бетонлар остида ёрилган бошлар,
Учоқлар ўтсалар солишиб ваҳшат,
Умумқабрларда инграйди лошлар.

Ўққа учиб ўлса умматнинг ярми,
Қолган ярмин мағлуб этгуси ҳашам:
Тўплам қилар ноёб машиналарни,
Дунё гўзаллари ҳарамида жам.

Уларга хуш ёқар – ўлжасин тутган
Бургут тумшуғидан сачраган саслар,
Олтин саройларда оёқларига
Мушукдек суйкалиб яшар йўлбарслар...

Оlam қалқонига тушаётир дарз,
Кўтарилиб борар баҳрлар сатҳи.
Энди елкаларни букчайтирмас қарз,
Унутдир инсонга азалий аҳди.



Шомни ямлаб борар ҳасад олови,
Удир – офат сочган шүрлик Ғазога.
Үшадир – хотинлар “ох”ига бефарқ,
Эрларни йўллаган мудҳиш қазога.

Маъносиз боқишига кўникар кўзлар –
Дунё тўлганида зулмга, додга.
Нафосат жон берган ул мудҳиш маҳал
Кўл силтагинг келар адабиётга.

...Яшил сайёрани юрар айланиб
Миллион йилдирки, Қобил отган ўқ.
Бу ўқ тинар фақат жонга жойланиб,
Кўксин тутиб берар бирорта мард йўқ.

23.10.2016



ЧИСТОН

Сендан сенлик чиқса, мендан –
менлигим,

Ойдин йўл тиласа қисматнинг ўзи.
Висол ва фироқнинг оний tengлигин
Илғамасди ҳатто осмоннинг кўзи.

Аммо, не чора бор? Умр эртакмас,
У – шунчаки умр, бунга кўн, ишон.
Шоирлар айтгандек, достон ҳам эмас,
Умр деганлари – жавобсиз чистон.

28.10.2016



БИР ТҮЙФУГА БАҒИШЛОВ

Эркингни қайтармоқ фурсати етди,
Шундоқ ҳам қалбимда яшадинг узок.
Ришталар мезондек учди-ю – кетди,
Рангинлик ўрнида фақат қора, оқ.

Тош қотиб боради күнгил негадир,
Үтинчлар армандир, күз ёшлар – ҳавас.
Рұхни чулғаб олган лоқайдлық надир,
Бу қолип ичида юрган мен әмас!

Гоҳида хотирам тикланар әлас,
Лаҳзани ёритар инжа хаёлинг.
Ногоҳ етиб келса, нур бўлар абас –
Ёшлик боғларининг беғам шамоли.

Қафасни кўрган қуш тузоққа тушмас,
Бор, шаффоф дунёлар муштоқ васлингга.
Бу қалб энди сенга муносиб әмас,
Зотан, қайтолмайсан сен ҳам аслингга.

28.10.2016

ЎЗИМГА

Туйсанг – ҳар лаҳзангда
Битта Мўъжиза,
Сен уни жонингда
Асраб яша, суй.
Ўзингни билсанг гар
Ношуд, ожиза –
Шу лаҳзада тинар
Руҳингдаги куй.
Туйсанг – ҳар лаҳзангда
Битта Мўъжиза,
Мўъжизалар ичра
Умрингдир талош,
Тоқатинг тоқ бўлмас
Режалар туза,
Асл афсунгарсан –
Сабрли, юввош.
...Туйма – ҳар лаҳзангда
Битта мўъжиза,
Ожизлик – бебаҳо,
Мўъжиза – текин.
Ҳаёт овозингни
Эшитар зўрға –
Сен ҳануз ҳаққингни
Сўрайсан секин.

28.10.2016



ХРИЗАНТЕМА

Пайдар-пай сўнади
Оқшом нурлари,
Чўккалайсан эркни
Унутган қулдай.
Куйдириб дунёнинг
Жами гулларин,
Тун очила бошлар
Қоп-қора гулдай.
Ифори сезилар
Ойна ортидан,
Шакли сал танишдир,
Айт, исми нима?
Соялар қувлашган
Девор ортида
Очилар баҳайбат
Хризантема.

28.10.2016

АСРОР ДЕНГИЗИ

Нодира Афоковага

Асрор денгизидай чайқалар кечә,
Дараҳтлар силкинар сархуш, телбавор.
Хой денгиз, сенга ғарқ бўлганлар неча,
Умрлар қаршингда ҳамиша noctor.

Қоп-қора тўлқинлар ёвдай бешафқат,
Уйларга киравкан бостириб ногоҳ,
Яна эрмаклайди руҳингни қисмат –
Денгизнинг ўзидан сўрайсан паноҳ.

Манзили номаълум – маёқ бўлолмас
Умринг гулханининг ўти, дудлари.
Чексизлик бағрида милтирас маъюс
Юлдузлар – осмоннинг ёнарқурлари.

Шамол – далли соқий, узатаркан май,
Ўчади ёдингдан соғлигу шаънлар,
Изтиробнинг чигал ришталаридай
Чалкашиб кетади меридианлар.

...Нариги қирғоқни ёритар недир,
Ё қанотин тараб, кутмоқда Ҳумой.
Аёл журъатидай бесас, бегидир –
Асрор денгизидан сузиб ўтар Ой.

10.07.2016 йил



ШОИРНИНГ ТҮЙИ

(*Пушкин таваллудига*)

Эврилиш гоҳида замонга ҳам хос.
Гарчи тирилмоққа фурсат бор ҳали,
Масиҳо нафаси етгандек бехос,
Жонланиб кетади шоир ҳайкали.

Тикилади барча ҳайкалларга хос,
Навниҳоллар билан түлган майдонга.
Үйлар: “Мухлисларим эслабди бехос,
Бари келаётир түғри шу ёнга”...

Жингалаксоч бошин чайқаган маҳал,
Шамол келтиради денгиз сасини.
Бошини ғуур-ла тутган ҳар гўзал
Эслатади унга Натальясини.

Гарчи қалб оловин ўчиролмас май,
Кифтидан ололмас иғволар юкин.
Талотўп замон-ла келиша олмай,
Мунғаяр бир четда кибор Онегин.

Фуллар сочилади шоир пойига,
Шаънига ёғилар мақтов, олқишилар.
Унга ачингандек боқишар нега
Майдонда тунаған кекса дарвешлар?





Юксак рух әзилар чапак остида –
Шоир шұхратини күришар баҳам.
Севги күтариған Замин устида
Пайдо бўлар ногоҳ Татьяналар ҳам.

Оёқлар остида хун тусли гилам,
Чекинар Заминдан озурда ҳислар.
Кўзларини намлаб тупуги билан
Минбарга чиқади янги дантеслар.

7.06.2016



КУРАШ

Хаёт ов аслида, овчи-ю ўлжа
Ёнма-ён: ким қочар, кимдир қувлади.
Бири минг ҳадик-ла чимдиса майса,
Бири тоқат билан уни пойлайди.

Бири кўқда учар насиба излаб,
Бири унга боқиб лабини ялар.
Бири уюрини изласа бўзлаб,
Ортидан йўл солар яна бошқалар.

Магар овчи бўлсанг, шуни уқиб ол:
Таъқиб ожизни ҳам тўйдирад жондан.
Шунча кутганларинг бўлади увол –
Хужум қилар сенга мавҳум томондан.

6.06.2016





ЁМГИРЛИ ПЕЙЗАЖ

Чиғаноқ хўплайди найсон томчисин,
Боғлар соясидан Ой берар садо.
Борликқа таралиб денгизлар иси,
Хўрсиниб қўяди ёмғирли дунё.

Томчилар ҳалқобга отилар хуррам,
Орзиқиб термилар адашган баҳтлар,
Содик мулозимдек бошин қилиб хам,
Фармойиш кутади ботир дараҳтлар.

Бўм-бўш уяларга ҳайрон боқар тун –
Хўл бўлган қанотлар ортга қайтмайди.
Деразалар йиғлар одамлар учун,
Уларнинг кўз ёшин ҳеч ким артмайди.

14.05.2016 йил



САРИҚ АТИРГУЛ

Умрингни?
Билмадим,
Күнглингни асра,
Ҳар недан баланддир
Күнгил Каъбаси,
Танҳо маёғидан ажралар абад,
Кимсаким,
Йўқолиб қолса қибласи.

Соҳиба эмасман
Умру жонингга,
Билолмам ўйингда
Нелар борлигин,
Тушларимда кўрдим
Пушаймонлар-у
Сўнгсиз ғуссаларга
Сазоворлигинг.

Ошиқлар қалбida
Танҳо қўшиқ бор –
Уни ўзгаларга
Куйлатмагайлар,

Күнгил ҳарам асли,
Ҳарамга эса
Бегона кимсани
Бўйлатмагайлар.

Кўй, хато демагин
Тақдир ҳукмини,
Сўнгги ришталарни
Кесар нафратинг,
Тушун, айбормас
Гулноз шаклида
Бир сариқ атиргул
Тутган қисматинг.

14.05.2016 йил

БОЛАЛИК ЁДИ

Дадамга

Саратоннинг узун кундузларида
Тупроқ кўчаларни чангитиб бизлар,
Сўнг ўзни отардик ариқ сувига –
Талашиб толиқкан қақажон қизлар.
Күёшда гуллаган соchlаримизни
Шамол тортқиласа тенгқур шоввоздай,
Чўмилиб кўкарған лабларимизни
Кулгудан тиймасдик масхарабоздай.
Офтоб қуритгунча кўйлагимизни
Ўсма қўяр эдик тошлоқ қирғоқда.
Қизиқтирмас эди у дамлар бизни
Бу кенг олам узра нелар бўлмоқда?
Маймунжонлар ўсган тутзор ичида
Излаб бекинмачоқ ўйинига жой,
Савол берар эдик бир-биrimизга:
“Қизлар, кимнинг дадаси энг бой?”
Ҳамма ўз дадасин бой деб биларди,
Эшитмай бир-бирин хитобларини
Баравар сўзлашса дугоналарим,
Ўйлардим дадамнинг китобларини,
Китобларга тўла токчамизни ҳам.

“Менинг дадам энг бой!”

Бу хитоб ичимда янгарди фақат,
Фақат юрагимда берарди садо.

Заиф вужудимда етмасди тоқат,
Бўғзимга тиқилиб қоларди нидо.

Жанжални унутиб дугоналарим
Баравар сўзларди боқиб мен томон:

“Нега сен ҳамиша ўтирасан жим,
Менинг дадам энг бой демайсан, дугон?”

Силталаб ташлардим уларни бирдан,
Ўйиндан чиқардим юлқиниб, араз.

Ҳолбуки, йўқ эди ҳали чин дардим,
Ҳолбуки, йўқ эди кўнглимда ғараз.

Сўнг мукка тушардим китобларимга
Ҳамма мендан хафа, дея ҳойнаҳой.

Ўйимиз тўларди хитобларимга:
“Менинг дадам энг бой!”

Дадам, вазмин дадам, муаллим дадам
Собиқ қўрбошига эди набира,

Умр синовларда хўп тобласа ҳам
Нолимас, шикоят қилмасди сира.

Чироқсиз уйларда ҳис этдик балки
Муаллим касбининг асли нелигин,

Биз ухлагач, секин кўтарар эди
Дафтар текширмоққа чироқ пилигин.

(“Менинг дадам энг бой!”)

Дада, таскин излаб ҳоридим, рости,
“Энг”лар орасида сарсон умримга.
Қачондир етади қисматнингдасти
Юрак деб аталмиш ғамгин қумримга.
Болалик елдайин учди-кетди-да,
Осон унут бўлди ўша нолалар.
Лек ҳамон шовқинлар шундоқ
қаршимда -
Беғубор, беҳадик, нодон болалар:
“Менинг дадам энг бой!”

01.11.2016

ШОИР РУХЛАР

Кузак ёдга солар шоирлар руҳин,
Заминда жам бўлар шоир руҳлар ё?
Боғларда миллиард япроқлар охи,
Аламини тишида тишлайди дунё.

Осмонга тик боққан манави чинор
Руҳи эмасмикан Шавкат Раҳмоннинг?
Қара, хазонларга боқмайин зинҳор—
Қолган дарахтларга бермоқда таскин.

Кўҳна ҳикматларни уққан бу гужум,
Қошида унутиб қўйма таъзимни.
Бори диққатингни жамла-да бир зум,
Таниб ол Матназар Абдулҳакимни.

Юксакдан қарамоқ оғир ҳамма вақт—
Тикилмоқ оламнинг асл тарзига.
Яшаш учун кураш авжга чиққан пайт
Ким қулоқ солармиш шоир арзига?

“Манов баланд дарахт Чори Авазми,
Қадди тик—у ҳамон йўлдош ғууррга”
Десам, ёнгинамда яна бириси
Шовуллар айланиб Назар Шукурга.



Мана, бири турар паришон, ўйчил,
Бири Заминдаги мардлик меҳвари–
Ўйчили– Равшан Файз, бисоти кўнгил,
Яна Аъзам Ўкта– назм ахтари.

Манов бақувват тол – Муҳаммад Раҳмон
Ота юрти билан узмай орани –
Ўйчан кўзларини юммасдан ҳамон
Ўйлаб ётар азиз Палангдарани.

Манави оқтерак кимни эслатар –
Дўстларидай бўйчан, ўзбаки қомат.
Унинг ёди элни ҳануз йиғлатар:
Содда Муҳаммад у, содда Муҳаммад.

Анави мажнунтол Асқар Маҳкамдир,
Бошини эгдими инсонлик юки,
Бунда муқим турар бесас, бегидир –
Ринdlар суҳбатига етгандир, балки?

Шоир оғаларим, истагайман, бас
Руҳларингиз ором олмоғини, мен.
Оҳ, жуда истайман – кенгайишинмас,
Сафингиз шу ҳолда қолмоғини, мен.

2014-2016 йил





ДОСТОН ЯКУНЛАНГАН КЕЧА

*Ҳазрат Навоийнинг пок руҳларига
багишлайман.*

Ширин уйқу ичра гувранар Ҳирот,
Сарой ором олар, ухлайди авом.
Бу тун ҳам уйқудан воз кечар у Зот
Мажнун қиссасини этай деб тамом.

Бир ёнида Хисрав руҳи ўлтирад,
Бир ёнда сукутга чўмган Низомий.
Бу оламдан айро шоир ўй сурар:
“Боқийдир ишқ, гарчи одамзод фоний”.

Ҳирот чўчиб тушар қамиш оҳидан –
Якунламоқ азоб Лайло қиссасин.
Ҳазрат сўнгги бобга етган чоғида
Ўзга сиғдиролмай қолар ғуссасин:





Кўзёшга эврилар буюк андуҳи,
Қалбини ўртагай Қайс оҳи бўлиб.
Икки буюк устоз, икки дўст руҳи
Хонадан чиқишар ҳасратга тўлиб...

Шоир қисматида йўқ оромга жой,
Ухлайди Ҳиротнинг ёшу қариси.
Узун соchlарини тараганча ой
Ойнадан термилар илҳом париси.

Илло, Мажнун шу тун ўлмоққа маҳкум,
Дил аҳли, шоирдан чекманг ранж, гина.
Пок севги заминда қололмас бир зум –
Кўкка тегишли ул кўхна ганжина.

Кезар шодлигу баҳт – бари-бариси
Бу дунёning яқин-йироқларини.
Шу он кўзга сурар илҳом париси
Ҳазратимнинг озғин бармоқларини.

Шоирга лаҳзалик ором ўғирлаб
Келар, сўнг бошлайди эртакларини,
Шаффоф бармоғи-ла қўяр тўғирлаб
Яшил қабосининг этакларини.





У Шоир күзёшин артар бетиним,
Лек ўзи ҳам тинмай тўкар жолалар.
Илҳом парисини йиғлатар бу тун,
Достон якунига инган нолалар.

Нуқта қўйгач, чуқур хўрсинар қалам.
Чекиниб боради ҳижрон ва ҳасрат.
Лайли-Мажнун исмин эслаб дам-бадам
Таҳажжуд намозин бошлайди Ҳазрат.

07.03.2016



НИКОЛАЙ ГУМИЛЁВГА НАЗИРА

Ишқ түфондир, забтига олса
Фарқ бўласан зумда, қочолмай.
Ишқ тўзондир – ғазаби келса,
Яшагайсан кўзинг очолмай.

У – афсунгар, сиринг билади,
Бахтлисан, чап беролсанг магар:
Бир кафтида ғунча кулади,
Бировида ялтирас ханжар.





БИТИКТОШ

Юрагим –
Заминдаги сүнгги битиктош.
Қачонлардир уни
Үқиган Одам
Секин ҳижжаларкан
Исмингни,
Мангу сирим
Этиб қўяр фош.

12.11.2016

ТОҒЛАР СОҒИНЧИ

Кўзларимда
Тоғлар соғинчи,
Кенгликларга қафасдир
Рухим.
Кунларимнинг
Йўқолди тинчи –
Шохчаларда
Фуссанинг туғи.
Хувиллайди
Кузак сарҳади,
Боқ, уялар кетилган ташлаб.
Сўзламоққа сиғмайин ҳадди
Тун термулар юракни ғашлаб.
Тоғларини қўмсаб
Дил хаста,
Шивирларни
Ютаркан сукун,
Деразадан
Чорлайман аста
Қояларнинг
Ҳайбатли руҳин.

12.11.2016



ЯШМА

Осмон – улкан яшма,
Уфқ – унинг сирли гардиши.
Гардишнинг қай вақтда
Қандай товланиши
Худонинг иши.

Осмон – улкан яшма,
Тикилиб қарасанг,
Кўзларингни олар ёлқини,
Лекин сиғар тасаввурингга –
Талқини.

12.11.2016



ПАЙҒАМБАР СУВ ИЧГАН КОСАГА БАҒИШЛОВ

Биз қайдан биламиз, балки тунларда
Күз илғамас нурга ўралгандирсан,
Яратганга энг кўп саловот айтган
Дараҳт поясидан яралгандирсан.

Ул муборак дилни чулғаб оларкан –
Қутлуғ кечаларда ваҳий титроғи,
Балки бағринг узра намоён бўлган –
Фақат Расул кўрган ваҳдат булоғи.

Суратинг ҳайратдан тўлқинлар ясаб,
Йўллади қалбимнинг соҳиллариға,
Аzon-ла ёришган саҳарларида
Неча бор сув қўйдинг пок қўллариға?

Бахтлиси бўларкан нарсаларнинг ҳам,
Бир баҳтки, нур каби суюқ ва тоза.
Савобинг биз билан кўрақол баҳам,
Эй қадимий Сирдон, эй қутлуғ Кося!

03.12.2016

КОРАФСОНАСИ

Минглаган товушга тўладир кеча,
Музпарда ортида ухлайди сувлар.
Ой куйлар – зерикмай токи тонгача
Сочидан йўл эшар кўкда сулувлар.

Нурқадам юлдузлар афсонасини
Қаватлари узра сочаркан Осмон,
Аёзга ланг очиб дил хонасини,
Яна учмоқ ҳақда ўй сурар Инсон.

Булутларга қўнган улкан оққушлар,
Минглаган парларин сочмоқ қасдида
Тинмай силкитади қанотларини –
Қорлар ёғаверар Замин устига.

Қорга бас келолмас қисмат шамоли –
Ёпади умрнинг дарзи, доғларин.
Ўраб қўяр муnis она мисоли
Дарахтларнинг яйдоқ, хунук шохларин.

Фақат тонгга яқин қанотлар толар,
Теварак ранглари олади хушни.
Саноқли одамлар пайқашиб қолар
Ерга қўнганини улкан оққушнинг.

17.12.2016



НАСИХАТ

A.H.га

Сал букри бўл, тўғрисан жуда,
«Ғуур» сўзин ўчир имлодан.
Рост гапирма ҳуда-беҳуда,
Қутул виждан отлиғ балодан.

Аччиқ кулма, киноя қилиб,
«Сочи узун, ақли...» демагин.
Шу мақолни ўзгартаман деб,
Сочларимни қирқиб олдим мен.

Кел, омадга тутмасдан мотам,
Ўлтирамиз сокин – билгандай.
Фойдаси бор букурликнинг ҳам -
Кўринасан таъзим қилгандай.

17.12.2016



ҚИШ ПАРИСИ

Киш – соchlари кумушранг пари,
Нақ чўққида ўлтирган моҳтоб.
Қошларини чимирган сари
Кокилларин ўйнайди Офтоб.

Этагида жаранглар нуқра,
Балдоғида ярақлар биллур.
Кўйлагига қадайди тугма –
Тонг палласи икки қатим нур.

Дара унга хиёбон бўлар,
Ўрмон эса зумрад саройи.
Қор тинган чоғ товланар ял-ял
Аёздан ранг олган чиройи.

Учқунларга бўлганча ошиқ,
Тузиб чиқар сир имлосини.
Довуллардан тўқийди қўшиқ,
Куйлатганча тоғ дарёсини.

19.12.2016

ДЕКАБР ҚҰШИФИ

Эгни бошимда қор, юрагимда муз –
Қишки дала мисол күнгил ҳувиллар.
Туман пардасига дош беролмас күз,
“Хайдалиш күйи” деб шамол увиллар.

Бу кун дунёсига парвойим йўқдир,
Агарчи бой бердим кўп бор имконни –
Умрим зўр камондан отилган ўқдир,
Бир марта кўзлолгай фақат нишонни.

Минг шукур қаҳрига, шафқатига ҳам,
Ахир, хато бўлмас умр лавҳида.
Мехрни ёв билан кўрибман баҳам –
Ҳамон уқувсизман күнгил сарфида.

Лекин пушаймонга қолмади ўрин,
Ҳатто тақдирдан-да йўқ бугун гинам.
Аҳволим чорасиз:минг йиллар бурун
Қонимга ишқ заҳри тушган, дўстгинам.

Эгни бошимда қор, юрагимда муз...

22.12.2016



ДЕКАБР БУЛУТИ

Декабр булути
Укпардан ясалған кемадек
Оҳиста сузади самода.
Унда фаришталар
Сайр қилишар
Зарра из қолдирмай ҳавода.
Дарёлар, денгизлар –
Заминнинг ложувард кўзлари
Тикилар тескари уммонга,
Кечиб илдизидан,
Муқимлигидан,
Дарахтлар қўл чўзар осмонга.

25.12.2016



БОШПАНА

Бугун Кичик Шаҳзода мисол
Ўзимга бир дунё тикладим.
Билмайман, устига эҳтимол
Зилдайин осмонни юкладим.
Сўнг ном бердим унга “Маҳрумият” деб.
Қайтганингда, кўз-кўз қилдим
Сенга дунёмни –
Кўзларингга қўнди ҳайрат сояси.
Нега, ахир?
Сенга тегишли-ку аслида
Бу янги дунёнинг ғояси.

25.12.2016



“Мен” – бир чирок,
Унда қирқ йилки
Бир дев яшар – хизмати ҳалол,
Уни банди этгандир Тангрим,
Халоскори Сенсан, эҳтимол...

“Мен” – бир осмон,
Уфқида унинг
Ҳар лаҳзада чўғланар шафақ –
Сўнган вулқон сўрайди хунин,
Қушлар уни этадилар тарк.

“Мен” – тубсиз чоҳ,
Ёлғиз, арқонсиз
Тушаяпман, билай деб сирин.
Чоҳ ичига аллақаердан
Шивалайди қайғу ёмғири,
Шивалайди қайғу ёмғири...

30-31.01.2017

ХАҚПАРАСТ ШОИРГА БАҒИШЛОВ

Бир оз шоҳдирсан-у, бир оз гадосан,
Ҳеч кимса сезмаган янги даҳосан,
Ғамни ўзга тортар оҳанрабосан,
Мудом қўл чўзасан олов-оташга.

Боқсам, икки қўзинг – икки гирён дўст,
Дунёси бир камдир, битмас каму қўст,
Гоҳо қўзни юмиб ўтмоқ ҳам дуруст,
Ростгўйлигинг билан тегмагин ғашга.

Бошинг тик, аларга итобинг керак,
Бўйсунмоқ йўлинда шитобинг керак,
“Гах” деб қўлин тутса... жавобинг керак,
Биламан, ўзингни урмайсан пастга!

Аслан юлдузсан-у, осмон билолмас,
Сен-ла тўқислигин макон билолмас,
Шул сўқир мунажжим – замон билолмас,
Билса, шу ондаёқ шайланар қасдга.

Бир оз шоҳдирсан-у, бир оз гадосан,
Ҳурлик соғинчисан, тирик видосан,
Соҳибин юксакка элтган нидосан,
Чекига ёлғизлик тушган даҳосан.

19.03.2017

ХАЛҚОНА

Макон қадри йўқдир – кетилмагунча,
Умр арzon мато – титилмагунча.

Кўнгил оғриғидан ғофилмиз тамом,
Кўнгилнинг бир чети катилмагунча.

Ҳеч кима кўрсатма ёшли кўзингни
Ичингдаги исён етилмагунча.

Илдам юр – билинmas йўлнинг оғири
Охиргача босиб ўтилмагунча.

Оломоннинг исми халқ бўлmas, ундан
Бир жўмард ўртага отилмагунча.

Элнинг манглайидан ўчmas эрк сўзи
Шоири шуҳратга сотилмагунча.

**катилмагунча – кемтик бўлмагунча
(шева)*

26-28.04.2017



АПРЕЛ ОСМОНИГА БОҚҚАН ШОИР ТАСАВВУРИ

Денгизни эслатар апрел осмони –
Кўзингни олади мовий тиниқлик.
Унга боқиш асли ўсмоқ имкони –
Шу онда унутдир қуллик, синиқлик.

Хув анави булут – улкан тошбақа,
Ортидан боласи эргашиб олган.
Юнусбалиқ сузар ёнида, унга
Адашган денгизчи мингашиб олган.

Анов булутчалар – денгиз отлари,
Гўё шамол билан ўйнашар пойга.
Митти балиқларнинг шўх-шаддотлари
Бирдан шўнғиб қолар энг чуқур жойга.

Хув анов томонда учта медуза,
Шамол туриб қолса, учар қутлари.
Анов тарам-тарам булутлар эса
Тўлқинда солланган денгиз ўтлари.





Айтсам, бу денгизда мүъжиза бисёр,
Сенга қай бирини таърифлай яна?
Қара, билагига тақиб жавоҳир
Сузиб бораётир улкан Ундина...

Айниқса, недандир оғринганимда,
Айниқса, бирлашса дардим, кам-кўстим.
Айниқса, кўзингни соғинганимда –
Апрел осмонига қарайман, дўстим!

*Ундина – сув қизи

28-29.04.2017



ИЗҲОР

Бу табассум – ёлғон, ишонма,
Алдамоққа ўргатди йиллар.
Улушинг бор бунда, қўй, тонма,
Титрамасин қўлингда гуллар.
Куригандек кўзлар денгизи
Йигламоққа етмайди кучим –
Шўр томчилар руҳимга сизди,
Тошчаларга лиқ тўлган ичим.
Йиллар гўё жанг аробаси –
Фидирақда умрлар нимта.
Зумда янграр “Урҳо”лар саси
Ва яшиндай ўчади зумда.
Билолмадим... ғалаба недир,
Лек осмонга боқдим умидвор.
Кун Қуёшга қараб бегидир,
Тунда Ойга сўз қотдим минг бор.
Қара, осмон қандай мукаммал!
Жўн туюлар бундай чоғ видо –
Қалбимизни миллиард йил аввал
Ой тошидан ясаган Худо!

16.05.2017

САРКАШ ХАЁЛЛАР

Айролиқдир умрнинг оти,
Йил, ой, кунлар, соатлар – видо.
Ошсин дея ҳажр сифоти
Бизни Ерга ҳайдамиш Худо...

Томирдаги қон әмас, бода –
Таъмин берган тақиқ олмаси.
Ундан құйсам Тун косасига,
Париларнинг келар ҳаваси.

Хануз Сенга етмоқ матлабим –
Ёғдуларга узатаман қўл.
Тун бағрида оқ илон каби
Ўрмалайди Ой ёритган йўл.

Фурсат – азоб, ўтади жондан,
Сўнгагимда йиғланмас йиғи.
Умрим узра билмам, қачондан
Ҳилпираиди дилсизлик туғи?

Ичимдаги аёл руҳини
Бир замонлар қўйдим ўлдириб.
Фано жоми қўлимда маним,
Энди майдан қўйинг тўлдириб!

22.05.2017



МАШҚ

Биза бир савдо керак,
Ё магар ғавғо керак.

Соврилмак йўлларинда
Бўлғали барпо керак.

Рух қушига ушбу дам
Бир тоза маъво керак.

Боқмасмиз чечаклара –
Ки биза ҳулво керак.

Ғам селида оққан ул
Танҳомиз – танҳо керак!

Бу Кеча Юсуфига
Ойдек Зулайҳо керак.

Умр бир ўқдир, отилгай –
Анга лойик ё(й) керак.

Аввалам пайдо эдик,
Охирам пайдо керак.

04.06.2017 йил

ТАҚСИМОТ

Хар ботин қулоққа уйғотгувчи сас,
Хар бир озод рухга күрінмас қафас,

Хар бир юрак учун адексиз жунун,
Хар ишқ қиссасига биттадан Мажнун,

Хар ғам дарёсига – бўлмаслик адо,
Хар бир тийрандозга – бўшамас садоқ,

Хар баҳтсиз Султон*га – топилмас илож,
Хар битта Чингизга мингта Яловоч,

Хар ёлғиз дарахтга бир уядан қуш,
Хар битта умрга бир баҳтиёр туш,

Хар хаста маконга бир ғарип оғоч,
Хар ғарип оғочга ўсмоқ – минг қулоч,

Хар қулочда олсин баҳтдан бир қисм
Десак,adolatli bўлади тақсим.

*Жалолиддин Мангуберди назарда
тутылмоқда.

04.06.2017 йил

ТИЛАК

Бир инжа чечакнинг япроги бўлсам,
Бир пинҳон чашманинг қароғи бўлсам,
Бир ғариб ватаннинг тупроғи бўлсам.

Афсонадан қочиб чиколса сирлар,
Фор ичинда гулхан ёқсалар пирлар,
Кафтигма жаранғлаб тушса ёғмурлар.

Ёғдулар илкида само гулласа,
Хубоб жилвасинда дарё гулласа,
Жаннат боғларинда Тубо гулласа.

Ҳар оғочдан келса тирилмак иси,
Қушлар нағмасида учмоҳ муждаси,
Унутсан Ҳасратнинг қари шевасин.
(Гўёки бўлмаған тақиқ меваси).

06.06.2017 йил

НОКТЮРН-1

Сендан кетганларга ачинмайсан ҳеч,
Нималар келмайди хаёл-хушиングга...
Қиличидан олов сачратиб ҳар кеч
Бирсийна аёллар* кирап тушингга.

Ёриб юборгудек томирларингни
Бир шаккоклик изғир қонингда бетин.
Икки дунёдаги умрларингни
Ўйлаб дейсан: “Мен ҳам фаришта эдим...”

Лабларингни тутар табассум хуни,
Сиришк соғинчида ёнар қўзларинг.
Нафасинг сиқилар, лекин бўғзингни
Тошдек чангалидан қўймас сўзларинг.

Бирдан қўл силкийсан ҳамма нарсага:
Шу лаҳзада руҳинг қайсар ва беор.
Юрагинг ... умрингни солиб ларзага
Итоат меҳварин бузмоққа тайёр.

Сен билан ўзининг ўртасидаги
Муқаддас ипларни узаркан дунё,
Дубулға-совути ярқираб янги
Бир қўрс Амазонка бўлади пайдо.

*Амазонка аёллар назарда туттилмоқда.

13.06.2017



СУРАТ

Митти бармоқлари орасидан
Қүёшга қаради болакай.
Сүнг қиқирлаб кулганча
Осмон, Қүёш,
Дарахтларнимас,
Үзини ўргана бошлади.

05.07.2017



СҮЗЛАР СОФИНЧИ

Гунаш*, гунаш!
Күйдир күзимни!
Үт ичинда күрай ўзимни.

Күк, умримга тарат мовийлик,
Ёр, дунёдан бир зум совийлик.

Аё ёғмур, шаффоф зўлдирсан,
Биз кутгандан тоза, мўлдирсан.

Аё оғоч, кўкарчин байтсан,
Тонг, Буюк Ёр жилмайган пайтсан.

05.07.2017

*Гунаш – қуёш



ТАХМИН

Сен – чўққисан,
Мен эса – вулқон.
Собит бўлсанг
Отилмам балки.

05.07.2017



БОСИНҚИРАШ

Бир пас мизғиб, туш күрдим,
Таъбирини ким айтар?
Елиб борарди тулпор,
Ит деди: “Ортга қайтар”.

Содда Полвон – Айиққа
Тулки тортди шапалоқ.
Бүри думидан тишлилаб
Хүтиқ отди шаталоқ.

Шоқолга бўлди тайёр
Зар ипакли фойтуналар.
Шерга тупук сачратиб
Иргишилади маймунлар,
Иргишилади маймунлар.

Ялаб кўрди билай деб
Илон болнинг тотини.
Бир тўп қарға қагиллаб
Юлди бургут патини.





Мушук келса миёвлаб,
Зоғлар қувлади: “Пишт-ей” –
Чирсилларди товада
Сўнгги булбулнинг гўшти.

Учук тошиб уйғондим,
Тушим чап келсин, туф-туф...
Лекин чапак чалганлар
Атрофимда бунча кўп?!

05.07.2017



СЎЗЛАРНИНГ УНСУРИ

Сўзларнинг ҳам унсури бордир:
Бири айтилганда
Юрагингни кўйдиради
Олов мисоли!

Бири таскин бўлиб янграгай –
Сув сепади оловга.

Яна бири тупроқдай хоксор,
Босиб ўтиш мумкин bemалол.

Яна бирин унсури – Ҳаво:
Усиз тугар ҳаётинг, бироқ
Кўринмайди ўзи мутлақо.

05.07.2017



БОРЛИҚ ГЕОМЕТРИЯСИ

Синиқ чизиқларни хуш күрар чақмоқ,
Айланани севади ёмғир.
Чизмалари мудом ранглидир –
Камалакнинг юки сал оғир.

Кесма ясаш – дўлнинг ташвиши,
Ўйламайди бошқа ғояни.
Чизмалари нозик, тартибли –
Кор ёд билар симметрияни.

05.07.2017



ТАҚРИЗ

Бу шоир,
Виждони уйғониб қолмасин
Учун –
Ухлайди китобин
Кўксига босиб.

07.07.2017



НОКТЮРН -2

Синглим Нодирабегим Ямоловага

*Две женщины живут во мне.
Страдают – обе.
Людмила Клочко*

Икки аёл яшар ичимда:
Бири тонгда туриб кайфи чоғ,
Күшчаларга қўшилиб куйлар –
Гўё қайғу бўлгандек адо.

Уни ҳар кун кутишар шодон
Маскарадлар, шоу, сұхбатлар.
Атрофика солади сурон
Қаҳқаҳага тўймас улфатлар.

Туш ҳам кўрар ҳаммага ўхшаб:
Таъбирлари юзаки, содда.



Рұхыда ҳам ўт әмас әнди,
H₂O аталмиш модда.

Оқшом чўкса, ойна олдига
Мукка тушиб, бошлайди йиғи:
Шунда чиқар вужудқолипдан
Унинг қари, рангпар шериги.

Бири боқар ҳасрат-ла, бири
Кулар эски девоналардай.
Сўнг иккиси қучишар, узок
Кўришмаган дугоналардай.


08.07.2017



ТАВСИЯ

Севган кишим
Мени пайқасин, десанг,
Оёғига үралашма –
Сал олисдан,
Сал баланддан
Жимгина кузатиб тур.

08.07.2017



АКСИОМА

Шоира қиз воз кечди
Табиатшунос ошиғидан,
Кўриб қолгач унинг уйида
Қуритилган капалакларни.

09.07.2017

ТОҒДАРЁСИ

Азалдан сал ёввойи, чеккагирман, айб
этманг,
Мағлубман ё музаттар – савошим
үзимники.

Тонг нури силаб берган, парилар тилаб
берган,
Сувсумбул йиғлаб берган күз ёшим
үзимники.

Тоғ дарёси музламас, бекор уринма, ағёр,
Муз чүккү узра кулган қуёшим ўзимники.

30.07.2017 йил, Чироқчи.

ДАШТДАГИ ЙЎЛОВЧИ

Кун тифида кўнгилдай ҳувиллайди
кенгликлар,
Куёш ялаган даштда жазиллайди
саратон.
Ҳисобимга ўтсин деб ўрлар, сойлар,
дўнгликлар,
Минг кўзли элагини қирларга тутар осмон.

Гармселлар гард сочган чашмаларнинг
кўзига
Разм солиб қарасанг, хуркади балиқлари.
Шомда урилар бориб нақ шафакнинг ўзига
Саратон дарёсининг оловли қайиқлари.

Яккам-дуккам дарахтлар пирларнинг
арвоҳидай
Бир-бир ўтар ёнингдан: бор сени ҳам
кўлловчи,
Буни англамасанг бас умрнинг адогида,
Эй, осмон элагидан тушиб қолган йўловчи!

06.08.2017 йил.



ФАЛСАФА

Күз ёши – ягона қуроли аёлнинг:
Гоҳи жуда мўрт ришталарни
Асрай олар қисқа муддатга.
Күз ёши – ягона қуроли аёлнинг:
Севги бўлмаса-да, ҳарқалай
Юракда ачиниш уйғотар.
Таъми шўр бўлса-да, ҳартугул
Пасайтирас ғазаб ўтини.
Ягона қуролин йўқотган аёл
Шуларни ўйлади
Ғазабнок бир эркак қошида.

10.08.2017 йил



ТОНГ

Аёл қарамасдан чой узатади,
Эркак ундан ҳўплар индамай.
Ўзини нокулай сезган сукунат
ТВ пульгин олар қўлига:
Маъносиз сериал давом этади,
Аёл уни кўрар (йўлига).

Эркак янги газетадаги
Эски хабарларни жим ўқий бошлар:
Оғирдир бу ёшда араз ё талаш.
Хонтахта устида митти шайтондай
Хушнуд депсинади ёвқараш.

10.08.2017 йил.

КЕМА ҲАҚИДА ИККИ ТУШКУН ШЕЪР

Туннинг бедор кўзида
Бир савол: “Умр нима?”
– Тириклиқ денгизида
Улоқиб юрган кема.

Тўзғиган елканларин
Эрмаклайди шамоллар,
Сув қизларин сочидек
Узун эрур хаёллар.

“Борми бизни кутганлар?”,
Дея этолсанг нидо –
Қалбингдаги мозордан
Марҳумлар берар садо.

Шишага мактуб жойлаб
Сувга ташла, элтар сув.
Содик ошиғинг – гирдоб,
Сени йиллаб кутар у.

Тош каби оғир бошинг,
Бу қандайин ҳолсизлик?
Синдиради бардошинг
Рухингдаги ёлғизлик.



Кема эдим, боримни ортиб
Сузар эдим уфқа томон.
Қисматимнинг риштасин тортиб,
Гоҳо довул йўллади осмон.

“Сархуш кема”* мисол чайқалиб
Тўлқинлар-ла талашиб узок,
Туманлардан ўтдим сирғалиб,
Кўп ёритди йўлимни чақмоқ.

Дўстим бўлди сув жонзотлари,
Парилар ва алланималар.
Хижжаладим кўхна отларин –
Қалқиб чиқди чўккан кемалар.

Сўнг уларнинг бирида ногоҳ
Дўст исмини кўрганим ғалат.
Кирғоқ, мени кутмагин, қирғоқ,
Энди менга азиз бу узлат.

13.08.2017

*Артур Рембонинг шу номли шеъри
назарда тутилмоқда.

ВАҚТ ВА МЕН

Атлант қадами-ла кетиб борар Вақт,
Ортида баҳайбат оёқ излари.
Чопаман ортидан, чопаман фақат,
Қадамларин санаб толар күзларим.

У юксак тоглардан ошади осон,
Бир ҳатлаб ўтади дарё устидан.
Унга ўтлок бўлиб туюлар ўрмон,
Дарахтлар майсадир унинг дастида.

Ўтар қасрлардан, мағоралардан,
Гил изин ёпади, ювиб кетар сув.
Қулоғин беркитиб олар дафъатан
Урушлари тинмас манзилларда у.

Ҳайбатидан қўрқмас бирорта одам:
Кўзлари қалбини этиб қўяр фош.
Софдил паҳлавонни қувватлаб ҳар дам
Ой йўлин ёритар, нур сочар Қуёш.

Атлант қадами-ла елиб борар Вақт,
Мен унинг олдида гарчи йўқдайман,
Изидан қолмасман, билдирманг фақат:
Ортига қараса – мен ҳам тўхтайман.

14.08.2017 йил

СИРДОШ

Изтиробу ўйларим мубҳам,
Хаёлимдан кетмаслар нари.
Ёниқ турар тунда деразам
Девнинг якка кўзи сингари.
Қалам, қоғоз, талай китоблар
Ва гулдонда август берган гул,
Ташқарида дайди хитоблар...
Ёлғизмасман бунда ҳартугул.
Тақиллайди ойна қўққисдан,
Топилдими мен кутган надим?
Ой нур тарап жуда олисдан:
Ким ёритди менинг узлатим?
Ҳаётимга боқиб яқиндан,
Сирларимни ўқимоқчи ким?
Гуноҳкорни қидириб бирдан
Деразани очиб юбордим:
Шунда тун бағрига сурилиб
Тортди узун-узун ҳомуза.
“AKFA” деразага урилиб
Қанотлари лат еган Музा.

21.08.2017 йил



АВГУСТ

Марина ЦВЕТАЕВА хотирасига

Тугаяпти август, Марина,
Астралар ҳам гуллади қийғос.
Биз томонда митти мевалар
Яккам-дуккам ўсади, холос.

Боғлар қўнғир, сувлар тиниққан,
Завқ-ла сузар августнинг ойи.
Фақат менинг рангим синиққан,
Истакларим мавҳум, савдойи.

Айболмайман сени, Марина,
Бой берувдинг ҳамма имконни.
Тушунолмай доғдаман сенга
Арқон туттган қотил замонни.



Август бағри тұладир сирга,
Чекингандек рутубат, күз ёш.
Аниқ күрдим, уфқ ортига
Үтар әдинг – кафtingда Қуёш.

Август адо бүлгани сайин
Шеърларингга талпинар юрак.
Мен-ку сени кечирдим, лекин
Кечиролмас үзин Пастернак.

21.08.2017 йил

АЛАМ

Мъянма ичмоқда уммат қонини,
Ғўдаклар бўйнига арқон солинган.
Кулиб олмоқдалар одам жонини,
Хаёт дараҳтининг барги юлингган.

Дор бўлиб чайқалган йўргакларда қон,
Болалар ўйнаган йўлакларда қон,
Рўмоллар, саллалар, кўйлакларда қон,
Ғазабини ютган юракларда – қон.

Мъянма, жонимга ўт ёқсан алам,
Мъянма – бўғзимга тиқилган йифи.
Шаҳидлар қонига тўймаган олам,
Умматнинг бой берган биринчи туфи.

Бу туг чўкиб кетди болалар билан,
Бу туг эркакларга қўшилиб ёнди.
Гоҳ кўкка ўрлади нолалар билан,
Кейин алвон бўлди – туг қонга қонди.

Вале ҳеч бир зулм жавобсиз қолмас,
Бостирап Аллоҳнинг битта имоси.
Тошотар қушларга тўлса ажабмас
Умматга тор бўлган юртнинг самоси.

Ё шаҳид қонларни ичган дарахтлар
Найза ясаб отар золимлар томон.
Гўдаклар арвоҳи уриб, хор бўлар
Зафар қучиб турган разил оломон.

Унгача лаҳзалар ўтади йилдай,
Унгача томирда оқади қасос.
Тонг чоғи кипригинг туялар зилдай,
Яшамоқ шунчаки кун кўрмоқ, холос.

... Бостириб бўлмаса, Тангрим, зулмни,
Магар хўрлик бўлса кўпга келган тўй.
Йўлбарсга айлантири ҳар бир муслимни,
Ҳар бир муслимани бўри қилиб қўй.

03-04.09.2017



ТАРОЗИ

Дунё мезонидан маймун ҳам кулар:
Латифа бормикан бундан зиёда:
Гоҳ отлиқ жанг қилмай қаҳрамон бўлар,
Жангнинг бошидаёқ ўлар пиёда.

04.09.2017



САБР КОСАСИ

Бу идиш күринмас қалпоқни кийган,
Қисматдан бир бора түлмоқ қарзи бор.
Аллақачон тошиб кетарди, лекин
Инсонга күринмас күхна дарзи бор.

04.09.2017

ТУШЛАР

Тушларинг ҳақида ўйлайсанми ҳеч?
Тушлар ўхшар туннинг кўйлакларига.
Рўё отли чевар тушганида қеч
Шойи тахлар зулмат йўлакларида.

Тушларинг гоҳ одми, гоҳо серҳашам,
Излаб тополмайсан гоҳо қиёсин.
Бахт каби тез тугаб қолади баъзан,
Баъзида эслатар мотам либосин.

Уйқучан бош чайқар толиққан боғлар –
Тушлари сунбула каби фаромуш.
Шаҳарнинг кўксидан ювилиб доғлар,
Чорчаманлар ухлар кўриб рангли туш.

Нега ним уйқуда ҳовузнинг кўзи –
Кўйлаги битмаган унинг, ҳойнаҳой.
Кумуш игнасидан ёғду ўткариб
Заминга эгилар кекса дарбон – Ой.

Сўнг Рўё кўринар – қора шойидан
Тикилган этаги майин шитирлаб.
Митти уйқусига кўйлак истаган
Күшларнинг юраги урас потирлаб.

04.09.2017 йил

АВТОПОРТРЕТ

Илғаб қолдим, рухи бўлинган:
Гоҳ зардали, гоҳо ҳимоли.
Тўсаман деб уни замондан
Яrim йўлда қолмиш рўмоли.

Сочларининг фарқидан кириб
Ғойиб бўлмиш митти оқилон.
Қошларининг қоқ ўртасидан
Қалам тортмиш мусаввир чунон.

Сийраклашган киприкларининг
Ўқ бўлмоққа йўқдир даъвоси.
Рангпар юзи, рангсиз ёноғи
Билмам, балки Мажнун мероси.

Чизаяпман уни борича,
Яширмасдан ҳеч каму кўстин.
Меъёрдан сал каттароқ бурун,
Суқилмагай умрингга, дўстим.



Оз сўзлаб, оз қулади оғзи,
Лек қалбига яширмиш яғмо.
Мийифида қолган табассум
Мазахларга этмагай парво.

Йиғлатажак уни қисматнинг
Гоҳо гули, гоҳи тошлари.
Сочларини излаб юришар
Оқилоннинг қариндошлари.

18.09.2017



Кафтигага сув олиб
Ташна юлдузларга тутдим –
Ичдилар.

Улардан ортганин
Чап кўксимга сепдим –
Гулханлар ўчдилар.

Тарқаганда гулханимнинг
Сўнгги тутуни,
Шамол ўйнаб юрар эди
Куюк ҳидини.

20.09.2017



ЯНА МАРИНАГА

Пожирающий огонь – мой конь...

М.Цветаева

Кет десанг, изсиз кетмас,
Кол десанг, келар малол.
Сенинг тулпоринг – олов,
Менинг тулпорим – шамол.

Бирисининг ортида
Култепалар бунёддир.
Иккинчисин кишнаши
Чидаб бўлмас фарёддир.

Бири йўл озуғига
Жонни сўрайди фақат.
Бирин жон риштаси-ла
Боғлаб кўр – этмас тоқат.




Тумшуғига чақмоқ қанд
Тутсалар – парвоси йўқ.
Шунда чорлайсан уни –
Ховучингда лағча чўғ.

Ох, бедовинг чўғ кавшаб
Ўзин урса тўрт ёнга.
Қўрқув ичра титрар шаб,
Ой беркинар осмонга...

Йўл яримлар, Марина,
Биласанми, нетамиз?
Бўшатиб тулпорларни,
Энди яёв кетамиз.

24.09.2017





ХУРШИДГА

Умрда бир лаҳзалар борки,
Зарур бўлар еттинчи сезги:
Миядаги ўсимта каби
Оғритади бошингни севги.

Ўсимтадан қутулиб бўлмас,
Давоси йўқ унинг айтарли.
Нафрат деган кимёвий дори
Бор-у, лекин у ҳам хатарли.

25.09.2017

ЧЕКИНИШ

Андухлардан қўшин тузганлар,
Эрк берганда кўнгил майлига,
Гул сайридан умид узганлар
Ошиқмасми хазон сайлига?

Умринг ичиб қонталаш бўлган
Юракларни бўлмасми босиб,
Шамол урён дараҳтларингта
Мезонларни кетганда осиб?

Қўл силкисанг қуш галасига,
Гала бирдан ортга қайрилса,
Айт, умрингнинг тунд палласида
Бўлмайдими шундай айрилсанг?

Йиртқичларни чақирсанг увлаб,
Кўнгил узиб Одам зотидан.
Ой париси ортингдан “Хув” лаб,
Деса: “Кимнинг зурриёдисан?”

Унга боқсанг беруҳ ва бесас,
Сўнг ёдингга келмаса отинг.
Ва йифласанг... оҳ бўлиб эмас,
Увлаш бўлиб чиқса фарёдинг!

18.10.2017



УМИДСИЗЛИК

Хар япроқда бир ҳис, бир сезги,
Хар шамолда қутқу, ҳаяжон.
Хар дараҳтда муқим бир севги,
Хар умрда ношуд бир имкон.

Хар дийдада юракшакл тош,
Хар бир күзда андуҳ чашмаси.
Хар ҳовучда ушалмас дуо,
Хар денгизда узлат кемаси.

18.10.2017

Октябрнинг сийрак хиёбонида
Кунишиб ўлтирас кузак париси.
Сездирмай бораман унинг ёнига,
Сўнг дуо қиласан: “Дардинг арисин”.

Заъфарон кўзлари чуқур ва мунглиғ,
Қандоғам ёнидан кетардим нари.
Эртага бу сийрак хиёбон ичра
Ўлтирас қунишиб иккита пари.

25.10.2017



ДЕВОНАНИНГ ҚҰШИҒИ

Тийрамоҳнинг сўнгги куйи сингар экан
юракка,
Ғуссаларни қувмоқ учун шеър тўқиймиз
эрмакка.

Вақт ўйнайди қадримизни – бизга ёт бу
ўйинлар,
Замон мағрур бошимиздан сочиб турар
тийинлар.

Ҳамёнимиз бўшдир гарчи, тангаларга
боқмаймиз,
Бу такаббур кўринишда биз ҳеч кимга
ёқмаймиз!

Киличларга армон бўлар эгилмаган
бўйнимиз,
“Шиқир-шиқир”... пуч ёнғоққа тўлиб
қолган қўйнимиз.

Тилимизни тушов каби боғлаб турар
ростимиз,

Миллионлар қаторида қолмагай бир
дүстимиз.

Олазарак қараб бизга, айт ўтяпсан қай
томон,
Ал-кимёни билсанг, биздан ажратиб ол
заяфарон.

Ки bemорлар сўраб келса, тайёр турсин
малҳаминг,
Заяфаронга бой бўлурсан – кузлар бўлса
маҳраминг.

Нима бўлса бўлар, кўн Гул, маҳрамингдан
айрилма,
Қадринг ерга урмоқ бўлган тийинларга
қайрилма.

26.11.2017



“ХЕЧ” ҲАҚИДА ШЕЪР

Аямоқда бизларни ҳаёт,
Үзгардими олам мантиғи?
Карам қилгач сирдошлар бот-бот,
“Хеч”га тўлди умр сандиги.

Биз қуриган гулбарглар мисол
Сепаладик “Хеч”ларни бошдан.
Бу ўйинни олмангиз малол,
Ахир, қайтиб келмаймиз бошқа.

Бу навозиш “Хеч”нинг рағбати -
Жондан кетмас бир туғма дарддай.
Шубҳа йўқки, етгач фурсати
Исмимизни “Хеч” кўмар гарддай.

27.11.2017

КЕЧА ЭТЮДИ


Тунни кийиб олди Тасаввур,
Юлдуз-түгмаларин қадади.
Жонга тегди олтин түгмалар –
Хеч ким билмас улар ададин.

Очиққан Сой қайроқ тошларни
Каппалади солиб оғзига.
“Яққув” айтди зериккан Шамол,
Үзин уриб Горлар бўғзига.

Кузат бир он тасаввур кучин,
Учган юлдуз – отилган чақа.
Шаҳзодага айланмоқ учун
Ойни ўпид кўрар Қурбақа.

Тоғ йўлида мавжланар “Яққув”,
Чайқалади боғлар маст-аласт:
Сочларига илашиб ғулу
Югуради сўнгги Ойпараст.

27.11.2017



РАНГЛАР ТИЛИДА

(Беназир Мұхаммад йўлида)

Мовий асрор, қўнғир зоҳир,
Қаро коса, қаро коса.

Йашил ҳаёт, сориғ ровий,
Зангор қисса, зангор қисса.

Оқиши чўққи, сафсар уфқ
Орзу биза, орзу биза.

Кулранг соч-у заъфар чехра
Бизим хосса, бизим хосса.

Алвон йурак, жигарранг баҳт,
Рангсиз ғусса, рангсиз ғусса...

28.11.2017



МАНОЗИЛ

Кудратнинг ичида Коинот,
Коинот ичида Замин,
Заминнинг ичида Макон,
Маконнинг ичида Замон,
Замоннинг ичида Одам,
Одамнинг ичида Ҳаво,
Ҳавонинг ичида Найшиша,
Найшиша ичида Капалак,
Унинг исми – Севги.

28.11.2017

МУБТАЛО

Кеманг тинмай сузар ҳаёт баҳрида,
Сени таъқиб этар минг бир сўроқчи.
Кўнмайсан қисматнинг қатъий шартига:
Йўлчисан, сайёҳсан... гоҳо қароқчи.


Рўмолча силкитган қўллар ортингда,
Қарамайсан – бефарқ бўлиб қолгансан.
Дунё харитаси кўзларингга жо,
Уни teng иккига бўлиб олгансан.

Ҳамма қаҳрамонлар каби ҳеч қачон
Беркитмайсан хунук чандиқларингни.
Ортига қайтсин, деб тунда юлдузлар
Тўлдиради улкан сандиқларингни.

Ташналиқда қолсанг, денгиз бир муддат
Сувидан ажратиб туар тузини.
Очлик исканжага олгани фурсат
Балиқлар кемангга отар ўзини.

Кеча йўл кўрсатар, Кун қилар дуо,
Тўлқин сувўтлардан тўқир қайиқлар.
Менга ҳам “кет” дема, ахир ҳамиша
Кемага эргашар Юнусбалиқлар.

29.11.2017



ҚИШНИНФ ИЛК ҚҰШИФИ

Фарч-ғурч... фарч-ғурч... Келаётир қиш,
Оёғида биллур ковуши.
Ноз уйқуга кетган боғларни
Чүчитолмас шамол товуши.

Кор ёритган ойдин кечада
Насиб этса қисматга шоҳлик,
Чорлайверар руҳингни яна
Корлар кечиб ёлғиз юрмоқлик.

Ёлғизлиқда олам фусункор,
Күрсатолмас ҳаёт ҳам найранг.
Ёлғизлиқда руҳинг телбавор,
Ёлғизлиқда қиш ҳам сержаранг.

18.12.2017




СЕНИНГ БАЙРАМИНГ

Сен ичингда байрам қиласан,
Ташқарида байрамлар ёлғон.
Бахтни енгган кунинг айниқса
Тонгни кутиб оласан шодон.

Шунда ногоҳ силкиниб олар
Рұхинг ичра қартайған аждар.
Түйғуларинг бирлашиб муштдай,
Гул ўрнига сиқимлар ханжар.

Лек тинч қўймас, байрамингга ҳам
Кириб борар изқувар титроқ:
Қаҳрамонлар қизил гулгамас,
Ўз қонига чўмилар кўпроқ.

20.12.2017



ИШОРАЛАР

Давраларда айтилмас исминг.

Одамлар сен ҳақда
Ишоралар ила сўзлашар.

Асли таваллудинг қутлуг ишора,
Бир ҳур ишорадир борлигинг.

Бир ғамгин ишорадир
Видоларга сазоворлигинг.

Эй гўзал ишора,
Бармоқларим ёд олар сени.

25.12.2017



ДЕВОНАНИНГ ЎЗИГА НАСИХАТИ

Ҳаёт сени кўмса тириклай,
Мағлуб руҳлар шовқини аро
Бир қўлда шеър, бир қўлингда май –
Айлан гирён ва мотамсаро.

Эҳтиёт бўл, май тўкилмасин,
Эҳтиёт қил, йўқолмасин шеър.
Шаклингдаги руҳ ииқилмасин,
Ҳар уфқингда балқмасин Бадр.

Шунда балки сен билан бирга
Вақт айланар – замон айланар,
Бармоқларинг тараган нурда
Ўнта сирли макон айланар,
Эврилишдек имкон айланар.

06.01.2018



УЧЛИКЛАР

1.Ха, бу одам қаролмайди тик.
Күзидаги қасос ўтини
Таъзим билан яширади у.

2. Жимлик, қалъа эдинг мустаҳкам,
Сени енгдим бир оғир “ух”-ла –
Иккимизга керакмас ҳакам.

3. Ой улкан тангага ўхшайди,
Абдуллажон ясаган тангага,
Сохта тангаларни ишлатиб бўлмас.

4.Шамол шохга ўралиб ухлар.
Боғда фақат туш кўрар олча
Фунчалашин кўкламда илк бор.

5.Биринчи бор севиб қолган қиз
Энг севимли ўйинчоғини
Беркитади темир сандиққа.



6. Гуноҳ билан қоришган севги
Ёдга солар анжир дарахтин –
Гулламасдан мева тугар у.

7.Рашқ ойнага урар шамолни –
Деразада турған ёронгүл
Дарпарданинг розини тинглар.

8. Мендан қолмиш онамнинг кўнгли.
Сизга айтсам, шу кундан бошлаб
Дилозорлик айланди касбга.

9.Қамаб олдим уйимга бахтни.
Меҳмон қилдим хотира билан –
Ортиб қолди меҳмондан таом.

10. Зарда билан исмимни дилдан
Ўчирасан – ишларинг пухта.
Не қилсанг-да, қолар бир нуқта.

06.01.2018- 14.01.2018

ЭСЛАТИШ

Ёдингдадир, бир кун
Исмимизнинг бош ҳарфларини
Ўйиб ёздик қир устидаги
Энг баланд дарахтга –
Ўртасида қўшув белгиси.

Гулдуракли кечада
Яшин шу дарахтни танлади.
Ямлаб қўйгач ҳарфларни олов
Фақат белги қолди –
Илк севгининг ёдгори бўлиб.

Кир шамоли ўшандан буён
Қўшиқ қилиб куйлармиш уни,
Кечалари ўша тарафдан
“Қў-ш-у-в” деган садо келармиш.

09.01.2018

ЁФМУР ЧЕЧАКЛАРИ

Уввос солса абрларда
Самонинг хур буваклари,
Очилади ҳалқобларда
Қўнғир ёғмур чечаклари.

Очилади қўша-қўша,
Тарам-тарам очилади.
Япроқ-япроқ, парча-парча
Тўрт томонга сочилади.

Бул чечаклар умри қисқа
Капалакнинг умри мисол.
Кезмай туриб ёғмурларда
Аларни ҳам кўрмоқ маҳол.

Қўнғир ёғмур чечаклари
Боқмайин нур толаларга,
Кулар ҳалқоб узра сакраб
Ўйноқлаган болаларга.

Куннинг кулранг қабоғига
Ол сурмоққа уринган шом,
Күришмоқ-чун чечаклар-ла
Етти рангдан йўллар салом.

Кўнғир ёғмур чечакларин
Кўрмоқ учун керак тоқат.
Инжা ёғмур чечакларин
Хур лаҳзалар терар фақат.

09.01.2018



КЕТМОН

Балким ишонмассиз,
Эшқобилнинг кетмони учади –
Гоҳ рангпар болаларига,
Гоҳ сонсиз хотинига қараб.

Эшқобил бўлса,
Яшилтоб кўзлари пирпираб
Дуоибад қиласар кетмонни:
“Илоё мўлжалга тегмагин!”

06.01.2018





АЙБЛОВ ХУЛОСАСИ

Жами хотираларни ўлдирганча
Хонадан чиқасан –
Кучоқ очар сенга Ёруғлик.

Хеч ким қўли билан кўрсатмас сени.
“Қотил!” дея қичқирмас бирор –
Капалакка ўхшаб
Қони йўқдир хотираларнинг.

16.01.2018



РОБИТА

Шеър – кутилган фарзанд.
(Хеч қандай лайлакка дахли йўқ унинг).
Чинданам шеър бўлса –
Уни келтиражак бургутнинг ўзи.

16.01.2018



ПАРВОЗ

- Негадир шеърингда бошқа одамсан,
Қандайдир бегона, хаёлчан, дайди.
- Сўзларингдан асло хафа бўлмасман:
Парвоз чоғи қушни таниб бўлмайди!

18.01.2018



ҲИССА

Бахтсизлик – оғир юк.
Тақдир уни
Иккига бўлиб
Узатади икки томонга.
Аммо томонларнинг бирори
Улушини олмас
Хеч қачон.

21.01.2018





ЭРК

Қафасман мен–
Танҳо қушнинг қафаси –
Уни Худо қамаган менга.

Сирдоши узлат,
Озиғи армон
Рангсиз қушимнинг.

Кўринмас қушим,
Гап уқмас қушим
Ҳар тун татиб кўрар
Юракни.

03.02.2018



ШАФАҚ ЭТЮДЛАРИ

* * *

Уфқ бу кеч
Сим-сиё(х) лолалар
Гулхонасидир.

Уларга узанган қўлларга
Гулбарглар илашар,
Гулбарглар.



Кўк –
энг теран денгиздир,
Булут – зангори парқув.
Денгизнинг адоғида
Таранар кулранг оқкув.

Хой оқкув қуш, гўзал қуш,
Сирли-сирли ҳаётинг.
Етар энди, ерга туш,
Қизармайин қанотинг.

Шафаққа тегиб кетса,
Куйиб қолар парларинг.
“Оҳ” урма, тумшуғингдан
Тўкилмасин сирларинг.

Қанотларинг силкима –
Тўлиб қолмасин бўшлик.
“Оҳ”ингни асра Ерга –
Шоирлар излар қўшиқ.

Ҳар кеч уфқ томонда
Бир вулқон отилар –
Булутларга сачраб чүғлари.

Тикилиб-тикилиб қарайман...
Ростдан чүғмикин?

Ё ҳилпираб турар
Күмөндөни валий бүлган
Күшин туғлари?

03.02.2018

ШИВИРЛОҚ ХИТОБ

Эй, ҳаёт тухмини асраб келган Нур,
Эй, ғам илдизидан сув ичган Шажар,
Бўлинмак онида туйганча хузур
Кутлуғ доғларидан севинган Қамар,
Эй, ҳар қабатида теранлашган Кўк,
Камонидан тинмай нур отган Гунаш,
Эй, Тоғ исмин олган буюқ тева, чўк,
Мажнун келмагунча - йўқ энди жўнаш!
Эй, Нур жамолига ошиқсан Тупроқ,
Борлиғу борлиғин ювиб берган Сув,
Эй, умр кафтида музлаган Идроқ,
Эй, Идроқ қамчисин соғинган Туйғу.
Эй, гоҳ ортиб, гоҳи етмаган Ҳаво,
Эй, ҳеч бир ҳукмни тан олмаган Вақт.
Эй, Абад тонгини оттирган Наво,
Эй, исми улкан-у, ўзи инжа Бахт.
Эй, ҳаёт тухмига “куҳ-куҳ” лаган Нур...

03.02.-04.02.2018



СЕН ВА МЕН

Оқламайман ўзимни, зотан
Хаққим әмас оқлаш, қоралаш.
Түғилишдан чекимга тушган
Қалбни бутлаш ёки ... поралаш.

Ва на ҳожат сени ёзғириш?
Сен ҳам битта гуноңкор банда –
Қаҳрдан күп қүшиб юбормиш
Тангри лойинг қораётганда!

06.02.2018





ҒАМГИН СУРАТ

Тиззаларин қучиб
Үлтирап аёл,
“Бўзламам” аҳдида
Қимтилган лаби.

Ўлтирап -
Қачондир
Ўз маъбадидан
Чиқариб ташланган
Маъбуда каби.

06.02.2018

СҮНГАН ГУЛХАН, ОДАМ ВА БҮРИ

Кеча узун ва совуқ эди.
Сўнаётган гулхан эгаси
Ҳақиқатин ташлади ўтга.
Бироқ яна гурлаган олов
Жунжиктириди уни негадир.

Кече узун ва совуқ эди.
Сўнаётган гулхан эгаси
Кўзидаги туман ортида
Кўрди икки маъюс юлдузни –
Бўри тураган эди қошида.

Кече энди шунчаки узун –
Кече энди билар ҳаддини.
Кучга кирди тўда қонуни:
Бир-бирининг пинжига кириб
Исинишар Одам ва Бўри.

11.02.-12.02.2018



ТУШДА ЁЗИЛГАН ШЕЪР

Эзиб-эзиб ёғади ёмғир,
Эзгин-эзгин ёғади сирлар.
Жасадидан таралганча нур
Гўрларида сиктайди пирлар.
Эзиб-эзиб ёғади ёмғир,
Сув элайди зориқкан само.
Қай бир синик қовурға ичра
Неларнидир пичирлар Ҳаво.
Бир лаҳзада ҳаётинг олтин,
Бир лаҳзада жонинг арzonдир.
Бир қарасанг, арқонинг – йўлдай,
Бир қарасанг, йўлинг - арқондир.
Эзиб-эзиб ёғади ёмғир,
Сал юмшайди тошлар эртаги.
Ошиқмайди баҳорга шунда
Совуқ урган умид куртаги.



15.02.2018



ХАҚИҚАТ

Шеърларимни донга алмашгум,
Оч қолғанмиш қүшлар галаси.
Буни менга айтди деразам.

Увоқларга алмашиб олиб,
Ошиқаман дарёга томон –
Мени унда балиқлар кутар.

Увоқ сочсам, улардан олдин
Чиғаноқлар очар оғзини.
Яшираман қўлим орқага.

Чиғаноқлар, кечиринг мени,
Шеър қиймати дур эмас асло,
Шоир керак эмас дунёга.

15.02.2018



ХАФТА

Хафта асли –
Олти бошли дев.
Хар кун битта боши кесилар.
Лекин бағрикенг
Яқшанба
Уни яна этади афв –
Бошлар ўсиб чиқар қайтадан.

20.02.2018



ҚИШ

Қиши – депутат, мен сизга айтсам,
Эсланг,
қор жуда кўп эди
Унинг дастурида.
У эса бажара олмади
Ваъдасининг ўндан бирини.

20.02.2018





АТВОР

Сўзамоллик ҳар доим ҳам
Севги билан келиша олмас.
Шундай экан, севгилинг билан
Сўзлашиб тур –
Хўрсиниқлар,
Кўзёшлар,
Воз кечишлар,
Исёнлар тилида.
Айниқса, исённи севади севги!

20.02.2018



ЮЛДУЗ МЕВА

Юлдузлар –
Осмон дарахтининг
Энг баланд шохидаги
Ўсан мевалар,
Банди жуда қаттиқ уларнинг.

23.02.2018



ҒАЛАТИ АЙБЛОВ

Тушларимдан
Учиб чиққан қүшчалар
Тушган эмиш
Тушларингда
Ёйилған тұрга.

24.02.2018



СИРЛИ ОДАМ

Тириклиқда
Йиғисини яширганидек
Күлгисин ҳам күрсатмади
Мархумлигига.

Тупроқ унинг ғариб
Табассумини
Мозор гулларига
Юрап улашиб.

23.02.2018



ИШҚ

*Ишқ – Мустафо меърожидир,
бари, бари – ишқ.
Фарзона*

Отилган оққушдан учган пар ила
Шамол ёзар бир ишқ ҳикоясини...
Оққуш фарёдидай туйғулар хира,
Хўрсииниб кутамиз ниҳоясини.

Дил – “ишқ” калимаси битилган оғоч,
Орзулаб яшайди қисмат рандаси.
Туйқус ёдимизга тушади Халлож
Ва унинг тӯфонни тўсган жандаси.

Юнусни тушириб балиқ қорнига,
Сўнг қирғоқда уни пойлаган ҳам – Ишқ.
Жаброил кафтидан ясад ойина,
Ойиша суратин жойлаган ҳам – Ишқ.

Ишқ – бир ўқи хато кетмаган мерган,
Одамнинг “оҳ”идан тушган олов – Ишқ.
Буюк жангчиларга “Ур-ҳо” айттирган,
Қўлдан қўлга ўтган оғир ялов – Ишқ.

Ишқ – қон билан кўз ёш аралаш оқиб,
Томирларда бўртиб турган дарёдир,
Ҳар сабоҳ шудрингдан маржонлар тақиб,
Уфққа тикилмиш Янги Дунёдир.

У – қиши оқлиги-ю қўклам яшили.
Ёз офтоби, кузнинг заъфарлиги – Ишқ.
Туйғу диёринда хуштаъм, асили
Ва шаксиз жонолуд, заҳарлиги – Ишқ!

Ишқ – қўклам жарчисин чорлаб
қирларга,
Лола қадаҳини майга тўлдирган,
Эски қудуқларни кўмиб сирларга,
Кўҳна сир соҳибин яна кулдирган...

Ишқ – шамол эрмаклаб учирган уқпар.
Сўраманг шеъримнинг ниҳоясини,
Отилган оққушман – мен ташлаган пар
Ёзар Ишқнинг янги ҳикоясини.

26.02.2018



ИШҚ ВАҲИЙСИ

Қалб – бир соҳибжамол.
Ўлтирас қирқ қават
Парда ичинда.

Дейдиларки,
Хақнинг изнисиз
Жамолини кўрмагай бирор.

Қалб соҳиби эса ҳамиша
Ваҳий каби
Кўқдан тушади.

03.03.2018



НАВРҮЗ

Бугун жуда сахиидир очун,
Зумрадланаар жамики оғоч.
“Вал-фажр”ни айтмоқлик учун
Томоқ чайиб келар қарлуғоч.

Бугун Күн ҳам нур тарап күпроқ
Ва сийлагай ҳар тирик жонни.
Күйворишни истамас Тупроқ
Офтобрўйга шошган Йилонни.

Ҳаво кийиб шойи атворин
Илиқ сутдек ўтар томоқдан.
Жамики баҳт ёнингда бугун,
Жами андуҳ сендан йироқда.

Сувлар гўё ўзи сархуш май,
Ҳар қатрада кулади гуллар.
Сувлар хушбаҳт – тунда ухламай
~~Ҳамал~~ Ойин оқизган улар.

Шамол – чопар, ҳоримас сира,
Ялангликда тинмай елади.
Гоҳ әргашиб битта гулбаргга
Узоқларга бориб келади.

Адл тоши вақт мезонида:
Тенглашади кеча ва кундуз.
Тарозунинг шундоқ ёнидан
Чечак сочиб ўтади Наврўз.

21.03.2018

ҚҮРҚОҚ(ЛАР) ҲАҚИДА АФСОНА

Бир қўрқоқ овлоқда
Юраги ёрилиб ўлди қўрқувдан,
Чўчитганди уни сояси.
Устидан неча Ой, неча Кун ўтди,
Хок бўлиб тўзғиди, сочилди.
Бир улуши ҳавога сингди,
Бир улуши тупроққа,
Оғочларга қўнди бир улуши.

Ўша ерда ўсган октерак
Дағ-дағ титрайдиган бўлди
Шамол бўлмаса ҳам.
Охир кесиб кутулдилар.

Фалакнинг гардиши айланиб
Терак ётар эди нонвойхонада.
Ўтга тушганида эса
Олов чатнаб кетди бехосдан.

Теракка илашган хокнинг бариси
Хамирга сачради.
Қарсиллатиб муштлади новвой...

Ўша нонни бир қавм едими
Ёки бир миллат,
Буёғини айтолмайман.
Янги афсонадир буёғи.

24.03.2018

СИР ИМЛОСИ

Мажнуннинг жавҳарли хокидан
Сир имлосин ажратиб олдим,
Қалбим ойнасига “куҳ-куҳ” лаб
Ёзиб қўйдим уни.

(Шаффоф ойналарни хушламайди сир)

Кейин қўлларимни силкидим,
Шамолдан самоъ дарсин олган
Муқим дарвишлар –
Оғочлар мисоли.

Ногоҳ сўз палахмонидан
Отилган бир тош
Қалбим ойнасига урилиб,
Дув тўкилди имло.
(Узоқ асролмасдим уни барибир)

Кейин палахмон эгаси
Еру Осмон аро
Ярқираб турган ҳарфларни
Ўкинч ила қилди талаффуз:
“Айн, шин, қоф...”

25.03.2018

БУТ (ПАРАСТ)

Бир тимсол топдим.
Севдим уни юрак етгунча.
Кейин ўйлаб қолдим,
Кам эмасми севгининг ўзи?

Мадҳ этишни бошлаганимда,
Семира бошлади тимсолим,
Баландлай бошлади
Будда ҳайкалидай.

Бир зум ваҳм чулғади мени,
Қаршисида тиз чўқдим шартта.
Жуда узоқ чўзилди саждам...

Кўз остидан қараганимда
Қаршимда бут турарди –
Инсон йиқа олмайдиган бут!

27.03.2018



ҚАЛДИРФОЧЛАР

A.N.га

Рўзғоринг – қалдирғоч уяси.
Учиб киришинг билан
Оғзин очар полапонларинг.

Уларни кўрган заҳоти
Дунёга қанот силкиб
Емак тақсимлашни бошлайсан...

Кейин сериал бошланади.
Бойвачча, бевафо, ўйинқароқ
Қалдирғочлар қатнашар унда.

Сериалдаги қаср – полапонларинг
орзуси.
Қиз қалдирғочлари эса
Тунда тушларингга киришар учид.

Хушёр жуфтинг улар чуғурин
Эшишиб ётса ҳам
Қувиб чиқармагай тонггача.

27.03.2018



ФОТОРЕПОРТАЖ

(шеърий публицистика)

БИРИНЧИ КАДР

Одам
Инжа бир
Ташрифга эди интизор.
Мегапаловлар дамлаб,
Мегаварраклар учирар,
Мегасумалаклар қайнатар
Баҳор.
У энди
Ичида ғўдраниб
“Мегахлорофил” деб
Сўкар баҳорни.

ИККИНЧИ КАДР

Туғруқхона зинасида
Уч кунлик
Чақалоққа
Томоша кўрсатиб чарчаган





Микки-Маус
Гамгин ўтирап.
Қора “Жип”да мудраб борар
Бир кунлик пошшо.

УЧИНЧИ КАДР

Китоб дўкони олдида
Ғала-ғовур.
Узун навбат,
Одам тизилган.
Бугун олибсотарлар
Китобхон
Ёллайдиган кун.

ТЎРТИНЧИ КАДР



Ижтимоий тармоқ лентасида
Бир хабар айланар:
“Ой энди АҚШ мулки”.
Бир кўзингда
Таажжуб айланар,
Бирисида
Ғазабнок кулги.

БЕШИНЧИ КАДР

Бир қиз
Чимирганча
Сунъий қошларин
Баҳор билан
Тушар селфига.

ОЛТИНЧИ КАДР

Хеч ким
Гул тутмаган бир хотин
Гул сотиб ўтирар бекатда.
Бепарво ўтиб-қайтишар
Хунук аёллардан
Гул олмайдиган
Эркаклар.

ЕТТИНЧИ КАДР

Мархум Шоир туғилған кун.
Давра озод собиқ дүстлардан.
Шогирдликка номзод ёш шоввоз
“Устозим”, деб сўз бошлаган чоғ,
Суратдаги Одам кўзидан
Сачраб кетар тириқ истеҳзо.

САККИЗИНЧИ КАДР

Мантифуруш аёл
Таги тушган мантиларни
Ажрата бошлар –
Қўнгироқ чалинар мактабда.

ТЎҚҚИЗИНЧИ КАДР

Куппа-кундузи.
Кўча супурётган таълимни
Уриб кетар “КАМАЗ”.
Таълимнинг аянчли
Жасадини кўрган ҳақиқат
Яширинар “КАМАЗ” ортига –
Тирикларга хизмат қилар у!

ЎНИНЧИ КАДР

Яқинлашиб келар Рамазон.
Ҳалқумини ҳалоллаш учун
Наҳанг сотиб олар бир жаноб.

ЎН БИРИНЧИ КАДР

Хиёбон. Ўриндиқ.
Қиз пулдор йигитнинг

Хақоратини
Эшитаркан табассум билан,
Хўрланган муҳаббат
Силжиб борадир
Ўриндиқнинг э-э-энг чеккасига.

ЁН ИККИНЧИ КАДР

Автобус ойнаси –
Чанг босган экран.
Чиққанингда бошланган
Овозсиз фильм
Уйинг бекатида тугайди.

СҮНГГИ КАДР

Кўнфироқ тугмаси босилар.
Қушча сайрар,
Сапчиб тушар ўйингдаги қуш.
Ичкарига ёлғиз кирасан.
Сен чойлашиб ўтирганингда
Бугунги кадрлар
Бирма-бир мўлтирас
Мўралагичдан.

29.03-30.03. 2018



ХИЛОЛ

Кўк чечаги ғунчалади –
Гунчаси якқагина.
Ошиғи кўп бу ғунчанинг
Макони чеккагина.

Яхшиямки, чеккагина
Бу ғунчанинг макони.
Ўн тўрт кунсиз ким узалса,
Кириб кетсин тикони.

12.04.2018

ХИРГОЙИ

Ёзуғин таъбири Күкни юзунда,
Икки “шашмнома” бор икки гүзунда,
Дарвишлар сужуди пинҳон тизинда,
Ёр одини эслаб қолмасам бўлмас.
Тарбият этганмиш Қайсни жунуни,
Китобсиз ўқилмиш ишқни фунуни,
Один сўрсам, айтар: “Замон Мажнуни”,
Манам бир Лайлоя дўнмасам бўлмас.
Субҳ доманидан тутмиш чечаклар,
Очилмак фаслина етмиш чечаклар,
Дилга муҳрин босиб кетмиш чечаклар,
Алар талабига кўнмасам бўлмас.
Нетай, кўнгул отлиғ беқарор манда,
Кетсам ҳам, қолсам ҳам – ихтиёр манда,
Ким билар, гоҳи муз, гоҳ шарор манда –
Оташдан, гулзордан кечмасам бўлмас.
Майга тўлмиш бу кун қисмат косаси,
Фалак имо қилар: “Ичгин, тозаси!”
Гулман, дийдамга жо ҳасрат ғозаси –
Кўклам гулобидан ичмасам бўлмас.

13.03.2018

КЕЛАЖАК БОЛАСИ

Келажак боласи,
Сен ҳақда ўйлайман,
Билмайман, кўзларинг қўнғирми,
қорами,
Худосиз асрнинг қонталаш қўлидан
Ўтолган хатларим сенгача борами?
Отанг бой бўлса гар,
Келажак боласи,
Сен учун зирҳланган бир хона қуражак.
Онанг-чи,
Кўлида ҳаволи ёстиқча –
Нафасинг қўриқлаб ёнингда юражак.
Иккиси мисоли
Вафодор соқчидай
Бир лаҳза жонингдан бошқасин
ўйлашмас.
Уларни ниманинг уволи урдийкин?
Ғафлатда қолмай деб қулишмас,
еўйлашмас.
Тепангда саноқсиз
Ҳчоқлар учадир,
Биласан, бомбалар замондай турланган.
Жаханнам



Бир зумда Заминга күчадир –
Сен тенги болалар хўрланган,
зўрланган...

Волиданг

Даҳшатдан, очликдан галдираб,
Сен учун умидли эртаклар тўқийди.
“Чипта йўқ...”

Отанг ҳам ... ичида ... қалтираб
“Онлайн касса”нинг хабарин ўқийди.

Нафаси қисилиб

Ўлган бир инингни

Отанг хўп қизғаниб – заминга бермади.

Айтдики:

“Укангни урушсиз ерларга
Элтамиз учганча қанотли кемада”.

Оқ парда ортида ётибди жасади,

Ётибди қалбидай шаффофф бир тобутда.

Кулгисин соғиниб, тобутнинг устидан

Лабларин силасанг – тафтингни
совутгай.

Келажак боласи, нетамиз,

Бошингда

Учган чоғ тезлиги нурга teng бомбалар.

Уларга чўт эмас

Зирҳланган хоналар,



Чўт эмас қўрғонлар, лабиринт, дамбалар.
Келажак боласи,
Бормисан, йўқмисан,
Зирҳланган хонадан чиқолмас фарёдим.
Маҳшарнинг умматни улитган ҳукмисан,
Билмайман, сен менинг неchanчи
авлодим,
Мен сени ўйлайман, келажак боласи!

14.04.2018



СҮНГИ КАДР

Яшил киносаройга
Янги кино келган:
Уруш ҳақидаги энг янги фильм.

Кириш чиптасини
Текин тарқатишар
Хар доимгидай.

Э-н-нг тепа қаторда
Яратганинг
Ўзи ҳам ҳозир.

Ҳой, томошабинлар,
Киносарой шакли
Нега юмалоқ?

Айтинг, у сизга ҳам
Эслатарми
Баҳайбат“ноль”ни?

Кинода актёрлар
Ростакам ўлмакда –
Битта томошабин сезди бу ҳолни.

16.04.2018

Шамолнинг кўзи йўқ,
Оёғи ҳам йўқ –
Бордир
Улкан қанотлари,
Сезгир бармоқлари.

Ҳаммамиздан
Ўзганча шамол
Дунёни
Ўқишига улгурап –
Брайл алифбосида.

18.04.2018

Сен ҳақингда ёзаётганда
Компьютерим
Түсатдан
Фортепианога айланар –
Сен ҳақингда ёзаётганда
Чолғучиман шоирдан кўра.

19.04.2018



Капалак пиллага
Кирди,
Одам
Чиллага.
Қай бирига
Узлат
Қанот беражагин
Кутамиз энди.

19.04.2018



... Бахт тугагач
Фақат соя қолди аёлдан.
Эркак эса
Ҳамма эркақлардай
Вужудсиз соянинг эмас,
Соясиз вужуднинг ошиғи.

19.04.2018

* * *

Кечир, ишқ...

Қонингни уфққа сачратиб
Бўғзингга бир ханжар урдим мен,
Руҳингни жонимдан ажратиб
Бир лаҳза телбаҳол турдим мен.

Кечир, ишқ...

Ол рангинг ўчмагай қўлимдан,
Бизларни айирар инсонлик.
Ёсуман ҳаётни қаҳридан
Туширас балки бу қурбонлик.

02.05.2018



КОМЕТА

“Юлдузим бўл” – дер эдинг менга,
“Юлдузим бўл, кутар осмоним”.
Хаёлимда сўзлардим сенга:
“Осмон менинг олти томоним!”

Кейин ... Юлдуз бўлмоқ эски гап,
Ёритолмас умрингни учқун.
Уфқдан уфққа бир бор нур тараб
Кел, комета бўлай сен учун!”

02.05.2018

НАВОЗИШ

Камзуллингга илгакдир Ой ўроги,
Ҳар сабоҳ сочингда Гунаш тароғи,
Қуш каби чарх уриб ҳаёт сўроғи,
Қўнмак учун изн сўраб туродур.
Нур кафтида кўкка учган мен эдим,
Уфқдан уфққа зумда кўчган мен эдим,
Сени излаб Ерга тушган мен эдим,
Эй ёр, исмим умринг ичра зиёдур.
Дединг:“Недир қолдими айт,
фаҳмингда?”

Ақл қолармиши ошиқ ақлинда?
Бир саробни кўргач Лайло шаклинда
Англаюрсан, ишқ энг гўзал рўёдир.
Умр – дала, меҳнат экиб ўтгайсан,
Ёҳ гўзингни кўкка тикиб ўтгайсан,
Тоқ оққушдек фарёд чекиб ўтгайсан,
Оҳин тинмагунча, умринг сиё(x)дур.
Гўзинг сувин авло билар чечагинг,

Ошкор йиғлаб, пинҳон қулар чечагинг,
Күлинг тегса – зумда сўлар чечагинг,
Лек борлигинг анга меҳригиёдур.
Айб этма, кўздан тошса ноласи,
Ўттиз тўққиз йиллик қайғу жоласи,
Гул ҳам асли ўзга дунё боласи –
Ул маҳзун гуллара лойик дунёдир.

ЭНГ ҚИСҚА ҲАСБИ ҲОЛ


Сўз бошида келган “Гоф”дек мағур
руҳинг,
Ани “Лом” га элтган илмоқ ҳам Руҳдадур.
“Нун” чизгиси санинг ярим
қайсарлигинг,
Сувайдонг ҳам “Зе” дан қолмиш бир
нуктадур.



БОЛАЛИК

Хақиқат күпинча отасиз ўсар.
Отаси ё қамоқда бўлар,
Ёки қабрда.
Оч қолмас баъзида
Бошқа сафирлардек –
Улғайгунча тўқ тутар уни
“Онали етим – гул етим”
Мақолининг тахир мазаси.

08.05.2018



МАЙ ТОНГЛАРИ

1-чизги

Қоқигуллар митти булатдек
Сузиб юрар май даласида.
Тунда қаймоқ боғлаган сутдек
Жимирлар сув тонг палласида.
Бу жимирлаш бир түлкін бўлиб
Йўл оларкан қирғоққа томон,
“Қизил, сориғ, яшил” га тўлиб
Ҳазратимни такрорлар Осмон.

2-чизги

Хўп ювениб-тaranмиш баҳор,
Ҳаво чашма сувидек тоза.
Ниначилар тўплашиб ифор
Ўтлоқларда очмиш мағоза.
Ғимиrlаган хонқизиларга
Ховучидан ичириб шудринг,
Тонг шўх имлар боғлар томонга:

“Имилламай, мен билан юринг”.
Афсун атрин таратар жийда,
Қулаб тушар сархуш арилар.
Ҳисортоғнинг этакларида
Қувлашмачоқ ўйнар парилар.
Тоғ очади улкан кўзларин,
Сиғдиролмас лекин ақлига:
Париларнинг кўриб юзларин
Тошлиар кирмиш одам шаклига.
Қувват олиб тавба, ҳоллардан
Қайтиб олам баҳорлариға,
Жинлар яшил мажнунтоллардан
Чивик эшар тулпорлариға.
Дунё баҳтга интиқ ҳали ҳам –
Нур кафтида ҳавойи бўса.
Шамол “пуф”лар дарёни хуррам –
Сув сатҳида ҳарир қулимса.

08.05.2018

ПАРВОЗ

Бир ҳовуч тупроқдай тўкилмақдамиз
Замон ҳовучининг ораларидан,
Ўқ теккан қушлардай йиқилмақдамиз
Заминнинг ҳайбатли яраларига.

Оҳ, бу яралардан сачрагай алвон –
Пажмурда танимиз урилган чоги,
Соврилган йилларга тўланса товон –
Хирож карвонининг бўлмас адоги.

Майли, қўл чўзмагин, лекин овоз бер,
Биламан, шу карвон ичида Сен бор.
Жон қуши қамалган қафасни синдир,
Ё вақт денгизига улоқтирип такрор!

Шунда кўражаксан – юнусбалиқлар
Домакон сайрига кўчиб чиқади.
Озод қушни кўрган ҳамма балиқлар
Бирдан қанот боғлаб учиб чиқади.



Бизни ҳам чорлагай у сирли гала
Замонни, маконни унугиб буткул,
Ҳамма тақиқларни бузиб, у палла
Қатламлар оралаб учамиз нуқул.

Шамол чечаклардай севиб учирар
Тупроқ әканлигин унуганларни.
Олис экзосфера кутиб ўтирад
Ҳавосиз муҳитга күниккандарни.

20.05.2018



САЛОМНОМА

Шафакдан ранг симирган
Гуллара салом ўлсун.
Бахт қадами қирқилган
Йўллара салом ўлсун.

Рухи осмонни кийган
Гиллара салом ўлсун.
Ўнглар, ҳам оғдирмаган
Сўллара салом ўлсун.

У на гўзал ифтихор –
Хурлара салом ўлсун.
(Куллигидан баҳтиёр
Куллара салом ўлсун.)

Қалтирамай рост ёзган
Қўллара салом ўлсун,
Қайғуси қувончидан
Мўллара салом ўлсун.

Салом ўлсун оташдан
Улуш олган диллара,
“Эрк” сўзида қайралган
Тиллара салом ўлсун.

20.05.2018





“ХАЁТ ХАҚИДА ИБТИДОЙ ШЕҮРЛАР” *туркумидан*

ХАВО

Эр Одамдир – шикорга чиққан,
Хотин – олов қўриган Ҳаво.
“Нозик хилқат” деган таърифнинг
Дахли йўқдир унга мутлақо.

Сочларига теголмас шамол,
Чечак етмас қучоқларига.
Қўлларига ов қони ҳалол,
Ўт ёнса бас ўчоқларида.

Жим ўлтирад, гулхандан олмай
Ярқираган икки қўзини.
Чақин чақса, оқбилаклардай
Ёр пинжига урмас ўзини.





Таъқиб қилса гоҳо йиртқичлар
Қадамларин топширас шаҳдга –
Ханжар тишлаб, боласин ушлаб
Тирмашар энг баланд дарахтга.

Шер айланар дарахт остида,
Ҳаво эса йиртқичдан қайсар:
Новдаларни йўниб ханжар-ла
Одам учун ясайди найза.

30.05.2018

ДАРВИНГА ДАХЛИ БҮЛМАГАН ШЕЪР

Қўрқоқ ўлиб биринчи жангда,
Довюраклар кўп яшар эди.
Ур-йиқитда битта тойифа
Дарахтларга тирмашар эди.

Ҳар жонзотга жони албатта
Ширин бўлар жанг қўпган маҳал.
Пастда қолган довюракларга
Чийиллашиб берарди халал.

Лек зафарни ҳаммадан олдин
Байрам қилган ўшалар эди.
“Хув-хув” лашиб, бураб думларин
Қарсак чалган ўшалар эди.

Ўлмадилар йиртқич тишидан,
Қулашмади ё ўққа учиб.
Сўнг тамаддун зиналаридан
Одамлардай келишди тушиб.

Кўйлак кийиб, тақиб бўйинбоғ
Юришибди одам сиёқда.
Лекин хатар етса баногоҳ
Югуришар тўртта оёқда.

30.05.2018



МАЙ ОҚШОМИ

Кулранг кукун сепиб, кеча мудрайди,
Олам бу ёмғирдан кетолмас нари.
Шамол новдаларни сувга судрайди,
Дарёning пульсини ўлчар Сувпари.

Ранглар мажлис қураг Ой теграсида –
Осмон чечаклари урадилар қулф.
Фурсат теранликка ўқир қасида,
Самодан Заминга осилар бир зулф.

Бир қизнинг тушига кирмоқ бўлар у,
Бироқ туш очмайди дарвозасини.
Жимгина ортига қайтса бўлар-ку,
Осмон йиғиб қўяр ҳавозасини.

31.05.2018



РҮЁ

Туннинг ёруғ чегарасида
табассуминг боғлайди қанот.

Ой нурлари кумушлаб ўтар
унинг ҳарир қанотларини.

Энди у кирмоғи мумкин
исталган парининг тушига.

2018, июнь

* * *

Агар
Хаво бўлса мухаббат,
Рамзи ҳаёт (ва ёки ўлим).

Тупроқ бўлса,
Гиёҳ унмас тенг ярмисида.

Сув бўлса гар,
Куидириб ўтади бўғзингни.

Олов бўлса,
Бас келолгай қалбинг тафтига.

Ҳосил бўлса,
Фақатгина илдизмевадир.

2018, июнь



ХУКМДОР

Тепасида олчоқ
Ғажирлар айланар,

Шоқоллар пайт пойлар
Ёнгинасида,

Ёш шерлардан бири
Жуфтидан күз узмас.

Үлаётган Шерни
Бир савол қийнайды:
“Лойиқмикин тахтга рақиби?”

12.04.2018


ҚИЗИҚАРЛИ МАТЕМАТИКА

Дунё – ғаддор ҳисобчи, ҳамон
Маңқул күрар аниғу нақдни
Ва ўзгармас амаллар билан
Шарт айирап севгидан баҳтни.

Тиним билмас “минус” белгиси.
Сўнг дунёга виқор-ла қараб,
Нимагадир қистаб кулгиси,
Шон ёнидан кетади шараф.

Бўйсунмаслар топилар ҳар вақт.
(Қилолмайсан уларга зўрлик).
Амалларни қилмасдан писанд –
Ҳамон бирга зулм ва хўрлик.

20.07.2018



А.Н.га

Қалбимизда күйчи чиғанок,
Бўрон турса – тинмас товуши.
Чиганоқни бизлардан олмоқ
Тақдирнингмас, Худонинг иши.

Ажратишлар, чекловлар сира
Совутолмас юрак ўтини.
Айт, қачондир Ой ёғдусида
Тотганмилик бўри сутини?

Ўгайласа бизни давралар,
Ўксимаймиз – руҳимиз кибор.
Соч устида сийрак қировлар,
Қалбимизда абадий баҳор!

04.07.2018



ҚИШЛОҚ ТОНГИ

Соялар ўзини сойларга ташлар,
Дараҳтлар кўксидага ҳаёт ёрлиги.
Рўё пардасини тортқилай бошлар
Қушларнинг сабуҳий баҳтиёргилиги.

Тункезар руҳларни элитар уйқу,
Баргларга мунчоқдай ёғар фароғат.
Офтоба тубида қолиб кетган сув
Бомдод намозидан ичар ҳаловат.

Уйлар суур ила Қуёшга тутар
Қарлуғоч уй солган пешайвонини.
Онам лойсупада хушхол силкитар
Чумоли ризқи бор дастурхонини.

18.07.2018

БИР СОНИЯЛИК ХАЁЛ

Сайёralар айланар тинмай,
Тоғлар Кўкни тутар елкада.
Фурсат рангли пайпаслагичдай
Сузиб юрар галактиканда.

Замин – башар қайнаган уммон.
Долгалари қўрқинчли, зотан
Бу уммоннинг юзасида ҳам,
Тубида ҳам Одам бор, Одам!

18.07.2018



ОЛТИН ОЛМА

(Нодира Афоковага)

Ким ҳам күз тикмагай осмон боғидан
Бир олтин олмани узмоқ баҳтига,
Гарчанд синовдадир ошиқлар ҳамон
Ва гарчанд синовлар ишлар нақдига.
Гарчи юракларда ҳижрон етилган
Ва унга ризқ ташиб турган ўзимиз,
“Энг ошиқ аёлга” сўзи битилган
Бир олтин олмага тушса кўзимиз!
У бир армон эрур, бир буюқ матлаб...
Дараҳтлар хўрсинар – бели толмалар.
Шабий боғлар аро синиқ шивир-ла,
“Ўн тўрт” гача санар олтин олмалар –
Қолган рақамларни қўйган унутиб
Тартибсиз яшашга қўниқкан дунё.
Қўлида тишланган бир олма тутиб,
Замон эшигидан боқар Зулайҳо.
Бармоқларда олтин олма илинжи,
“Кир” деб айтотмаймиз ёшу қаримиз.
Гарчанд руҳимизнинг ранги норанжий,
Олмаранг ҳисларга очмиз баримиз!
“Юсуғ борми?”
Ногоҳ сўрар Зулайҳо,





Күзида соғинч-ла ҳайрат қоришиқ.
Күлидаги олма шуъласи аро
Бир янги манзара кетар ёришиб.
Шу оний ёруғлик силсиласида
Нур каби узайиб күринар бир йўл,
Ўхшаб Ой юзига кулган гўдакка
Биз ҳам ўша томон узатамиз кўл.
Куламиз чарх уриб.
Юксак боғларда
Дарахтлар гуркирар – бели толмалар.
Милтироқ нур ўпган зумрад шохларда
Кўринар товланиб ... олтин олмалар.

19.07.2018



ЯНГИ ХИРГОЙИ

Уфқ әски майпараст,
Фақат саҳбо ичади.
Майкосасин тутиб даст
Хар кеч ўздан кечади.

Шафақ – кўҳна оловзор,
Ўтолмайсан қадамлаб.
Қўл силтар чекиб озор
Ўтдан қочган одамлар.

Булутлар олар чирмаб
Чақмоқнинг боласини,
Ўзанлар ичар титраб
Дарёлар ноласини.

Оқиб борар ол дарё,
Югуриб етолмайсан.
Севгинг – бир юрак саҳбо,
Уфққа тутолмайсан.

05.08.2018

КАЛЛАЛАР

Үтир, гапларимни эшит, қариндош,
Биз шундай туғилдик, шундай яшаймиз:
Юз калла ичидан чиқса битта бош,
Иккиланмай чопиб ташлашга шаймиз.

Ногоҳ ёш күзлардан сачраса учкун,
Энг катта муаммо шундай паллалар:
Енгил шиорларни урчитмоқ учун
Каллалар күп керак бизга, каллалар.

Токи эгалари йўлда олтинга
Дуч келган тентакдай сўлжайиб турсин.
Йўллари бошламас гарчи олдинга,
Куйдирган калладек тиржайиб турсин.

Давр издиҳоми қайнаган чоғи
Ғашга тегар экан чимрилган ҳар қош.
Бошиңг бўлса ҳамки, бундан буёғи
Калла қилиб кўрсат, хўпми, қариндош?

06.08.2018



ХОДИСА

Мұҳаббат туғилмас.
У шунчаки бўлади содир
Энг ғаройиб ҳодиса каби.
Айтайлик, қўкнинг ёришиши,
Булутнинг қат-қатланиши,
Қушнинг илк учиши,
Сув юзидағи жимирлаш ё
Заминнинг баҳорги тўлғоғидай.
Ҳодиса гўзаллиги
Оқибатдан чалғитар бизни.

05.08.2018

МАНЗАРА СОГИНЧИ

Болалиқда күнглім тұлиб мубҳам
хислардан
Тез-тез чиқиб туарар әдім қишлоқ йўлига.
Катта ариқ тубидаги рангли тошлардан
Тасбек тизиб бермоқчийдим тутзор қўлига.
Дадам кесиб берган қамиш қалам қўшифи
Тараларкан қоғоз узра майин ғичирлаб,
Синглім терган маймунжоннинг
пуштиранг ҳиди
Пиёлада туарар әди шириң пичирлаб.
Укам чизган нақшларни онам севинч-ла
Деворларга осар әкан – юзда табассум,
Ёзувимни чаплаб қўйган томчи ўқинч-ла
Аралашиб кетар әди манзара бир зум...
Оқшом сувлар сепганида супа юзига,
Семирарди тупроқ ҳидли уйлар воласи.
Тол шохига қўниб, уйғоқ болалигимга
“Зарбулмасал” айтар әди бойқуш боласи.
“Бошқуш қўнган уй - вайрона”
деган гапларга
Қўлим силкиб, сукут билан қилардим
мехмон:
Оlam нафас ростлаётган кеча қўйнида
Сирлашарди ухламаган икки полашон.

Қайрағочнинг япроқлари ой ёғдусида
Танга-танга кумушларин сочаётган дам,
Тунчироқлар вазифаси тушиб эсига
Парвоналар бўлишарди мажлис ичра жам.
Намозшомгул сұхбатига ошиқар эди
Шамол, унга зарур эди хушбўй эртаклар,
Сўнг кирпилар – туннинг бедор

фуқаролари

Айланишга чиқишарди бола етаклаб.
Ҳали-ҳамон тил битмаган дудуқларига,
Ҳали-ҳамон шундай ухлар толиққан
қишлоқ.

Сув ўрнига заҳмат тўлган қудуқларига
Қўрққанидан тушмай қўймиш Ойлари
бироқ.

Лекин тирик ... Боз устига умиди бордай...
Тун бағрига кўмиб қўйган нолаларини.
Бойқушларни сайратганча ухлатмас атай
“Зарбулмасал” ўқиётган болаларини.

11.08.2018



Мен ҳақдаги шеърни
Қон билан ёзгин.
Суратимни чизсанг,
Ханжар билан чиз.
Қум устига бўлса ҳам, майли.
Ишон, шамол ўтмас у ердан,
Севгили исмлар чўчитар уни:
Қачондир оташин бир қалб устидан
Учиб ўтаётиб
Қаноти куйганин унутмагай у!

22.09.2018

* * *

Хатжилдга сифмади
Сенли хаёллар.
Жойладим уларни
Ниначи қаноти,
Хонқизининг нукталари,
Япроқнинг қузги парвози,
Ёғду торлари
Ва қўлларимнинг қанот ҳақидаги
орзусига:
Энг инжа юракка
Мухтожсан энди.

22.09.2018



* * *

Гарчи қалбингдаги қизғанч бир севги,
Үтінчим бор: ўлганимдан сүңг
Шамолга бер бармоқларимни,
Мен учун ўрмонни ўтсін сийпалаб.
Күз ёшимни дарёларга соч,
Мунчоқ бўлсин сув қизларига.
Қушларга бер луғатимизни –
Сайрамаган бир қуш қолмасин.
Кўзларимни берсанг осмонга,
Иккитага ортар юлдузи.
Сўнган вулқонлар кўп юрагим учун...

22.09.2018



* * *

Жимжилоги күйіб қолган булутлар
Таҳсин айтар уфқнинг саботларига,
Кечиккан қушчалар урилиб ўтар
Шомнинг ёнаётган қанотларига.

Қанотлар ортида ястанар Куёш,
Чүғистон бўлади Тоғлар елкаси.
Миллиард кўз ўнгига фош бўлажак, фош
Дард қаби чўзилган Зулмат ўлкаси.

22.09.2018

* * *

Сүз эмас, ишора кутаман сендан:
Севгили икки күз ишорасини,
Хеч сүнмас бир юлдуз ишорасини,
Энг ёруғ бир кундуз ишорасини.
Эрий бошлаган муз ишорасини...

Сен-чи тан олмайсан ишораларни:
Луғатингда факат сарғарган сүзлар,
Хамма биладиган – тарқалган сүзлар,
Тиллар қамчисида савалган сүзлар,
Йилон күзи каби қаварган сүзлар...

22.09.2018

АСЛ ЎЗАНЛАР САРИ...

Ёхуд сўнгги сўз ўрнида

Ҳазрат Навоийнинг “Назмда ҳам асл анга маъни дуур, Бўлсун анинг сурати ҳар не дурур” деган машҳур байти бор. Бунда олга сурилган мазмун шарқ-ислом адабиётининг туб моҳиятини ифода этади. Ушбу хайрли анъана ўзбек шеъриятида Навоийдан ҳам уч-тўрт аср олдинроқ бошланиб, ўтган асрга қадар изчил давом этиб келди. Аммо афсус-надомат билан таъкидлаш керакки, XX аср ўзбек шеърияти бундай анъаналардан анча узилиб қолди. Миллий шеъриятимизнинг тошқин дарёдек шиддатли ва улкан бадиий қуввати сонсаноқсиз бегона ўзанлар бўйлаб сочилиб кетди.

Чамамда, бугунга келиб, шеъриятимиз асл ўзанлари томон йўл излаётгандек. Умидли шоирамиз Гулноз Мўминова шеърияти адабиётимизда юз қўрсатаётган ана шундай қувонарли ҳодисалардан. Шеърлари мазмунидан муаллифнинг асл маъни сирларини англаб, ўзгаларга ҳам англатишга уринаётганига амин бўламиз.

**Узок ЖЎРАҚУЛОВ,
филология фанлари доктори**

МУНДАРИЖА

Тақдим	3
Заминга хитоб	5
Зорро ниқоби	7
Шерлар.....	9
Довон тошлари	11
Мутантлар.....	13
Саратон қўшиғи	15
Қуш билан сўзсиз сухбат	16
“Кундуз – менинг такаббур дўстим”	17
Фордаги сухбат	18
“Биз сен билан ҳамон икки қутбмиз”	20
“Вале озурдамиз озор ичинда”	21
“Ўша қўхна ҳисдан ҳамон адоман”	23
Дил синиклари	25
Истаюр	36
“Эй дил, ғам ризқини ол – ғаниматдир айрилиқ”	38
“Шўх фасллар ичра маним диёrim йўққа ўхшайдир”	39
Мехрожға.....	41
“Иқрорман – сен бугун ғолибсан, Нафрат”	43
“Гоҳи қаро соч узра”	44
“Сан ҳам манинғ каби маҳзумидинг, ёр” ..	45
“Ёра, Юсуф ётган чоҳингни кўрсат” ..	46

“Сени сокин севдим – умринг боғида”	48
Изҳор	50
“Воҳ, бу дун оташи мудроқ ёнадир”	51
“Сенсиз тақдир измиға риоят истармидим?”	52
Қурбонжон додхоҳ монологи	54
“Абри найсон кима нафдур, қатра ҳам, дур ҳам бўлмаса”	57
Отелло монологи	59
“Абри найсонким, ёғмоқни ёр кўз ёшидан ... ўрганмиш”	61
“Фофил ёра, бу дийдор ғамларинг Синосидур”,	63
Иқрорлик	64
Гина	66
“Ишқ десам, сочда қор йиғлар”	68
Сотқиннинг фалсафаси	69
“Кул севгиси каби беўхшов сукут”	70
Кўзинг раҳшонини кўргач	71
Пайдо	73
Кўзларингга ишонгин мени	74
Лаҳза	75
Оломон	76
“Февралнинг”	77
Навоий ҳайкали пойида	79
Мехр	81

Севги ўлими	82
Рашқ.....	83
Кеч куз манзараси	85
Пейзаж	86
Гулхан	87
Афсона	88
Куз	90
“Хазонрезги тилида айтар”	90
“Борлигим бормоқда сарғариб”.....	91
Сунбуланинг сувлари мисол.....	91
“Куз– васл кўприги”.....	92
Ойпараст	93
Ўқ	95
Чақиргайман.....	96
Сенли тушлар	98
“Билмам, нега ёнимдасан-у”	99
Мен дарахтга ўхшайман.....	101
Тонгги ҳислар	102
Гина.....	104
Дунё.....	106
Мұхабbat	107
Оху	108
Қиши кечаси.....	110
Қўшиқ.....	111
“Қўзларинг ойнадир – қорайтирилган”.	112
Сен.....	113



“Ришталарни боғлайди кеча”	114
Ойбарчиннинг пенелопага мактуби	115
Яшил елканлар	117
Ховуз ва мажнунтол	124
Шоира ва тун	125
Чилтор	126
Эски дафтар	127
Ҳар кунги эртак	128
“Илиада” оҳанглари туркум	129
Қаламнинг шоирга дегани	139
Эгилмаган бosh	141
Кор гуллари	142
Ҳақ чолғуси	143
Қалбингга таъриф	145
Сунбула	146
Куйган қанотлар ҳақида ривоят	147
Сен ва ёмғир	149
Дилга борар йўл	150
Кор соғинчи	151
Тун остонаси	152
Корли оқшом	153
Ёз манзараси	154
Оддий қўшиқ	155
Муқослар	156
...	157
Клеопатра	158



Олма.....	159
Сузаётган ой	160
Ўзни таниш.....	162
Чорасизлик	163
Шамол ва соялар.....	164
Хайрлашув олдидан.....	166
Гиря.....	168
Гладиатор	170
Асад	173
Чиғаноқ.....	174
Яшил печакгуллар	175
Видо шароби	177
Кузак дарёси	178
Улар сенинг қушларинг эди	179
Этюд.....	180
Мұхаббатнинг табиати.....	181
Митти гулмоҳилар	182
Тойифа	183
Ворис	185
Қуш ҳақида уч шеър	186
Куз пейзажлари	189
Чилла.....	193
Совуққон шеър.....	194
Тасаввур сарҳади	195
Глобаллашув	197
Бир шоирга	199




Журъатсизлик	200
Умр тавсифи	201
Лабиринт	202
Талқин	203
Қайғу	204
Чистон	207
Бир түйғуга бағишло	208
Үзимга	209
Хризантема	210
Асрор денгизи	211
Шоирнинг тўйи	212
Кураш	214
Ёмғирли пейзаж	215
Сариқ атиргул	216
Болалик ёди	218
Шоир рухлар	221
Достон якунланган кеча	223
Николай Гумилёвга назира	226
Битиктош	227
Тоғлар соғинчи	228
Яшма	229
Пайғамбар сув ичган косага бағишло ..	230
Кор афсонаси	231
Сиҳат	232
Киш париси	233
Декабр	234

Декабр булути	235
Бошпана	236
“Мен” – бир чироқ	237
Хақпараст шоирга бағишлиов	238
Халқона	239
Апрел осмонига боққан	
Шоир тасаввури	240
Изҳор	242
Сарқаш хаёллар	243
Машқ	244
Тақсимот	245
Тилак	246
Ноктюрн-1	247
Сурат	248
Сүзлар соғинчи	249
Тахмин	250
Босинқираш	251
Сүзларнинғ унсuri	253
Борлық геометрияси	254
Тақриз	255
Ноктюрн -2	256
Тавсия	258
Аксиома	259
Төғ дарёси	260
Даштдаги йўловчи	261
Фалсафа	262

Тонг	263
Кема ҳақида икки тушкун шеър	264
“Кема эдим, боримни ортиб”	265
Вақт ва мен	266
Сирдош.....	267
Август	268
Алам	270
Тарози.....	272
Сабр косаси	273
Тушлар	274
Автопортрет	275
“Кафтимга сув олиб”	277
Яна Маринага.....	278
Хуршидга	280
Чекиниш	281
Умидсизлик	282
“Октябрнинг сийрак хиёбонида”	283
Девонанинг қўшиғи.....	284
“Ҳеч” ҳақида шеър	286
Кеча этюди.....	287
Ранглар тилида	288
Манозил.....	289
Мубтало.....	290
Лонгнинг илк қўшиғи.....	291
Сенинг байраминг	292
Ишора.....	293

Девонанинг ўзига насиҳати	294
Учликлар	295
Эслатиш	297
Ёғмур чечаклари	298
Кетмон.....	300
Айблов хулосаси.....	301
Робита.....	302
Парвоз	303
Хисса.....	304
Эрк.....	305
Шафак этюдлари.....	306
“Кўқ”	307
“Ҳар кеч уфқ томонда ”	308
Шивирлоқ хитоб	309
Сен ва мен.....	310
Ғамгин сурат.....	311
Сўнган гулхан, одам ва бўри	312
Тушда ёзилган шеър	313
Ҳақиқат	314
Ҳафта	315
Қиш	316
Атвор.....	317
Юлдуз мева.....	318
Ғалати айблов	319
Сирли одам.....	320
Ишқ.....	321



Ишқ ваҳийси	323
Наврӯз	324
Қўрқоқ(лар) ҳақида афсона.....	326
Сир имлоси	328
Бут (параст)	329
Қалдиргочлар	330
Фоторепортаж	331
Ҳилол.....	336
Хиргойи	337
Келажак боласи	338
Сўнгги кадр	341
Шамолнинг кўзи йўқ,	342
“Сен ҳақингда ёзаётганда”	343
Комета.....	347
Навозиш.....	348
Энг қисқа ҳасби ҳол	350
Болалик	351
Май тонглари	352
Парвоз	354
Саломнома.....	356
Ҳаво	357
Дарвинга дахли бўлмаган шеър	359
Май оқшоми	360
Рўё	361
Ҳуқмдор	363
Кизиқарди математика	364



A.Н.Га	365
Қишлоқ тонги	366
Бир сониялик хаёл	367
Олтин олма.....	368
Янги хиргойи	370
Каллалар.....	371
Ходиса.....	372
Манзара соғинчи.....	373
“Мен ҳақдаги шеърни”	375
“Хатжилдга сиғмади”	376
“Гарчи қалбингдаги қизғанч бир севги”..	377
“Жимжилоги куйиб қолган булатлар”	378
“Сўз әмас, ишора кутаман сендан”	379
“Асл ўзанлар сари”.....	380

Гулноз МҮМИНОВА

КОМЕТА

Шеърлар

Муҳаррир *Ирода Муҳиддинова*
Бадиий муҳаррир *Ақбарали Мамасолиев*
Техник муҳаррир *Хосият Хасанова*
Мусахҳиҳ *Доно Тўйчиева*
Саҳифаловчи *Умида Валижонова*

Нашриёт лицензия рақами AI № 290. 04. 11. 2016.
2018 йил 11 декабрда босишга рухсат этилди.
Бичими 70x100 $\frac{1}{32}$. Heuristica гарнитураси.
Офсет босма. 15,88 шартли босма табоқ.
13,2 нашр босма табоги. Адади 2000 нусха.
627-рақамли буюртма. Баҳоси шартнома асосида.

Ўзбекистон Матбуот ва ахборот агентлигининг
Гафур Гулом номидаги нашриёт-матбаа
ижодий уйида чоп этилди.
100128 Тошкент, Лабзак кўчаси, 86.

Телефон: (371) 241-25-24, 241-48-62, 241-83-29

Факс: (371) 241-82-69

www.gglit.uz info@gglit.uz